

گوجری افسانے

چٹی مٹی

ڈاکٹر رفیق انجم

جموں کشمیر انجم نے ترقی گوجری ادب

جملہ حقوق مصنف کے نام محفوظ

نام کتاب	:	چٹی مٹی
مصنف	:	ڈاکٹر رفیق انجم
کمپوزنگ	:	ذیشان انجم
مرتب	:	شیزان انجم
سرورق	:	بشير احمد نجار
اشاعت	:	<u>۲۰۱۹</u>

تعداد	:	500
قیمت	:	250/- روپیا
پریس	:	آدم پبلشرز نئی دہلی
پبلشر	:	جموں کشمیر انجمن ترقی گوجری ادب
پتہ:	۱.	گوجری ریسرچ سینٹر، بابا غلام شاہ بادشاہ یونیورسٹی راجوری
	۲.	ڈریم لینڈ کالج روڈ راجوری

انتساب

ہابیل کے نانویں

مختصر تعارف

نام : محمد فتح آجم آوان ولدیت : میاں عبدالکریم آوان
 قلمی نام : ڈاکٹر رفیق انجم جنم: جنوری ۱۹۶۲ء کلائی، ہولی، پنجاب
 تعلیم : ایم بی بی الیس ۱۹۸۶ء ایم، ڈی شعبہ اطفال ۱۹۹۵ء کشمیر یونیورسٹی
 ایم اے اردو، ایم اے الگش، ایم اے، پی ایچ ڈی، اسلامیات
 روزگار: استاذ پروفیسر شعبہ اسلامیات، بابا غلام شاہ بادشاہ یونیورسٹی راجوری
 (سابقہ رجسٹر ار، گورنمنٹ میڈیکل کالج سری نگر، کشمیر)
 تخلیقات : ۱۔ خواب جزیرہ (اردو شاعری ۱۹۹۳ء) ۲۔ دل دریا (گوجری شاعری ۱۹۹۳ء)
 ۳۔ غزل سلوانی (منتخب گوجری غزلیں ۹۵ء) ۴۔ سوچ سمندر (جدید گوجری شاعری ۹۶ء)
 ۵۔ کورا کاغذ (گوجری افسانے) ۶۔ سوغات (گوجری شاعری ۲۰۰۳ء)
 ۷۔ گوجری کہاوت کوش ۲۰۰۳ء ۸۔ گوجری انگریزی ڈکشنری ۲۰۰۳ء
 ۹۔ گوجری گرائز ۲۰۰۳ء ۱۰۔ کاش! (اردو شاعری ۲۰۰۵ء)
 ۱۱۔ گوجری ادب کی سنہری تاریخ (وسیع چلدیں) ۱۹۹۶ء تاکہ ۲۰۰۳ء
 ۱۲۔ علاں کا بخارا (گوجری مصطفیٰ) ۱۲۔ انجم شناسی
 ۲۳۔ گوجری اردو ڈکشنری ۲۴۔ زندیل (گوجری، پنجابی، ہندی)
 ۲۵۔ گوجری کشمیری ڈکشنری ۲۶۔ گوجری ہندی ڈکشنری

'Revisiting Islam' ۲۷

رہائش: ڈریم لینڈ، کالج روڈ، راجوری. 185131.

1. Academy Best-Book Award (Dil Darya) 1996.
- 2 State Level Academy Award 2007.
3. Himalayan 'Man of Letters' Award, (HEM) 1999.
- 4 State Humanity Award {JK Human Rights} 2018
5. Member, General Council, JK Cultural Academy 2005

* Secretary General, JK Anjuman Taraqi Gojri Adab

ترتیب

صفحہ	مضامین	شمار
	ڈاکٹر شہاب عنایت ملک 7 ڈاکٹر جاوید راهی 12	ا۔ پیش لفظ ب۔ انجم شناسی ج۔ دیپک راگ ڈاکٹر رفیق انجم
		کہانیں
20	P/86	دو جائیگی
26	J/5.3.85	(سلونا اتھروں)
31	s/24.5.86	ہڈیاں کی مٹھی
36	P/84	مکتی گل
41	s/86	سچا اتھروں
44	P/86	نویں سوچ
48	J/84	زندہ لاش
53		خواب خزانہ
56	J/83	ڈنگی سوچ
62	P/86	تاراں کی سلو

68	J/84	چھلیا لوک	-۱۱
91		د درد	-۱۲
93	Sgr/20.9.89	پچی خواب	-۱۳
95	Sgr/20.9.89	آخری جھلکارو	-۱۴
97	P/24.9.89	کالوجادو	-۱۵
99	k/12/89	کباری	-۱۶
102	k/1/91	پرائی پیڑ	-۱۷
104	J/15.6.89	پیامنگی آس	-۱۸
106	P/89	کوسا اتھروں	-۱۹
108		وفادر (ترجمہ)	-۲۰

انشائیہ

112	s/22.8.86	دو گل شیطان نال	(Rkj/28/10/86)
117	J/86	گزارونیہ ہوتو	
125	J/86	بے ہوں ہوتی گیری	
128		گوجری افسانہ نگاری: کے ڈی مینی	تقریظ
141		پارکھ نظریں: نسیم پونچھی	تبصرے
143		ڈاکٹر مرزا خان وقار	
144		چٹی مٹی	آخری کہانی

.....

”پیش لفظ“

ڈاکٹر شہاب عنایت ملک

گوجری افسانے کے ارتقائی منازل کا تحریر کرتے ہوئے اس کی کڑیاں اردو افسانے سے جاتی ہیں۔ گوجری میں اگرچہ نشر کی صورت میں لوک کہانیوں کا ایک بڑا ذخیرہ Oral Tradition کے روپ میں موجود ہے مگر یہ وہ روایتی اثاثہ ہے جو نسل درنسل زبانی طور سے منتقل ہوتا آ رہا ہے۔ تکنیکی اعتبار سے گوجری افسانہ اردو کے زیر اثر وجود میں آیا ہے۔ اور اس کے اجزاء ترکیبی، متن اور انداز تحریر اردو کا ہی مرہون منت ہے۔

جہاں تک گوجری افسانہ نگاری کا تعلق ہے تو اس کا باقاعدہ آغاز ۱۹۶۹ء میں اس وقت ہوتا ہے جب ریڈ یو شمیر بینگر سے گوجری پروگرام نشر ہونے کا سلسلہ شروع ہوا۔ اگرچہ اسی دور میں ”گرجر دلیش“، بھی شائع ہونا شروع ہو گیا تھا کہ جس میں شاعری کے ساتھ افسانے بھی شائع ہوتے تھے لیکن چوں کہ یہ ابتدائی تجربات تھے اس لئے تکنیکی لوازمات کی کمی کی وجہ سے ہم پوری طرح انہیں افسانے کے زمرے میں شامل نہیں کر سکتے ہیں لیکن ان کی اہمیت کو نظر انداز بھی نہیں کیا سکتا ہے کیوں کہ ان ابتدائی نمونوں نے بعد میں آنے والے افسانہ نگاروں کے لئے مشعل راہ کا کام انجام دیا۔

فني اعتبار سے گوجری افسانے کی باقاعدہ ابتداء اس وقت ہوتی ہے جب

۱۹۷۸ء میں کلچرل میں گوجری کا شعبہ قائم کیا گیا اور اس کے ساتھ ہی شیرازہ کا گوجری ایڈیشن شائع ہونے لگا۔ گوجری زبان کے بعض ادیبوں نے اس صنف کی طرف توجہ دی اور متعدد ایسے افسانے شائع ہوئے جو موضوع مواد اور تکنیک کے اعتبار سے گوجری ادب کا قابل قدر سرمایہ ہیں۔ گوجری کے جن ادیبوں نے اس صنف کی آبیاری کی ان میں سیم پوچھی، محمد حسین سیم، اقبال عظیم، محمد امین قمر، غلام رسول آزاد، مرزا خان وقار، جاوید راہی اور ڈاکٹر رفیق انجم کے نام قابل ذکر ہیں۔ ان ادیبوں کی کوششوں اور کاوشوں سے گوجری افسانہ روز بروز ترقی کی منزلیں طے کرتا گیا جس کا ثبوت ڈاکٹر رفیق انجم کا افسانوی مجموعہ چٹی مٹی ہے۔

جہاں تک ڈاکٹر رفیق انجم کا تعلق ہے بنیادی طور پر وہ اردو اور گوجری کے ایک نامور شاعر ہیں جن کا کلام ملک کے معتر رسائل اور جرائد میں چھپ کر دادِ تحسین حاصل کر چکا ہے۔ ان کے شعری مجموعے بھی شائع ہو کر عوام میں مقبول ہو چکے ہیں۔ پہلی گوجری انگلش ڈکشنری کے علاوہ ۵۰۰ صفحات پر مشتمل ان کی کتاب *History of Gogri Language & Literature* ان کی تحقیقی اور تقیدی صلاحیتوں کی مظہر ہے اور زیر نظر مجموعہ کے ساتھ انہوں نے اپنے آپ کو افسانہ نگاروں کی صف میں بھی شامل کر دیا ہے۔ گویا ڈاکٹر رفیق انجم ایک ایسے ادیب ہیں جنہیں نشر و ظلم اور تحقیق و تقید پر پوری دسترس حاصل ہے۔

گوجری زبان کے بعض معروف ادیبوں اور ناقدوں نے ڈاکٹر رفیق انجم کے فن اور شخصیت سے متعلق کئی بصیرت افروز مضمایں لکھے ہیں۔ جناب سیم پوچھی نے رفیق انجم کی کہانیوں کو گوجری زبان و ادب میں قیمتی اضافہ قرار دیا ہے۔

ریاست کے نوجوان ادیب ڈاکٹر جاوید رہی نے مختصرًا مگر مدل انداز میں رفیق انجم کے فن پر تبصرہ کرنے کے علاوہ ان کی متنوع شخصیت کے بعض اہم پہلوؤں کا احاطہ کرنے کے ساتھ ساتھ، گوری زبان میں پہلا مجموعہ شائع کرنے کے لیے اس باہمی اور با حوصلہ ادیب کو مبارک باد بھی دی ہے۔ کتاب کے مصنف نے اپنی بات ”دیپک راگ“ کے عنوان سے تحریر کی ہے مگر یہ راگ بذاتِ خود ایک کہانی ہے جسے ہم اساطیری ادب کا حصہ بھی قرار دے سکتے ہیں۔ اس راگ کو مصنف نے اس شعر پر ختم کیا ہے ۔

زندگی تجھ سے تو اپنی کوئی قیمت نہ لگی
موت آئے گی تو کرجائے گی مہنگا مجھ کو

زیر نظر کتاب کا پہلا ہی افسانہ ”دو جائیگی“ (Bigotry) نہایت ہی اہم ہے۔ اختصار پر متن یہ افسانہ گوروں کے رنگارنگ شفاقتی و رثے اور اس میں پہنچنے والی سوچوں کی منہ بولتی تصویر بھی پیش کرتا ہے۔ افسانے کی زبان سلسلیں روایا اور سادہ ہے۔

افسانوی مجموعے میں شامل ایک اور کہانی ”خواب خزانائی“ بھی گوروں کے روایتی ماحول میں پہنچتی ہوئی سوچوں کا عکس پیش کرتی ہے۔ مجموعے کے بعض افسانے ڈاکٹر رفیق انجم کی طبیعت کی نزاکت کی غمازی کرتے ہیں۔ ان کی سوچ کی باریکی، مضمون آفرینی اور بات ٹکانے کا انداز خود افسانے کوئی سست بخشتا ہے اس سلسلے میں ”آخری جھلکاڑو“، ”پرانی پیڑی“ اور ”کالوجادو“ قابل ذکر ہیں۔

ڈاکٹر انجم نبیادی طور پر چوں کہ شاعر ہیں اس لیے ان افسانوں میں شعریت کا عضر بدرجہ اتم موجود ہے اور یہ عضر ان کی نشر کو اور زیادہ دلکش بنادیتا ہے۔ اس مجموعے کے تمام افسانے غریب، مظلوم اور ایسے انسانوں کی کہانی پیش

کرتے ہیں جو اپنے اندر زندگی کی امنگ رکھتے ہیں اور وقت و حالات کے ساتھ لڑ کر اپنا آپ منوانا چاہتے ہیں۔

کتاب میں موجود تین انشائیے ڈاکٹر رفیق انجم کی ظرافت کی نشاندہی کرتے ہیں۔ ظرافت بھی درحقیقت یا سیت کی انتہا سے شروع ہوتی ہے اندر کی ٹوٹ پھوٹ، درد و اندوہ انسان کو کبھی خود پہنے پر بھی مجبور کرتی ہے۔ یہ در حقیقت درد کی انتہا کا عالم ہوتا ہے۔ کتاب میں شامل ڈراما کہانی اور مکالموں کے اعتبار سے نہایت چست اور دلچسپ ہے۔

ڈاکٹر رفیق انجم کے افسانوں میں یا سیت کا غصر بھی نمایاں ہے۔ مگر یہ یا سیت، یہ غم، یہ دُکھ ایک خوشی کی انتہا پر ختم ہوتے ہوئے قاری کے ذہن پر کہانی کے نئے معنی چھوڑ جاتا ہے اور یہ خصوصیت رفیق انجم کے افسانوں کو بہترین ادب کے زمرے میں شامل کرتی ہے۔ بعض افسانوں کے مطالعے کے دوران میں اپنے آپ کو گوجر قبیلے کا حصہ سمجھنے لگا۔ افسانے کی کامیابی کا راز اس میں بھی مضر ہوتا ہے کہ افسانہ نگار اپنے ہر قسم کے قاری کو گرفت میں لے کر اُس ماحول کا حصہ بنادے جس کی وہ عکاسی کر رہا ہو، اس سلسلے میں رفیق انجم بے حد کامیاب نظر آتے ہیں۔

رفیق انجم اس لئے بھی مبارک باد کے مستحق ہیں کیوں کہ ان افسانوں میں انہوں نے اپنے قبیلے کے رسم و رواج مذہبی روایات تہذیبی اور تمدنی جھلکیوں کے علاوہ گوجروں کے متعدد مسائل کو بھی قلم بند کیا ہے۔ ضرورت اس بات کی ہے کہ اس مجموعے کو دوسری زبانوں میں بھی منتقل کیا جائے تاکہ

دوسری زبانوں سے وابستہ قاری بھی ان افسانوں میں موجود افسانوی پن اور اچھوتے موضوعات سے لطف انداز ہو سکیں۔

رفیق انجتم کا یہ افسانوی فن پارہ یقیناً گوجری زبان و ادب میں قدر کی نگاہوں سے دیکھا جائے گا اور یہ گوجری کے اُن بلند پایہ ادیپوں کے لئے ایک تحریک کا کام بھی کرے گا جو اس فن کی آبیاری کر رہے ہیں لیکن ابھی تک اپنی تخلیقات کو شائع نہیں کر سکے ہیں اور اگر وہ ایسا کرنے میں کامیاب ہوئے تو گوجری افسانہ جو معیار کے اعتبار سے اہم تو ہے لیکن مقدار کے اعتبار سے کم، مقدار کے اعتبار سے بھی اپنے لیے الگ مقام پیدا کر سکتا ہے۔ معیار اور مقدار یہ دونوں چیزیں جب موجود ہوں تو ادبی مورخ بہ آسانی گوجری ادب میں اس صنف کے مقام کو متعین کر سکتا ہے۔

پروفیسر شہاب عنایت ملک
صدر شعبہ اردو، جموں یونیورسٹی

انجم شناسی

ڈاکٹر جاوید راهی

کچھ کچھ شخصیات بارے یوہ فیصلو کرنے مشکل ہو جائے کہ ہم ان ناکہڑ ورتبہ دیاں تابنجے اُن کی عظمت نا تسلیم کرن کوئی ادا ہو سکے۔ اخفاں ہی شخصیات پھول ڈاکٹر رفیق انجم بھی ایک ہیں جن کی ہر تحریر بھانویں واہ شاعری کی صورت مان ہوئے یا افسانو۔ تاریخ ہوئے یا ڈرامو، اپنے اندر جاذبیت تے تاثر کو لامتناہی سلسلہ رکھے ہر تخلیق نا پڑھن توں بعد ڈاکٹر انجم ایک نواں روپ مان مھارے باندے آنویں وراؤں سمجھتا روپاں مان ایک قدر جہڑی مشترک ہے وہ ہے ”درڈ“ ہی میٹھو تے سوہنگو درجہ جہڑو کسے ناسوی چاہڑے تے کسے کی کھل لہو اوابے کسے کے ہتھوں تیسہ نان پھاڑاں تے شنگر ان کا سینہ تڑاوے تے کسے ناصحرا کی خاک چھانن ور مجور کرے۔

ایک انگریز مفکر کو کہنو ہے جے پھوشا عروج مان موسیقی لے کے پیدا ہوے یا موسیقی شاعر سنگ اس قدر ہم آہنگ ہو جے کہ بلیں بلیں اُس کی ذات کو حصو بن جائے۔ میر و خیال ہے کہ موسیقی کو جتنو تعلق خوشی نان سمجھیو ہے اُس توں کئی گنا زیادہ اُس کو رشتہ درد نال ہے اسے گلوں جد موسیقی کسے کی روح مان تحلیل ہو جائے تے فروع شخص بھانویں شاعری کرے یا نثر لکھئے۔ مصوری کرے یا سنگ تراشی وہ درد اُس کی روح کے اندر روں بولے تے متاثر کرے۔ کچھ اسے راہ کو تاثر ہم نا ڈاکٹر انجم کی تحریر اں پھول لیجئے۔ ویہ اُن خوش بخت لوکاں پھول ایک ہیں جن کی ہر تحریر اپنے

اندر درد کا عمیق سمندر رکھتے۔ اُن کا درد مال میٹھا رس وی ہے تے لذت وی۔ اُن کی داخلی تے غنائی تحریر اسے گلوں مقبول ہیں کیونچے اُن ناپڑھ کے احساس ہوئے کہ ”گویا یہ بھی میرے دل میں تھا۔“

افسانو حقیقت ماں ایک مشکل ترین صنف ہے اس ماں جت ایک پاسے لفظاں ناپڑھن، تولن تے جاہن آلوڑ ہن لوڑے اُتے دوجے پاسے کردار اُن کا جذبات احساسات تے نفیسات کو مسئلہ بھی اہم صورت اختیار کر تو جائے۔ ورڈ اکٹر رفیق انجم کا افسانہ پڑھن توں بعد احساس ہوئے کہ ویہ افسانہ کافن تے تینک ورکس قدر دسترس تے قدرت رکھیں۔ اُن کو معمولی توں معمولی تے نکاتے نکو کردار وی اپنے اندر معنوی بلندی رکھتے۔ ویہ جدوی کسے کردار توں بلاویں وہ مکالمواس قدر بامعنی تے با اثر ہوئے کہ گجراما حول کی سچی تے سچی تصویر ہیں۔ اُن کو رشتہ مهاری دھرتی نال ہے تے یوہ رشتہ اس قدر مستحکم ہے کہ جے کدے اُن کو ترجو دو جیاں زبان ماں بھی کیو جائے تے کہاں آپے بول پوئے گی کہ میر و علق کس علاقہ کا کن لوکاں نال ہے۔

یاہ گل حقیقت توں خالی نہیں ہے کہ گوjerی افسانو بیہویں صدی کی پیداوار ہے۔ وریاہ گل کہتاں مهار و سرخ نال اچو ہو جائے کہ گوjerی ادب کی اس مختصر جہی تارت خ ماں اجیہا افسانا لکھیا گیا ہیں۔ جن کو مقابلہ دو جی ترقی پذیر زباناں کا ادب نال بخوبی کیو جاسکے۔

ان تمام تر دعوائ کے باوجود یوہ بھی ایک کوڑو سچ ہے کہ کسے وی گوjerی افسانہ نگار نے اپنا افسانہ کتابی صورت ماں شائع کرن کی جرأت نہیں کی۔ ڈاکٹر

رفیق انجم گوجری افسانہ کا پہلا مجموعہ کا مصنف ہیں۔ یہ امر اس گل کی وضاحت کرے کہ ویہ کس قدر بہت تے با حوصلہ شخص ہیں۔

مشہور مفکر آللہ سیکلے کو کہنو ہے کہ دنیا مال دو قسم کا دماغ ہویں۔ ایک ویہ جہڑا ہر ویلے قتل کرنے سے تیار رہیں۔ دو جاویہ جہڑا سر نیوں کر کے قتل ہون ور آما دہ رہیں۔ انجم دو جی قسم کا انسان ہیں۔ اسے گلوں اُن کی تحریر اس مال دا خلیت تے غنا بیت کو عنصر موجود ہے۔ ویہ درد، کرب، غم، دیاس کے آسے پاسے لفظاں کی تانی بینیں یہ تانی کدے شعر و خن کی صورت مال وین تے کدے نثری ادب ہاروں۔ اس مختصر جیا مضمون مال ڈاکٹر رفیق انجم جیہی شخصیت تے اُن کافن کوا حاطو کر نو مشکل ہی نہیں نامکن وی ہے۔ آخری لفظاں مال ہوں یوہ ہی کہوں گوڈا کٹر انجم کی شخصیت گوجری ادب مال ایک گھونہ مہرا جیہا رکھ ہاروں ہے جس کی چھاں مال درد کی راہ کا مسافر چھٹ گھڑی بیس کے تے فرمد ت توڑی دھپ مال وی چھاں کی لڈت محسوس کرتا رہیں۔

ڈاکٹر جاوید راہی

چیف ایڈیٹر گوجری
کلچرل اکادمی سرینگر کشمیر

خود نوشت:

دیپ راگ

سُنیو ہے جدتان سین اپنراگ چھیرے ہوئے تاں بجھیا وادیپ فربل
پوئیں ہویں۔ اس داستان ناچ جان کے اک دیوانہ نے وی اپنراگ شروع کر لیو
اس امید پر جے شاید کے کا دل ماں محبت کا بجھیا وادیا فروشن ہو جائیں۔ ”چپ
رہن تو ہمیشان تو میری عادت رہی ہے“

زمانہ نے قدر چھوڑی تے میں اپنی طلب چھوڑی

خموشی کا بے شمار فائد اس وچوں ایک یوہ وی ہے جے بندو خدا کی کار گیری
پر غور کر سکے۔ سبحان اللہ! کسی نعمت ہے خاموشی وی۔ اسے حالت ماں مناں ایک
دفعہ خاباں کی پری اکھ کا پکار ماں اڈا کے کوہ کاف ماں لے گئی۔ نیوں تے واہ ہو، ہو
اُسے راہ کی پری تھی۔ جیسی پریاں کی کہانیں سنی وی تھیں۔ پرواہ پریشان زیادہ تھی
میرا چھمن تیں بغیر ہی اُس نے کہو شروع کیوں میرے کو لے مہلت گھٹ ہے تے
داستان لمی۔ میرے کو لے مج سارا راز ہیں۔ ایسی زندگیاں کا راز جہڑی اُپروں
اپروں سمندر ہاروں خاموش وہیں۔ ایسا مکھڑاں کا راز جہڑا بظاہر ہستا مسکراتا ہویں۔
پرانکا اپنا نیواں کا موٹا موٹا اترروں کوئے نہیں دیکھتو۔ ایسی کاغذی زندگیاں کا راز
جن پر دنیا مج کجھ لکھ کے ملچ چھوڑے تے ویہہ کورا کا کورا کاغذ رہ جائیں۔ ایسی
نازک پریاں کا راز جن کی زندگی لیکھاں نے کسے نہ کسے جن کا قبضہ ماں کر چھوڑی
تے ہوروی..... مج ساری کہانیں۔

نیس اک چپ رہ کے اُس نے فر کہو شروع کیوں یہ سارا راز میں کسے

خاموش انسان ناد سنا تھا۔ پر منا آج توڑی ایسو کوئے نہ لبھو تے آج وی انسانوں کی دنیا مام اتنو شور تھو جے منا اپنی داستان واسطے کوہ قاف ماں آنوب پوچت دراصل جن بسیں تے کد کدے تیں وی چپ چاپ میری کہانی نہ سنی تاں میری جندوی کے جن کا قبضہ ماں ہو جائے گی۔ منا اس کی پریشانی تے مجبوری سمجھ آگئی تھی۔ لہذا ہوں سنن واسطے تیار ہو گیو۔ پر اک وعدو کریہ ساری داستان تیں دنیا نا انسانی ہیں۔ ورنہ..... (ورنہ ہوں سمجھ گیو تھو جے میری جان وی کے جن کے قبضے ہو جائے گی) شرط تے اوکھی تھی پر میں اُسکی مجبوری دیکھ کے حامی بھرلی تے واہ یوں داستان سنان لگی۔

”خواب جزیراں کو سلطان بڑونیک بادشاہ تھو۔ اک دن اُس کا دربار مانھ ایک خدا دوست بزرگ آیو تے جان بخشی کی درخاس تیں بعد سلطان ناک کاغذ کو پرزو پکڑا یو جس پر بظاہر بے معنی لیک مار مار کے اک انسانی چہرو بنا یو وو تھو۔

سلطان کا پچھن تیں بغیر ہی اُس نیک بزرگ نے کہیو یا امانت اپنا پوتا توڑی پچا چھوڑ یو۔ تھارے واسطے یاہ چنگی خبر نہیں بے شہزادو تخت تے تاج ناقبول نہیں کرسیں تے ”چاند نگر“ کی اک شہزادی کا عشق ماں گرفتار ہو جائے گو۔ یاہ قلمی تصویر اُسے شہزادی کی ہے۔ پر مناں یقین ہے تم اس امانت ماں خیانت نہیں کرسیں۔ یاہ کہہ کے ڈہ بزرگ غائب ہو گیو تے سلطان پر ایسی ذمہ داری چھوڑ گیو جہڑی بھانی وی اوکھی تھی تے جس کی وعدہ خلافی وی سلطان کی شان کے خلاف تھی۔ شہزادہ کا جوان ہوتاں ہی سلطان نے واہ تصویر اُس کے حوالے کر چھوڑی..... شہزادو دیکھ دیکھتاں اُس پر زہ سمیت اُس بادشاہی و چوں چون کا دلیں کی اُس شہزادی کی ملاش ماں نکل گیو جس کی تصویر تے اُس کو لے تھی پر اتو پتو کچھ نہیں تھو۔

آخرست سالاں کی مشقت تیں بعد اُس کی ملاقات شہزادی نال ہو گئی

پہلاں تے واہ اس نا شہزادو تسلیم کرن ناتیار ہی نہیں تھی۔ پر جد شہزادہ نے تصویر وی
دی تے ساری داستان سنائی تاں شہزادی وی دل تیں مجبور ہو گئی تے انہاں نے کے
دور دلیش ماں جا کے اوکھے سوکھ ماں سدا سنگ رہن کوارا دو کر لیوتے یوہ وعد ووی بے
خدا نخواستہ انہاں بچوں کوئے اک مرجائے تاں دوجو ساری عمر اُس کی قبر پر پانی
ڈھلتورہ گوتے اک پل وی قبرتیں دور نہیں جاسیں۔

خدا کی کرنی اس وعدہ تیں کجھ ہی مدت بعد واہ شہزادی فوت ہو گئی تے وعدہ
کے مطابق شہزادو اُتے رہن لگ پیو۔ وہ صرف اُس قبر پر پھل بوٹالا تو تے پانی ڈھلتو
رہیو۔ اسے کاروبار ماں ست سال ہو رگزد رگیا۔ شہزادو ہن صاف لا غر ہو گیو تو تھو۔
اک دن اُس بیباں وچوں اک نیک بزرگ کو گذران ہو یو۔ جد اُس نے اُت اک
شخص وی دیکھیو تے انسانی قبروی۔ تاں اُس نے سارو معاملو دریافت کیو تے شہزادہ
نے پچھلی ساری داستان سنا چھوڑی۔

اُس بزرگ نے کہیو ”میر وناں چن پیر“ ہے تے تاں یاہ راز کی گل دسوں
بجے تیں آج تک جو کچھ وی کیو ہے چنگو نہیں کیو۔ ”جو ہو یو وہ وی چنگو نہیں تے جو ہوے
گو وہ وی چنگو نہیں“ پرہاں تیری دیوانگی حدود بدھنی ہے۔ تیری بیماری لاعلانج ہوتی
جائے لگی وی۔ اس گلوں ہوں تیری اک شرط پر مدد کر سکوں۔

یاہ سن کے شہزادہ کی اکھاں ماں چمک آگئی تے اُس نے چن پیر کی ہر شرط من
کو وعدہ کر لیو۔ پیر نے کہیو اس شہزادی کی عمر ختم ہو گئی وی ہے۔ ہاں اگر توں اپنی باقی
ادھی عمر اُس نا بخش دیئے تاں، ہوں اس نادوبارہ زندہ کر سکوں۔ یاہ سن کے شہزادو خوشی
خوشی راضی ہو گیو۔ دیکھ دیکھتاں قبر کو منہ کھلیو۔ شہزادی اُسے صورت ماں باہر آگئی تے
شہزادو گل نال لایو۔ چن پیر اچ توڑی کدے آلوپ ہو گیو تو تھو۔ شہزادی نے اُس شہزادہ کو

سراپنی جھولی ماں رکھیو تے اُس کولوں جدائی کا سالاں کو قصو سنن لگی۔ شہزادہ نا آج توڑی
کوسار و قصو سناتاں سناتاں نیندا آگئی تے وہ اُتے شہزادی کی جھولی ماں سر رکھ کے سو گیو۔
تحوڑی دیر توں بعد اتوں اک نوجوان گذر یو جہڑو مساں کدے پر دلیں
بچوں تعلیم کمل کر کے آیو تھوتے اپنے طن جائے تھو لگو وہ۔ اُس نے قبر کے سرہانے
یوہ منظر دیکھیو تے حیران رہ گیو۔ نیڑے آ کے اُس نے اُس خوبصورت شہزادی توں
سار و قصو پچھیو تے شہزادی نے وی فخر نال شہزادہ کا عشق کی تمام داستان سنا چھوڑی۔
نوجوان کہن لگو شہزادی اتنی بے وقوف وی ہویں۔ میں تے کدے نہ
ڈھوتے نہ سینیو۔ توں نوجوان ہے، خوبصورت ہے، اجاص زندگی کی بہار تکنی ہیں تے
توں اس شخص کے سرہانے بیٹھی وی ہے جس کے ملے کجھ وی نہیں۔ توں اس
طرح کر، توں آمیرے نال چل۔ ہوں دنیا کو ہر سکھ دیوں گو۔ ہر خوشی دیوں گو۔
ہوں وہ پارلا بوٹا کی چھاں اڈیکیوں گو، توں سوچ کے فیصلو کر لئے.....

نیں اک سوچن تین بعد اُس نے شہزادہ کوسراپنی جھولی وچوں چاکے قبر کی
ہندی پر دھریو۔ پلوچھندیو تے اُس نوجوان کے نال چلی گئی۔ شہزادہ کی جدا کھلی
تاں شہزادی اتوں غائب تھی تے اُس کو سر پٹ کے بجائے قبر پر تھو۔ شہزادو اٹھ کے
بیٹھو۔ دوئے ہتھ دعا واسطے چایا۔ نظر آسمان دار کی تے اپنی باقی ادھی زندگی وی
شہزادی نا بخش دی۔ اسے ویلے آپ قبر مان سمیا گیو تے قبر کو منہ بند ہو گیو،
یاہ کہانی سنائے پری نے اساس ماریو۔ ہوں اجاص اُس نا کجھ سوال پچھن
ہی آلو تھو جے اُس نے چپ رہن کو اشارو کیو تے اگلی کہانی شروع کر لئی تے اسے راہ
واہ منا پندرہ بیہہ کہانی سنائی تے اخیر پر فرمنا اپنی قسم دی تے جے ہوں یہ ساری کہانی دنیا
نا ضرور سناؤں گو۔ ہوں کہن لگو تھو جے اس دنیا مال میری کہانی کون سنے گو، پرواہ
پری تے اچر غائب ہو گئی تھی۔

اُسے پریشان پری کا وعدہ تین مجبور ہو کے ہوں پچھلا چوداں سالاں تین
کسے ایسا شخص ناڈھوندھکو چہڑو یہ داستان سن کے میری ذمہ داری کو بھار ہو لو کر چھوڑ
تو۔ آخر منا خیال آیو کیوں نہ یہ ساریں کہانی اک کتاب مال لکھ کے دنیا کے حوالے کر
چھوڑوں۔ جد لکھن کوم شروع کیوتاں احساس ہو یو جے سُنن آلاں نا لوڑتاں
لوڑتاں مناں اس پری کی دی وی اک تیں سوا ساریں کہانی بسرگئیں تھیں۔ پر ہوں
اُس قسم تے وعدا تیں مکروہی نہیں سکتو، اس گلوں میں سوچیو مناوی تے کئی لوکاں کی
کہائیں سیئی ہیں جنکی زندگیاں کا کاغذ کورا کا کورا ہی رہ جائیں۔ کیوں نہ یہی کہائیں
کتاب مال لکھ چھوڑوں۔ پری کے سنگ سنگ دنیا کو ہی حق ادا ہو جائے گو۔

گل کے کرن گلو تھو تے کت پوچ یگو۔ دراصل دنیا کی بے رحمیاں تے بے
مہریاں نے جدا یاں تے تھا یاں نے بختاں تے تستیاں نے، سچا خواباں تے جھوٹی
تعییراں نے اُسر پرہی مار چھوڑی ہے۔ پرمنا یقین ہے جے تم یاہ گوجری الف لیل
سنن تیں پہلاں ایک ایسا شخص واسطے سخت سزا تجویز نہیں کر سیں جس کی نجح زندگی
روتاں گذری تے باقی ہد کتاں۔ اتھروں ہی شاید زندگانی کو سچیاں ہویں خوشیاں کا خواب
بھی کدے دیکھن کی کوشش کی تے کچی نیند ہی اکھل گئیں..... ”دوجا یگی“، تیں لے
کے ”پیا ملن کی آس“ تک حرف ماں انہاں ہی آسان تے ساساں سوچاں تے
دلیلاں۔ خاباں تے جگراتاں، اتھرواں تے درداں کو چھاملوئی ہوئے گو!

زندگی تجھ سے تو اپنی کوئی قیمت نہ لگی
موت آئے گی تو کر جائے گی مہنگا مجھ کو

ڈاکٹر رفیق انجم

ڈریم لینڈ، راجوری

دوجا میگی

اُس نے اکڑیں لیکے لات اگاں بساریں تے کام جھو دور توڑی
 گھسیٹیو وو گیو۔ با نہہ وی پہلاں اُراں پر اس کھلیاریں تے فرائن ہتھ کیں انگلیں
 دو جا ہتھ ماں پکڑ کے خوب سدھی کیں۔ لمی جئی او اڑی لئی تے فرائہ ملہو کے پختی چنی
 اکھاں نال اندرھیاری وردھری وی چنی دردیکھن لگو جہڑی ہن تھک کے بچوں
 بچوں کرے تھی۔ اکھاں طرح بھر مٹاں پیٹھ چمکیں تھیں جس طرح کو پرا کا ڈھاپیٹھ
 بیس کے کوئے عید کا چن نادیکھتو ہووے۔ نیس توڑی اُس کو بھلا وو چھندے گیو، اج
 وہ اپنے گھر نہیں مقدم کا گیرا کا بیاہ ماں تھوا آپوو۔

اُراں پر اس نظر ماری۔ سارا الٰم سلم تھا پیاوا، ویہہ اچائی تے شتو گڑا انکاوی
 جہاں نے اُس پیٹھوں کھوروکر کے سارو کا چھوکڑھ لیو تھو، اپنونور وچا چو سمجھ کے نیوں
 اُس نال کوئے نہیں تھو بولے۔ ذاتی اُس ناگلی ٹھنڈی تھی جس گلوں وہ جا گیو تھو۔
 پہلاں تے خاصو جیڑ جنوں تھو رہن بختاں نے ہڈیاں کی مٹھی کر چھڑیو تھو۔ ایک
 چھیری جئی تھی اپر، واہ وی صاف پچھھر..... اپنے ور رکھ تو بے نکا اور پاہیٹو جہڑا اُس کا
 منہ اگے شاید آرام نال ستواو تھو یا کھٹھا کھٹھا دا باپ نادیکھ کے اکھیچ لیں تھیں۔ وہ
 نیس ایک گلزاری نادل ماں دعا دیور ہیو جہڑی اج اُس کی جان ور صبر شکر کے کے گھر

ہی انکے لئے تھی تے اس طرح چھپری کی مرمت اُس پر ہو گئی تھی۔

نکانے وی اُساس ماریا، ورنہ اک دارا را تے اک دار پر اس کر کے بدر حک کے فرسو گیو۔ جس طرح اُس ناپتو ہوا جکل مھارے جساغریاں ناجا گنو ہی نہیں لوڑ تو..... نورا نے اک نظر اپنی لیراں ورما ری۔ جہاں کی ہٹ پچھان سیانا سیانا وی نہیں تھا کر سکیں۔ کڑتی کہڑی ہے تے شنی کہڑی۔ کسے ناکدے گٹھ ماری وی تے کائے لینگری کدے لڑ کے۔ بدھیماں نال اُس کی ننگی شنگاں ورگ اس طرح تھیں چڑھیں وی جس طرح بٹ ریں ورہ بمبل ہوئے۔ وہی تے اُس کی کدے وی نہیں ڈھکن ہوئیں اُج انہاں نا کے ازار تھوور باقی وجود وی تھا ہبیوں تھا ہبیوں باہراو کڑ کے پتو نہیں شریکاں کا کپڑاں چیراں درچھٹ نہیں توڑی دیکھ چھڑے تھو تے فرمڑ کے نورا کامنہ در، تے نورا لاجمی کو ماریا پر اس موڑ چھڑے تھو۔ دل نا ہو ٹھے ہو ٹھے کرنا واسطے۔

نورا نے پر اس دیکھیو تے چندے آٹی بھتی ورنظر پی فرکند ور جس پر گدریاں نے بیاہ کی خوشی ماں چٹی مٹی نال بونا کٹھیا واتھا۔ نچچ پور وہ تھہ بنا یو ووتے کدے کدے مٹی کا اینویں چھیمکا ماریا وا۔ نورا کی نظر بلیں بلیں افراں مڑتی رہی۔ کند وروں کڑیاں ورجت بہاری کا چھانٹا ماریا وا تھا۔ تے فرسترنچ ورجت کدے چار انگلیں لگیں ویں تے زیادہ کنی گوگیں بنائیں ویں تھیں۔ جہاں نا دیکھ کے نورا نا گلزاری کی پکی ویں گوگیں یاد آگئیں، جہڑی اُس ناکدے کدے ہی لھیں ہوئیں۔ پکان توں تے گلزاری موٹا ڈھوڈا اوی پکا لئے تھی۔ ور آٹا کی ذری کی تھی تے بالن کو بخت کئی۔

مڑگھر کے نورا کی نظر بڑا اندر کا بیکار لا تھم کے اپر لگی وی سری دراںک گئی
جس کا مج سارا سینگ اراں پر اس لڑکیاوا تھا۔ اُس کا دل مال پتو نہیں کے کے دلیل
آئیں تے گئیں۔ چھٹ توڑی اُس کی اکھ فرنچے گئیں۔ اُس ناٹھنڈتے ستراء کی گل
وی بسرگئی۔ لوکاں نے تے اپنا شونقاں کا بوث تے کنڈی نوک آلی جتیں کا چھوماں
پیٹ کے سرہانے دھری وی تھیں۔ ورنو رواس کو شک تیں بری تھو، اُس کا پیایاں آلا
اباہناتے دھوڑماں مندھیا واپسیر تھلا ور بے قلرا ہوالاویں تھا۔ ما نہہ، پوہ کی سوئی سوئی
ٹھنڈی ہوا۔

”بھکھاں تے نگاں کدے نینداوے آتاں غریب ستاہی رہتا، کے نے
چی ہی کہیو ہے۔ تے نورا پروی واہی برتی۔ بڑی سحرگی وہے گی خبرے کوئے باہر گیو۔
بھت کھون نان ٹھنڈکی پھوک کواک ہولو آیو تے نورا کی اکھ فر کھل گئیں۔ نیوں تے
سارو کچھ وہی تھوور چمنی کی لوہن صاف چمنی ہو گئی تھی۔ گیر و اراں مڑ کے پلا واسطے
کھپو ہتھ افراں کیو و کچھ ٹوٹے تھو جس طرح باپ دراندھیرا کا ہتھ گھما تو وے۔ ور
اُس نے کپڑا کے ہتھ نہیں تھولا یو۔ شاید اس ناپ تو تھو باپ کی جس ٹاکی نال ہتھ لا پوواہ
پہلاں ہی بکھہ ہون واسطے ترتفتی ہوئے گی۔ نورا نے اُس چھپری کی چھاں فر نکا ور کر
چھوڑی۔ اپنی تمی چوڑیاں وروں بخاں جنوواں درکرن واسطے تمی کوڈ بکھو لیو تے فر
اپنی قصیے حالی کو منڈھ پکڑن واسطے متحادر گھر نجھ گھل کے کجھ سوچن لگو۔ لین دین کو
غم بکھرو، کسے کو قرض مکان تیں وی قاصر تے راہ کا نوکر نووی اُس ناپنگو نہیں تھو
لگے۔ دانہ پھکا کی گل پہلاں ہی گڑ کے رنگ تھی۔ نکاٹبر کی چوگ وی کس راہ پوری
کرے آ۔ چوکھر بچھو کنی ٹھنڈ ماں مرے تھو۔ اپروں چار انگل مٹی نال کوٹھا کڑا پانی

ڈکن ہی کس طرح ہوئے تھوتے اجاتا نامہ کو مہینو..... چار سوڑھی اُس کی وی اجاتا بقا یا اٹھ پھکن کیں تے فرجت پر تو تے بدھی کی ڈھگنی پچاہ۔ اس مر اکوتے مل کم جائے اتنی سماہی کی گلستاں ہی۔ یوہ تے نور وہی تھوڑہ و بھڑی مجبوری کر کے فروی دھیاڑانا دھکولاوے تھو۔

ایچر کسے نے لت ڈھکوئیں تے کا چھوکو کھڑکا ر آیو۔ نورا نے اُس گلند یا گلند یا وادھیاں درد یکھیو تے روح آیو کدے یوہ میرے گھر ہوتے ہوں اپنی لوگی نا گھل کے بھاڑا کے بہانے کوئے دودھار کڈھ کے چاہ میلی کر لیتو۔ نیوں تے ڈھ اتسوڑ کیو و نہیں تھو ور مجبوری سارو کجھ کراوے تھی۔ فروی یا نورا کی ہمت تھی جے اجات توڑی کنند کی وی تھی۔ اس طرح کالوکاں ماں نیو تے بڑا عیب ویں، ساراں تے بڑو یوہ کے وی غریب ہیں پر نورا کی کجھ عادت مجھ ہی سونتی تھیں۔ نماز مجھے وقت پڑھنی، تھوک جبڑو کے نال کیو اُس پرست کم سٹ کے پوچھ جانو تے فرکم ورگھانی مسائی نہیں تھو کرے۔ ہرو یلے خوش رہنوتے نکاں شکاں نایت تے شپاہی سنانو۔ اج وی جس ویلے گیرابا نہ پکڑ پکڑ کے تھکاتے چاچا نورادر ہی مڑ آیا تھا۔ ”نورا چاچا بیت سناء..... تے اکن کسے نے یا چغلی وی مار چھوڑی تھی۔ ” نورا چاچو، دسویں توڑی پڑھیو وہ ہے۔ یا ہ گل سن کے نورا نا اپناو یہہ دھیاڑا یاد آگیا جدوہ تے اُس کو متريو و بھائی عقی سنگے پڑھیں ہویں تھا یا ہ گل یاد آتاں ہی ماڑے مندی کو بھسو بلتو حلیونہ سامنے آ تو یا ہ تے ہو ہی نہیں تھی سکے۔ فرواہ اُس کی قنیخی ہاروں چلتی چیھھ جس پکوں کریاوا کجھ لعل اجات توڑی اُس کا کنماں ماں مشری گھولیں تھا.....؟ او نورا اٹھتاں افراں گوہ کی کھاری باہر سٹ چھوڑ،؟ توں اٹھے گو جے ہوں سٹوں کھو سڑا۔ آخر

اُس ناتر پڑاں کی اٹیک تیں، کھاری سٹنی سوکھلی لگیں ہویں۔

بڑھی نالے، غنی ناوی آواز مار چھڑے تھی۔ اُٹھ بچہ کوئے سبق کو حرف دیکھ لے۔ مدے ماسٹر ماریں۔ غنی اُٹھ کے اچر کاڑھیا وادودھ کی پیالی پی کے کتاب کھولتو نور ووی مُرد آوے تھو۔ جیا وادودھ کو چکوغنی آگے تے پنگ نورانا۔ لو ہوتی نان روٹی گنھ کے کھوال کے غنی ناسکول ٹور چھڑے تھی ورنورانا ہوروی جور بخت تھا۔ ششل کی بوری کپ کے لیانی، سروں کڈھنی تے بہار آیاں ماں پڑاں کی یاہ گھاہ کی بھروٹی کپ کے سکول جانو تے بڑھی کہہ وی چھڑے تھی۔ چھٹ ٹھہر کے چلے گیو تے تیری تیخاہ کٹھے جائے گی۔ ماسٹر نے جھڑک چھوڑ یو تے کوئے چک لگ جائے گو۔ سکولوں پنج ستھیں کدے لگ وی جائیں۔ ایک دوچر کا آن کی اک دو صفائی نہ کرن تے باقی سبق کی ہوتیں تاں کے تھو۔ ماں باپ تے پہلاں ہی ٹرگیا تھا جے اُنہاں اگے آکے روتو۔ ماترے تے گل کرتاں ہی جیبھوں کپڑے تھی۔ غنی نان تے وہ بل گلیں گلیں نبھ جائے تھو۔ اس کا سارا طعناء مخول ماں روڑھ چھوڑے تھو” ماسٹروی سیانا ہیں جان دیکھ کے ماریں..... ماریاں ماں وی تیرے ہاروں ٹھٹھ تے نہیں کڈھتو۔ تیرے مارتاں ماں اُنہاں نالا جمی آتی ہوئے گی۔ مریا وانا کے ماراں، وجود دیکھنا پڑو، کیڑی لڑ جائے تاں وی چار دھیاڑ ابجتو رہے۔ توں وی کوئے جنوں ہے؟، امتحان ہوتاں ہی ماسٹراں کا سارا نہورا بھارا وادھوئے جائیں تھاتے وہ وی باقی گیراں ہاروں پاس ہو جائے تھو۔ ماسٹر اُس نازوریں پاس کر چھوڑیں تھا۔ کدے اگلے سال یاہ سختی محارے سرنہ چڑھ جائے۔ پر دسویں ماں نورانے اتنی لکڑو لائی کی پچھلوند نہیں مُرد آیو۔

غُنی ناتے ماں کے چیز کوارگاہ نہیں تھی لگن دیئے۔ پیسہ وی جور تھا، گوچھی کر کے رکھیا۔ کھلتی دارواہ کسے انسان کا بچہ نا نہیں تھی دیکھن دیئے، کدے ستوں بچالے چھپا کے رکھے تھی۔ غُنی آرام نال پڑھ تو رہیو تے مچھلیکا دوہ ملازم ہو گیو۔ اینویں کیوں نہیں بڑوافسر، تھانیدار بٹو کوئے خول تے نہیں ہوتا۔ اسے گلوں اج مقدم جسا آدمی بھی اُس کی عزت کریں تھا۔ مقدم کو سارو ٹبر بھانویں آج عام لوکاں ہاروں کا چھوڑھوستو وو۔ پُر غُنی سمجھاتے بسترہ ور پر لی کوٹھی ماں سوالیو و تھو۔

یوہی کچھ سوچتاں سوچتاں پتو نہیں کہڑے ویلے نورا کی اکھ لگی گئیں۔ لو ہوتی نال کچھ تپلی جبی آواز آئی جس طرح کی مولوی لوک کہیں قیامت آئے دھیاڑے آوے گی تے سچیں ہی چھٹ توڑی سارا اپنا پلا چھنڈتاں تے اکھ ملہوتا انٹھن لگ گیا۔ نورا نے وی نکودھونگیو چاکے موٹھا نال لایوتے باہر پسار ماں دھر کے نماز پڑھن ٹرگیو۔ دینہمہ کی رسیمیں مڑیو تے اجاں مساں غُنی وی کوٹھی کا بھت بچوں باہر آوے تھو۔

پہلاں تے فرغُنی کدے لوکے رو شیئے ہی نورا نال مل چھوڑے تھو۔ و رہن افسربن تیں پچھے سروں نہیں۔ آج وی اُس کے نیڑے جان واسطے نورا نے جوراٹاٹو لا کیا تھا و غُنی سر کھلا کر گیو۔ پڑھائی وی، چلتی زمین تے شونقاں کو بیاہ کر کے وی نورا دروں متحاور گھر نجھی گھل رکھے تھو۔ نورو چنگو چھٹ اُس در ترو تر دیکھتو رہیو تے فرسراک پاسے کر کے اپنا دل ماں سوٹھو کیو۔ خبرے اسے نال دو جائیگی ہو گئی۔ سارو ڈھر گیرا اور چھنڈتاں ماں ڈھ بانہوں کپڑ کے مچھنجیاڑیو۔

”چل بچہ! تنان سکولوں چر نہ ہو جائے!“

سلو نا اتھروں

یار بنا! ہم کت پہنچ گیا ہاں، نہ لو، نہ بستی، نہ کسے نان جان پچھاں جے شہر وی
 اتنو اجڑ ہوے فر شہر تے گراں ماں فرق ہی کے رہیو ہوں اپنا ہی دل نان یہ روڑھیا
 کرن لگور وح آیو جے ڈرائیور کا باپ دادا نا کنھ چھڑوں۔ جس نے اس ویلے ات
 آن لاہیا ہاں پر اس بچارہ کو وی کے قصور ہے۔ یوہ وی خورے اوپر وہوئے گو۔ سارا
 لوک جیران ہو یا و اتحاصاف اندھیر و گبارہ تھنا ہتھ نہیں تھو پچھانے تے بدل کہہ جے
 آج ہی بروں۔ راہ پھین جو گودے کوئے تھو ہی نہیں ات! میں بلیں جے ٹھول کے
 اپنی بیڑی کڈھی تے پرانی تک پر اسلام کا گھر دار ٹرپیو۔ جہڑواڑہ تیں تھوڑو ہی دور
 ہوئے تھو..... ہوں کئی سالاں کے بعد آیو تھو۔ انهاں جگہاں کو ہن میرا دماغ ماں
 اینویں خواب خیال ہی تھو۔

دو سویں پاس کر کے جد میں کانچ ماں داخلو لیوتاں وی ہوں ات صاف
 اوپر و چو پر و تھو، یاہ میری خوش قسمتی تھی جے مٹا اسلام جس دوست لبھ گیو۔ محاری دوستی
 بدھتی گئی تے آخر ہوں اسلام ہی کے گھر رہن لگ گیو، جہڑو کانچ تے تھوڑو ہی دور تھو
 ہوں اسلام کی دوستی پر جتنا بھی فخر کروں گھٹ ہے۔ ہم نے کدے کائے گل اک دو جا
 تیں چھپا کے نہیں رکھی۔ ہوں اُس، کی گل وی اسلام تیں نہ چھپا سیکو تے فر کے تھو

ہوں جدوی چھٹی تیں بعد گھروں مڑ کے آ تو اسلم زبردستی میرے کونوں ساری گل کرائے تھو۔ وہ کسی طرح کی ہے۔ کے کرے تم کے کے گل کرتا رہیا تے آخر منافر ساری گل سنانی پے جائیں۔ اتنی سوہنی ہے کے دسوں!۔

اسلم کہہ ہوے ”جمیل توں بڑو خوش قسمت ہے ات شہر ماں وی جور ہیں ور،... ور کے؟ ہوں ٹوک لیتو تے اسلم فراپوسارو فلسفو جھاڑ چھوڑ تو، جمیل توں سمجھتو نہیں نایوہ شہر ہے۔ انہاں لوکاں نا صرف پیسا گنن کی جاج ہے دل، جیسی چیز نہ انہاں کو نہ ہے تے نہ انہاں نے پیار محبت نال کسے نال گل کی۔ جس ویلے اسلم مج چذباتی ہو جائے تھو۔ ہوں اس نا ہو ٹھے ہو ٹھے لا لیوں تھو یوں تے اسنا ہوں ٹھگ لیوں تھو پریاہ گل شاید اسلم نامج ستاوے تھی تے وہ ہمیشہ حیران دے وے۔ مٹا سمجھ نہیں آئی اک دن ہوں جد گھروں واپس آیوتاں اسلم بڑو خوش تھو۔ آج ہی تے مناوی چھیرن کو موقع میلو تھو میں وی اُس کولوں گل کڈھاہی لی۔ وہ موئی کے گھر گیوہ و تھوتے اُت کا نے حور دیکھ آپ تھو۔ کدے تیں آئی وی اُس توں پچھے تے اُس کی تعریف کر کر کے نہیں تھو تھکے وے۔ آخر اسے دھیاڑے ہم نے اک دو جانا دسن کو وعدو کر لیو۔ ہو ٹھے تے محاری پسداک ہوے ات دیکھاں کون بدھے!۔

خوشیاں کا دھیاڑا تے گذرتاں پتو ہی نہیں لکتو۔ بی اے کر کے اسلم نا نوکری مل گئی۔ تے ہوں اگے پڑھن واسطے یونیورسٹی ماں چلے گیو۔ اک سال بعد جد ہوں گھر آیو تے میں سینیو۔ ”شیما“، کوپیاہ ہو گیو۔ یاہ گل سنتاں ہی جس طرح سپ سو گھنگھیو ہوے۔ میرا پیراں یہ ٹھوں مٹھی کر گئی۔ منا یقین ہی نہیں تھو آوے پریاہ گل مج تھی۔ شیما نے میرا پیار کی نشانی ساراں کے باندے با چھڑ دریا ماں پھینک چھڑی

تھی۔ جو اس نے کسے سوت بیگانہ واسطے ہاں کی تھی۔ ہوں کے کرتے پھر بن کے چپ ہو گیو۔ اُف وی نہ کرسکیو۔ شیما اپنابا با کا گھر تین زیادہ میرا دل ناویران کر گئی تھی۔ میں اپنا دل نال قسم کھائی۔ نہ ہُن اُس پاسے مر کے آنوتے نہ بیاہ کرنو ہوں یاہ مصیبہت وی جس طرح ہو سکیو برداشت کر لیوں گو کسے نال کوئے نہ ہو رہیں کرسوں۔ کسے ناکاۓ گل نہیں دسن لگو۔ جذبائ پر جندر اچاہر لیوں گو۔ اسے خیال نا لیکے ہوں اسلم ناوی ملن تین بغیر ہی یونیورسٹی ماں مر آیو تے پڑھ لکھ کے اسے پاسے نوکری کر لی۔

ہوں دریا کے ارار لے کنڈے کنڈے ٹرپیو صرف اپنے سفر لورو کرن واسطے اُس نشانی کی تے منا امید ہی نہیں تھی۔ دریا بُڑو ہوئی چیزوی کدے لمبھی ہیں۔ ہوں آہستہ آہستہ ٹرتو رہیونہ کدے بسہونی کی۔ نہ کسے بوٹا کو چھاملو ہی نصیب ہو یو۔ اُسے تپتی دھپ ماں زمانہ گذر گیا۔ اپنا دل نال زبردستی کر کے کدے نظر اپنہیں چائی بجے دیکھ ہی لیتو۔ اس دریا کے پار لے پاسے جت چھاں ہی چھاں ہے۔ بوٹاتے نیل ہی نیل ہے۔ ریت کو ناں نشان نہیں۔ اُس کنڈے شیما کو کے حال ہے۔ اُس کو سفر کس طرح گذرے۔ کئی میلاں توڑی دریا اوسو ہی دسے تھو۔ لہر یو وہ تے شوزکار مار تو۔ خورے کتنا ہی کا ارمان روہڑ لیا یو ہوے گو۔ ہن ہوں اتو تھک گیو تھو جے میرا ماں تے بیلا پھراں ماں کوئے فرق نہیں تھو۔ خورے تھک کے کت رہ جا تو وفر ہوں دل نا وعدہ کرا کے ٹرپیو۔ میں تے قسم کھاہدی وی تھی اسے پاسے ریت پر ٹرتو رہوں گو کدے پُل کتے لہج گیو تے قدم پار لے پاسے نہیں رکھسوں۔ بھانویں پار لے پاسے جنت ہی ہووے۔ ہوں سر بنھاں کر کے فر ٹر ان لگ پیو تے پتو نہیں کنناں

خیالاں مال گم مجھ دور پہونچ گیو۔

رات کا دس بجے گیا تھا ہوں اندھیرا مال دھکا ٹھہرلا کھاتا سلم کا گھر توڑی پوچھ گیو۔ بوہو ٹھہر کایاں مال اک جاتک نے بہت کھولیوتے پچھانن تیں بغیر ہی کہن لگو آؤ چاچا بیسو۔ منابیٹھک مال بمال کے اچھوں اسلم کا بارہ مال پچھسو وہ دوڑ کے دو جا کمرہ مال لگھ گیو۔ شاید امی ناکہن واسطے جے کوئے آپو ہے۔ اُت پستان ہی میری نظر سامنے کندنال لگی وی تصویر پر پئی۔ ہوں حیران ہو گیو۔ اک بار پھرا کھملہو کے دیکھیو۔ یاہ تے وہی تصویر ہے۔ جہڑی میں شیما کے گھر دیکھی تھی۔ شیما کہہ تھی جمیل دیکھ یاہ تصویر کتنی سونی ہے۔ یاہ چڑی کتنی چنگی لگے۔ میں کہو تھو تصویر چنگی ہے۔ پرانہاں چڑیاں کو کے اعتبار اج کدے تے کل کدے۔

اس تصویر نادیکھ کے کجھ سوچاں مال ڈب گیو۔ ہوں یوہ کت پہنچ گیو ہاں۔ میرا پیراں پیٹھوں ویہہ ریت کا دانہ کنگا گیا ہیں۔ اتنی دیراں آواز آئی۔ جد میں پچھاں مڑ کے دیکھیو۔ تاں میرے پچھے شیما کھلی تھی۔ یاہ وہی شیما تھی جس کی میں قسم کھاہدی وی تھی۔ جے سامنے آؤی گئی تے پچھانوں ہی نہیں، جس طرح کدے سئی نہیں تھی۔ جس طرح کائے اوپری چوپری ہوے۔ پر دل پر کدکوئے قابو پاسکیو ہے۔ اکھاں ورس نے پھرہ بسالیا ہیں۔ اتھروں اگے کس نے باڑتی ہیں۔ ہوٹھاں ورچ ساری گل آئیں ورہوں کجھ نہ بول سکیو۔ میں ساریں گل روک لئیں۔ اُسے شیما کی یاداں کو واسطو دے کے۔ شیما کی وی کجھ اسے طرح کی حالت تھی جس طرح دوہاں نے عمر ساری کنی گذار کے پیار کی واہ نشانی آج فرلوڑئی ہوے۔ جہڑی کئی سال پہلاں ہتھ بچوں پھٹک کے دُنیا کا رسماں تے رواجاں کا دریا مال ڈھ پئی تھی۔

شیما کی نظر وی اُسے قصور پر جب وی تھی۔ تے اُس کی آکھ دی بھج گئیں۔
 مٹا انہاں آنھروں کو سواد عجیب جھیو لگئے تھو۔ یاہ خوشی تھی، غم تھو یاد تھیں جے کچھ
 ہو ر..... شیما کا وی ہوٹھ ہلیا پر..... لفظاں کا اس پل تیں ہم اُرار پار نہ چڑھ سکیا۔.....
 اتنی دیر مان اسلم آگ گیو..... وہی اسلم میر دوست جہڑا و مٹا جان تیں وی پیار و تھو۔ جس
 نال میں وعدو کیو تھو۔ ضرور تنا اپنی پسند دسوں گو۔ اکھاں درد کیھے کے شاید اسلم سب
 کچھ سمجھ گیو تھو۔ ہوں اسلم ناکس طرح کہتو۔ ”اسلم یا ہی ہے میر پسند!“۔

* *

ہڈیاں کی مُٹھی

جو انی بیلے وہ سچیں رسم تھو۔ بھانویں مارکٹائی تے پہلوانی نہیں تھو کرے،
 بند کر چان تیں وی اس کرے تھو۔ پر اپنے کم چنڈ کے رکھے تھوڑے مین پاہ دوہرے کے لوکاں
 تیں پہلاں ہی تیار کر کے رکھنی، آساں پاساں کا اجال منہ ہی پردا نہ سٹن گا گندو
 دلیل کرتا ہویں تے رسم نج کے وی ہل کنڈ کڈھ چھوڑے تھو۔ تے فر لوکاں کی مک
 جمتی ویں تے اُس کی گوڑی، لوگ گذتا وہیں تے اُس کی سیل تے اسے طرح
 ساراں تیں پہلاں دھوکرنو وی تے سٹنو وی۔ اگھاڑی رجن آلا راجانا تے چوہی
 ہوئے تھواں سال کی بسم اللہ رسم کی اگھاڑی توں کرنی ہے۔ باپ داد نے تے
 بھانویں مج کجھ نہیں تھو چھوڑ یو و اپنالنگ لا کے اُس نے سانگاشانگا بنا لیا تھا نے کوٹھا
 اُسے پرانا پرکڑیں سٹ کے بالو ساٹو کر لیو تھو۔

جور ہوتاں ساتاں کوئے گھٹ نہیں گزار تو پر رسم اس تیں بری تھواں نے
 نہ کسے پر تھپ ماری تے نہ کوئے گواہنڈی نگ کیو۔ تنگی تکلیف جھل کے گیردی
 پڑھایو تھو۔ گیر دھواک ہی اس گلوں دھکھنورہ ہوئے، کدے اس ناوی بانہہ جوڑی
 ہوتی چنگی تھی۔ رشید ناہمن پڑھ لکھ کے چنگی جئی نوکری لجھ گئی تھی۔ باپ کے سامنے
 بول تے نہیں تھو سکے۔ ورسوچے یاہی تھو۔ بچار و بدھو ہو گیو ہے، تاں یہ روڑھیا کر تو
 رہے۔ اج زمانو کہڑو ہے۔ تے فربانہہ جوڑی، تے کنڈ ورہتھ، تے پتوہیں کے کے
 سوچ توڑ رہے۔

ہورتے رشید کی گل خبرے تھے ہوئے یا نہ پر بدھیماں آئی گل تے سولان
آئے صحیح تھی۔ اج تے خبرے کوئے دیکھ کے امتاں وی نہ کرے جے یوہ ہی رستم ہے
جانوں وی پچھلے حال، ہڈی ٹکلیں ویں تے چڑی جے پونڈھی ماں پکڑن ہوئے
تے سوکھلی کھوئے آوے۔ اکھ وی پرمٹاں پیٹھ پچھاں اوہلے ہوتی جائیں تھیں۔
زمین تے خصماں کو لہوپی کے چار سیر دانہ دئیں تے رستم کو ہن یوہ حال تھو۔ جدوجہد
بیس گیو تے سانگاں نے تے ہن پیسو ہی تھو۔ رشید تے اس جفاکشی جو گوئیں تھو۔
رستم کو ہن مژہ بھڑ کے حقہ نال پبار تھو۔ جس پیڑھا پر بیس کے وہ نکاں ہوتاں چنکار
کڈھ تو رہ ہوئے۔ اُت بیساں ماں خبرے ہن ہڈیاں کا چنکار ٹکلیں تھا، اس گلوں
ہن دھولھا کا ڈل نال ہی پیسے ہوئے۔

بڑی مدت توں بعد اج وہ پتوں بیس کس طرح انگا آنکھیو تھو۔ سارا گراں ماں
بہار آئی وی وی تھی۔ سروں پھلی وی تے بلناں کے آسیں باسیں سی جگہاں ماں
پودنہ کی مشک، انگا سکووی بولے، بہار کو آگو۔ اک نکو جھوگیر و جس نے چھڑی گڑتی
لائی وی تھی چمچ پتھر کی ناڑی بنائے ڈلا پر لاوے تھو تے فروہ اُسے گیرانا دیکھن لگ
پیو۔ باپ ہل باہوئے تے وہ نکو بیٹھ چن چن کے بنائیں ڈھیری لا تو جائے تے
سانگا کے بشکار پیچاں ماں اک ادھیساڑ ماں وہ بھی جنکی نال ہتھ لاحچوڑے تھو۔
پچھوالي بلن کڈھن جو گوتے نہیں تھو ورنہ بیان پر بھڑ وردیں واسطے تیار ہو جائے تھو،
تے فر بر ہیاوی نالوناں۔ دیکھ دیکھتاں سیاں آگیو۔ ساراں نے بنائی تے اُس ناوی
پول بنادتیں۔ برف سٹھاں ماں وہ بھی کوٹھا پر چڑھ جائے تھو۔ برف سٹھن نہیں، برف
کی مانی بنان واسطے۔ فراندر مرثیاں ماں باپ نا تھم پچھے تیں موگری چاکے دتی، بیڑ

کثن واسطے۔ پیڑھاوار بیس کے لکڑو لائی تے ڈولن ماں گی کے نج پیر مندھیا۔ باپ کے کمی ماریں تے مر کے سو گیو۔ لوہو یاں ماں جے بہلو ہو یوتے کھنونکڈھ لینوتے یا سنگی دو ترے جوڑ کے اگھاڑی آلا سانگا ماں انی ڈنڈو شروع!

کنی لو بانگ سن کے جد گھر کا سارا جا گیا تے اج رستم کی اکھاں ماں اتھروں تھاتے مر مر کے کندال تے کڑیاں درد کیئے تھو۔ رشید نے پچھیو دی پرودہ کجھ نہ بولیوتے اینویں کے ناتے کے پتو لگے آجے بدھیڑ آج اپنا بچپن کا خواب دیکھتھو رہیو ہے۔ رشید نے انداز والا یو خبرے اس کچ کوٹھادروں اتھروں آیا ہویں گا۔ اس نے پہلا ہاروں اج وی جور لا یو بابا پیساں کو کھڑو گھاؤ ہے۔ ہوں پکو کوٹھو بناؤں گو پار لا تلاماں۔ کپی کند، بھتی دروازہ شوق کاتے اپر ٹین شاں گانہ برف سنتی پوئے گی نہ کجھ، چولھا گی جگہ ہیڑتے گیس کا چولھا لے آواں گا۔

یہ گل سن کے رستم کا ہور دو ترے موٹا موٹا اتھروں کر گیا۔ رشید نا کجھ نہ سمجھ آئی اس نے سوچیو خبرے مقدم ولیا کی گلوں با بوجیران ہے۔ ولیو مقدم تے نہیں تھوتے نہ اس ماں مقدم بنن کوئے کرتوت تھوفروی پتو نہیں کیوں لوک اس نامقدم کہیں تھا۔ اتنی گل تھی دھیاڑا نال کجھ پھر پھر آگئی تھی تے طروشملووی، را کھا پٹواری نال وی سلاما علیکی تھی۔

بیاں پروں اگاں اگاں اوکڑنوتے مقدم کی پرانی عادت ہے پر چھلا سال توں پٹواری نال جوڑ جٹو کر کے رستم کوٹھا کی اک گٹھ کی وی پراں اپنے درنشاندہی کرائی تھی۔ رستم نے جوانی بیلے کے نال کھوہری کھپری نہیں کی تے اج کے کرتو۔ جد بدھیماں نے صاف چکرو نڈ کیو و تھو۔ رستم کہہ تھو، جگہ چار مرلہ تم ہو ٹھے تیں لے یو۔

و ریمرا کوٹھانانہ چھیڑیو۔ رشیدنا یاہ گل وی اوپری لگے تھی۔ اک گٹھ کے بد لے چاریا
دس مرلے کیوں دیاں۔ بے دتنی ہے تاں یاہی گٹھ دے چھوڑاں ہم وہ پارنوں
سو ہن تو کوٹھو بنا لیاں گا۔ جدوہ کجھ نہ منیو تے تاں رشید یاہی سوچے تھو۔ جس طرح
پہلاں دوسال شہر ماں لایا ہیں اُتے چلے جاؤں گو۔ بیاہ کروں گو، اُتے مکیور ہوں گو۔
ات کون ان لوکاں نان مغز کھپائیکر تور ہے۔

اگلی رات خفتاں ویلے پوئیں کس طرح بڈھورستم آپ رشیدنا نان گلیں لگ
گیو تاں آبچکی مار! تے بڈھانے گڑگڑی کے نان نان بلیں بلیں گلی کتھی وی شروع
کر لی۔ بچہ توں میری گلاں تیں خفانہ ہوئے!۔ میں تنا ککھ نہیں کرن دتو۔ تیرے
کوئے پیسا تھا فروی میں یوہ کوٹھنہیں پٹن دتو۔ اس کوٹھ مان میر دا یک پرانو سنگی بے
میر و بچنو۔ اس کی ہر گٹھ تے ہر کھنھ مان، چلھا کا ڈلن نان، چھلا پر۔ اس کی کڑیاں
تے کندماں نے وی ہوں بڑو لاڑن ان پالیو وہاں، اسے گلوں میں ولیانا کوٹھنہیں پٹن
دتو اس نا ایک مرلے کے بد لے واہ کنال ساری جگہ دے چھوڑی۔ اس نا پیاں مان
منا کتنو جھف ہوے گو ہوں تاں کس طرح دسوں، میرا ہن پتر پیلا ہیں۔ خبرے
کہڑے ویلے وہ گل کرتو کرتو چپ ہو گیو۔ اکھاں مان اخھروں آگیا تے فر
چھٹ شہر گے بولیو، توں جنگا مرضی جائے۔ جت مرضی کوٹھو بنا جائے پر ہوں مر گیو
تے میری ہڈیاں کی مٹھی وی اسے جگہ دھریو، جت میر و بچپن بے، جت کو ہٹو ہٹو میر و
واقف ہے۔ میرا غمال کو بھیاں ہے!۔ فرنگی لورستم نہ اٹھیو وہ لمی نیند سو گیو تھو۔ ہمیشہ
ہمیشہ واسطے۔

دھیاڑا نا دھیاڑا وکھا تو گیو۔ رشیدنا شہر گیانا کئی سال ہو گیا۔ بیاہ کیو، نکاوی

ہویا۔ انہاں کو پڑھان لکھاں وی۔ وہ اک ہور ہی پیڑھی کو منڈھ تھو۔ اس کوئے کرایہ کوشاندار مکان تھو۔ پروہ مzman جہڑا دھیڑا انال ساراں کو لے آوے۔ رشید کوں وی ہیچھیو۔ وہ بھی رات رات جا گن لگوچر توڑی کجھ چھت تے کندھاں در دیکھن لگوچہڑی مجھ چمکیں تھیں۔ پکھا تے بچلی تھی۔ وراتنا سال رہن نال وی انہاں نا اپنی نہیں تھو کہہ سکے۔ گھر کا ثہر ماں وی کوئے اس طرح کو نہیں تھو، جس نان دل کو ہسٹر کڈھ لیتو۔ تے فرخبرے کے کے دلیل کر کے اپنا باپ کون قشو اس کی اکھاں اگے پھر گیو۔.....

”بچہ اس کوٹھا ماں میرداک پرانو سنگی..... میرا غمال گوئیہاں ات کو بٹو بٹو میرا واقف ہے..... میری ہڈیں وی اتے دب چھوڑیئے“۔ تے رشید بدر حک کے اٹھ بیٹھو، ات میرا کے ہے لکھ وی تے نہیں۔ یوہ تے سب کجھ انہاں لوکاں کو ہے۔ ہائے اللہ ات تھم وی تے نہیں جے انہاں ہی ناگل لا کے رو لیوں، سفن آلووی کوئے نہیں۔ سارا ستادا تھا۔ اس کا ہوٹھ چھت اک ہلتا رہیا جس طرح کہتو ہوئے، متاؤتے لے چلو جت چلھا کا ڈل نال ہوں بابا کے کمی ماروں تھو جت کی کندھ تے تھم کڑیں میرا واقف تھا۔ تے فرشید وی چپ ہو گیو ہمیشان ہمیش واسطے۔!

.....

مکتی گل

سید ساراں تیں نکو ساراں تیں تکڑو تے ساراں تیں آڑو تھو، اُس نے
دوئے بھائی پیاہ ہوتاں ہی کنی کرا چھڑیا تھاتے ماں ناوی ہلدی لان جوگی کر کے بڑا
بھائی کے چھوڑا آیو تھو۔ باپ بچارو تے انہاں قصیاں تیں پہلاں ہی اللہ پاک نے
چھڑ کا چھوڑ یو تھو۔ یاہ گل گراں ماں کسے ناوی چنگی نہیں تھی لگی سوا میریا تیں جہڑو سید کو
حامي تھو تے گراں کو ڈیڈھ مقدم، اُس ناکم کاج واسطے پوہ چنگو جنوں آڑ کے تھو تے
شاید یا ہی سوچ کے اُس نے جنتی کا ساک کی گل اُس نال کی تھی، تے سید کو لوں سال
ایک لوادی لیو تھو۔ پراس گل کی میریا تے سید تیں بغیر دو جے کن کسے ناخبر نہیں تھی
تے میریا نے جنتی آٹھویں پڑھتی پڑھتی سکولوں موڑئی تھی، یاہ گل اسلام نا بڑی مندی
لگی تھی۔ ور اُس کی باپ اگے کے چلتی تے باپ وی میریا جسون جنتی اسلام کا چاچا کی
دھی تھی تے ماں کے ساکوں موئی کی دھی، پر خدا نے نکا ہوتاں ہی بے سہارا کر چھڑی
تھی تے اس ناپالن کو م اسلام کی ماں نے ہی کیو تھو۔ صرف بھانجی سمجھ کے نہیں دھیاں
تے وی اگے۔

اسلم ہرن کان لج ماں پڑھے تھو، انگاہی ہوشل ماں رہے تھو، آخر میریا نے اسلام
نا شہروں بلان تے بغیر جنتی کو پیاہ سید نال کرا چھوڑ یو۔ جنتی نا کسے نے صلاح چھپی
تے چپ کر کے ڈولی ماں گھلن چھوڑی ور ہوئی واہی گل جہڑی کولوکاں ناشک تھو،
جنتی روئی روئی تیج دھیاڑے مرٹ کے گھر آ رہی۔ کوڑھیا نے کٹ کٹ کے مور سیلیا

واتحا۔ تے سید سبیلے ہی میریا کو آٹو پس من واسطے جندر چلے گیو تھو۔ گھر آکے جدا سلم کی ماں نے جنتی کی یاہ حالت دیکھی تاں سید کا سارا کھاتہ نا ایک ہی ساہ ماں درود پڑھ گئی۔ ور میریا کی اکھاں درد دیکھتا ہی سر بناں کیو و جنتی نالے کے اندر چلی گئی۔

سید جنتی نالے پنے نال لے جان نہیں آیو، فروی سید نے میریا کی طبیعت ماں فرق نہ آیو کہیں اپنا کون کو درد ہو۔ پرمیریو شاید اس محاورہ تیں بری تھو۔ اس نے اپنے ہتھیں اپنی دھی دوزخ ماں دیتی دی تھی۔

جدا سلم نے جنتی کا بیاہ کی گل سنی تاں وہ گھر آن تیں ہورہی باٹو ہو گیو۔ اپنے گھر تھو آخر چوتھے مہینے جد گھر آیو تاں جنتی کی حالت دیکھ کے ہور وی دُھکتی ہو یو۔ میریا کی دڑنا ہاروں رتی اکھ دیکھ کے گراں ڈرجائے تھو۔ اسلام کی کے مجال تھی وہ تے اسکو پوت تھو۔

سید کی کچھری کی گل جد میریا کے کنیں پئی تاں اس نے سنبھیو دتو۔ نکیا جے گیری لے جانی ہوئی تاں اکلو آئیے۔ میریا اور کچھری کرن آلو اج تک کوئے نہیں تھیو۔ تے اسے صلاح پر دوجے دھیاڑے۔ سید میریا کے گھر پہنچ گیو۔ میریا نے لمون جوسوٹولا کے حقہ کی نڑی پر اس موڑ تاں ماں کہیو ”کے صلاح ہے رے تیری“، سید اگر یڑے ہو کے میریا کی پئی گھٹتاں کہن لگو“ ہوں کل وی تھارو غلام تھو، تے اج وی یاہ گیری بے وقوف ایزوں اسات پیٹھی وی ہے تے اس نا چلا چھوڑتا“۔ سید کی ایک اک گل اسلام نا زھر لگئی تھی، نہ اس کی مرضی نال بیاہ ہو یو تھوتے نہ اس کی مرضی چلان کی تھی، پر اس کی منتو کون؟ اسلام کجھ حیران ہو کے پرانی یاداں ماں گم ہو چلیو تھو جے میریا کی آواز نے وہ چھنجوڑیو“ اوہ جنتی داں انگاباہر آ، جنتی بلین بلین باہر آئی پر سید

پر نظر پیتاں ہی جس طرح اُس کا سارا سلسلہ فردُنگھا ہو گیا ہویں۔

سید نے پنی گھٹتاں ماں کبر بُر کے میر یو منا یو تھو، جس دیلے دی کوئے کم
ہو یوتے بندو حاضر، تے میر یانا ہور کے لوزے تھو۔ میر یانے کھنگ کے ذرا کہیو تیار
ہو جاتے یوہ سید کے نال جا اس ناکدے گوگی تی کر دیا کر، یاہ گل سن کے جس طرح
جنٹی کا لنگاں تیں ساہ نگل گیو ہوے۔ بولی ”مناں بھانویں دریا ماں سٹ چھوڑو
پر!..... میر یو فرگجیو تے جنٹی کی گل ادھی رہ گئی۔“ تیری چیھ ناقینخی لگے جہڑی اس
طرح بولے، پڑھ گئی چار جماعت بے قہر ہو گیو! آخر کدے رات کڈھنی ہے نہیں۔
اسلم تے اس کی ماں بت بن کے جنٹی کو لے کھلا ہو یاوا تھا۔ اُن کی اکھاں ماں انکار
صاف دے تھو، پرمیر یانے اُن کی پرواہ کرن تیں بغیر ہی اپنو فیصلو سنا چھوڑ یو ”ملکیتے
کمکتی گل ہے تاں جانوں پوئے گوئے تیار ہو جا“، جنٹی چپ کر کے بوٹ لان گل
پئی۔

اسلم کئی من بھار اپنا دماغ پر لیکے منجا پر ڈھے گیو تے بچپن کی ساریں گل
اُس کی اکھاں اگے پھر گئیں اس ناویہہ دن یاد آیا جد جنٹی تے وہ دوئے بیس کے ادھی
ادھی لوئی رکھ کے سر ہلا ہلا کے سبق یاد کریں ہویں۔ تے فرنگی کنگی گلاں پروں جھگڑ
جائیں تھاتے فیصلہ واسطے سدھاماں کو لے پہنچ جائیں ہویں۔

جنٹی کہتی ”اوہ اماں اسلام کہے انسان باندر تیں بنیاوا ہیں۔ اسلام ترت اپنی
صفائی پیش کر تو۔ اماں میں اپنے داروں یاہ گل کہہ کے کافر ہونو تھو۔ سائنس ماں یاہی
لکھیو وہ ہے۔ جنٹی فربول اٹھتی، کل کی موبی صاحب کی گل نہیں سنی مسجد ماں کے کہہ
تھو، اسلام بول اٹھیو“ وہ تے مناں پتو ہے یاہی کہہ تھونا انسان اشرف الخلوقات ہے

خدا کو خلیفہ اس دنیا مار و رہوں اس ویلے سائنس کی گل کروں تھو۔ اماں یہ ساری گل سن کے اپنا فیصلہ گئی تھی۔ چھوڑو سائنس ناتے انگاچھا پچھے چڑھ کے دودھ نال روٹی کھایلو۔ جنتی ہستاں ہستاں روٹی کٹ کے اُس ناطر نال بلاتی آسائنس کیا بچیا کھالے۔ یہ گل اتے ہی نہیں تھی مکیں۔ دو بجے چوتھے دھیاڑے فر یوہ جھگڑو کھلو ہو جائے تھو۔ اسلام اپنیاں ہی سوچاں مال رہیو تے اُس ناپتو ہی نہیں کس ویلے جنتی چلی گئی اس کا قدم آہستے آہستے گھردار بدھتار ہیا پر راہ جاتاں سیدنے جنتی نال کائے گل نہیں کی۔ واہ وی بلینیں بلینیں اُس کے نان ٹرتی رہی جس طرح اپنا ارماناں کو جنازو لیکے ہمیشہ واسطے دفاتر چلی ہوئے۔

سحرگی کو بیلو تھو۔ دور دور تنک کدے لوکوناں و نشان نہیں تھو۔ جنتی یعنی وی کس نا سیدنے اُس کا دوئے ہتھ قسم نال بدھ کے واہ سوٹی نال بیتھ چھوڑی تھی، جد آخری سوٹی گئی تاں اُس کو سراک پا سے لڑک گیو، سید یاہ حالت کر کے کدے غائب ہو گیو تھو، دو بجے دھیاڑے میریا کی لیتری تھی تے سید سویرے ہی سد یوڑ تھو، اڈ یک کے روٹی ویلا توڑی سید نہیں آبیو تے میریا نے اسلام جان واسطے مجبور کیو۔ جا! تاں پتو کراس ویلے توڑی کوئے کیوں نہیں آبیو۔

اسلم بلینیں بلینیں ٹرپیو۔ بوہا کے نجی پیچتاں ہی اسلام جس طرح گذے گیو ہوئے۔ نہ انگاں ہو سکیو تے نہ پچھاں، جنتی کی یاہ حالت دیکھ کے اُس نافرشتہ چھوڑ گیا تھا۔ اس تین رون وی نہیں تھو ہوئے۔ اقبروں جس طرح اکھاں و چوں ہمیشہ واسطے سک گیا ہویں تے ہور کجھ کرن کو ہوش ہی نہیں تھو۔ جنتی کی اکھ سوالیہ انداز ماں کھلیں ویں پچھیں تھیں۔ ”انسان اشرف الخلوقات ہے، خدا کو خلیفہ یا جنگلی جانور“ تے منه

ادھو جھپو کھلو وو، اسلم آسے پاسے مڑیو وو، جس طرح جنتی کہتی ہوئے، ”اسلم توں
سچ کہہ تھو مناں تیری گل پر پورو یقین ہے:
”انسان جنگلی جانور تین بیو ہوے گو“!

* *

سچا اتھروں

لعل گدڑیاں ماں ہی تے ہویں۔ لکھت گدا گراں نا شہنشاہ بنا چھوڑیں۔
 ہوں تے ار لے پھیر ہاں، قدرت جس نادیے اُس تیں کوئے نی کھس سکتو تے وہ
 ہوں ہی کیوں نہ وہوں، کسے کی محنت ضائع نہیں جاتی تے فرمیری کیوں جائے۔
 کدے کدے خواب سچا ہو جائیں تے ویہہ خواب میرا ہی کیوں نہ ہویں۔ کدے
 کدے معمولی انسان کوناں روشن ہو جائے۔ ہمیشہ واسطے دنیا ماں رہ جائے۔ تے وہ
 ہوں وی تے ہو سکوں۔ سلیم آپ مہارو ہوشل کا کمرہ ماں شیشہ کے سامنے بیٹھو
 سوچ ٿھو۔

جاتی بہار کا پیلاں پتراں ہاروں سال بچوں دھیڑو دھیڑو کرتو رہیو، گھڑیاں کا
 دین تے دناں کا سال بنتا گیا۔ وقت بدل گیو، جہڑو کجھ اسماں تیں وی اُچھوی ہوئے ٿھو۔
 آج پتراں بیٹھ آ گیو تھو۔ سلیم کو لے آج تعلیم وی تھی۔ عزت، اخلاق تے اللہ کی مخلوق
 نال ہمدردی۔ سارا جی کر کے بلاویں تھا۔ اُس نے اپنی برادری کی خدمت کرن ماں وی
 گھٹ نہیں تھی گزاری کوئے بے سہارا نہ رہ جائے۔ کوئے پتیم یاہ نہ سوچے میر و ماں
 باپ ہوتے ہوں وی پڑھتو۔ شوق کرتو، کسے دھی بہن نال ظلم نہ ہو جائے، کدے
 کوئے بناں تے ڈھوکاں پر ہوں گھل نہ جائے..... ایک ٹبرہاروں رہاں۔

”خواب کسے کی وارثت تے نہیں ہوتا۔ ہم وی تے دیکھ سکاں۔ امیراں کا تدوند بیچ ہو جائیں۔ مھارا چارا دھیاڑا انہر کے سئی۔ بہل لگنی تاں کے ہے؟ ہم نا دنیا ماں جیں ماں تنگی ہو سکیں۔ سوچتاں تے خواب دیکھاں ماں ہم کسے کی بندی ماں تے نہیں۔ ہم وی تے ہر قسم کا خواب دیکھ سکاں۔ مھارا خواب تے امیر کا خواب ماں تے کوئے فرق نہیں ہو سکتو۔ مھارا سرس ہی ویں گا۔ ہم کسے کی بھیری تے نہیں سوچتا۔ ہم ناوی تے اپنے حق لبھ کے رہ گو۔ بانو سلیم کا بارہ ماں اس طرح کی مجھ ساری دلیل کر کے تے فرلا جی نان سر بنان کر لیو۔

سلیم تے واہ اوپری تے نہیں تھی۔ اُتے گواہنڈ پر رہ تھی۔ سروں چار پنج سال کو اگ پچھر ہوئے گو۔ پانی ورنگتی پلٹنگتی ناتے وہ دیکھتو ہی رہے تھو، چنگی شکل آئی گیری تھی۔ بیاہ کی گل تے خورے دل ماں آتی ہوئے یانہ پروہ سوچے تھو، بے چاری کتنی چنگی تھی، نکاں ہوتاں ہی بختے جد ہو گئی، نہیں تے اگر یڑے توڑی پڑھ جائے آ۔ یاہ گل کیدے اڈتی اڈتی بانو توڑی وی پچ گئی تھی۔

دھیر انادھیر و کھاتو گوتے اک دین وہ بھی آیو جد سلیم بانو کے گھر کوٹھی ماں بیٹھو و تھو، چاچانے سدھ کے آنیو تھو روٹی پانی تیں بعد مٹشی چاچانے جھلتاں جھلتاں گل کڈھی ”کدلے تم نہ ہویں..... تے اک گل کرنی تھی“، تے حکم کرونا سلیم نے کہیو۔ وہ کد کسے کو دل توڑ سکتے تھو۔

مشی نے کہیو ”مھاری ڈاہڈی شوق تھی جے بانو کو ہتھم نا پکڑا چھڑتا.....“ سلیم نے جواب دتو، تم اُس ناوی پچھتے لیتا۔

”ہوں اے ہن پچھلیوں گونا“۔ یاہ کہہ کے وہ خوش خوشاب بڑے اندر چلے گیو۔

سلیم کو مخوبیتی مان بھی کے نال ہی ڈاہیو و تھو۔ اندر کی ساری گل سنے
جائیں تھا۔ جدیاہ گل بانوتڑی پچی تاں اُس کی آکھ لہرناں دُن ہو گئیں۔ ”تم نامیرہ
جیدے بھار ہے تے دریا ماس سٹ چھوڑو، وہ جے امیر ہو یو تے اپنے گھر ہوے گو“
سبیلے جدشی چاچو باہر آیو تے سلیم کی اکھاں مان اتھروں تھا۔ منشی سمجھ گیو
تحو سب کچھ مگروہ اتنو ہی کہہ سکیو۔ ”ہوں مجبور ہاں مناں معاف کریو۔“

سلیم بولیو ”چاچا تم نخے نہ ہو یو یہ خوشی کا اتھروں تھا، آج ہوں خوش ہاں
جے ہن کوئے کسے پر جور جاؤ نہیں کرتو۔ ہر اک اپنی گھائی باہدی ناسوچے، کوئے
دھی بہن کو زبردستی سودو نہیں کرتو، ہوں تھارے پر بھی خوش ہاں بانو پروی“۔

.....

نویں سوچ

جس پاسے وی سنوں اک ہی گل سنت مال آوے تھی۔ آج درزی حسین کو اشرف دسویں و چوں پاس ہو گیو۔ گل وی خوشی کی تھی اشرف پہلو آدمی تھو جہڑا اس گراں و چوں دسویں پاس ہو یو تھوتے وہ بھی چنگا نمبر لیکے۔ سبزہ کوتے حق بنے تھو بے واہ بدیار کرتی۔ مال بے تھی و رأس کی اکھاں مال اتھروں ڈول ڈول کریں تھا۔ شاید یاہ سوچ کے بے درزی آپ وی ہوتوتے یاہ خوشی دیکھتو۔ پروہ تے مج ساری خوشی دیکھن کا ارمان دل ہی مال گھٹ کے ٹر گیو تھو۔

اشرف نیوں تے مج ہی اچائی تھو رأس و یلے ڈھکیو و مومن بن کے مال کے آگے کھلو ہو یو و تھو۔ چپ کر کے سبزہ کی اکھاں و چوں کوسا کوسا اتھروں ڈھٹھاتے واہ اشرف کا مونڈھا پروں ہتھ چا کے چھپر انال اکھاں نا پوچھن گئی۔ اشرف تین جرن نہ ہو یو تے پچھہ ہی لیوا مال آج یہ کہیا اتھروں؟

بچہ یہ خوشی کا اتھروں ہیں نا! سبزہ نے اشرف نا کہہ چھوڑ یو۔ اچ توڑی اس کی گئی بہن اندروں باہر آئی۔ اشرف نا اس طرح کھلاں دیکھ کے ٹھچل کو روح آ گیو۔ اس نا کجھ لوڑ تو وے گوتاں۔ تاں اتنو بیو و تھو۔ مال آج تے ہوں وی چوری کھاؤ گئی۔ فاطمہ اک ہی ساہ مال کہہ گئی۔ فاطمہ نا صرف دوہی کم آنویں تھا مج

گل کرتی تے اشرف نان چھیڑ کرنی، باقی پڑھن کوتے روٹی کوکم ساری گیری کر لیں۔ واہ دوجی گل تھی جے اجاں واہ صرف انھویں توڑی بچپی تھی۔ اندر گیاں مابسزہ ناپسند پوری کرنی پئی۔ دوہاں نکاں ناقوری بنائے دتی۔

اشرف بڑی کرند کر کے اُس ویلے توڑی وی چپ رہیو تھو۔ جہڑی گل وہ سوچ تو رہیو تھو۔ واہ آخر ہو ٹھاں پر آہی گئی۔ ”اماں ہُن ہوں کے پڑھوں؟“ سبزہ ناہا سوآ گیو۔ بچہ! مخول کیوں کرے۔ مناکے پتوں اج توڑی کے پڑھے تھوتے ہن ہوں کے دسوں۔ ہوں پچھوں سامنس پڑھوں جے کجھ ہور۔ اشرف نے فرچھیو سبزہ تیں یاہ گل وی اوپری تھی کہن گئی۔ بچہ یوہ سینس کے وے؟ اس سوال کو جواب دنیو بڑو مشکل تھو۔ وہ دسویں ماں پڑھی وی لفظ سامنس کی تعریف لگو یاد کرن ورکجھ گل نہ بُنی۔ فرمجھان لگو اماں یہ جہڑی گذی تے جہاز بجلی ریڈیو وغیرہ تے مشین ہیں نا۔ یہ سب سامنس آلاں نے بنائی ویں ہیں۔ نہ یاہ جہڑی مشین محارے ہے کپڑا سیرن آلی یاہ وی۔ سبزہ نے سوال کر لیو۔ اخاں اماں یاہ وی۔ اشرف نے کہیو ور ہوں تے تیری سامنس تیں پہلاں وی یاہ مشین چلاوں تھی۔ اشرف چپ ہو گیو تے فاطمہ ناگلاں کو موقعو لبھ گیو۔ ہن یوہ کہہ گوشیرا کی کھٹی وی سامنس آلاں نے بنائی وی ہے۔ اماں اک ہور گل دسوں۔ سامنس آلا کہیں جے ہم چن ور گیا واتھا۔ سبزہ نے سوالیہ انداز ماں اشرف درد کھیو تے اشرف وضاحت کرن لگو چن ورتے کئی واری گیا ہیں۔ اُت چھڑا پھرتے ڈھا کا ہیں۔ ہور کچھ نہیں چن ور۔

یاہ گل وی سبزہ نا اوپری گلی۔ خبرے کے خیال کر کے اُساس مار کے چپ

ہو گئی۔ اچھا؟..... جھپٹ اک چپ رہ کے بولی بچہ پڑھنا جو کچھ پڑھے ہوں کجھ کپڑا سیر کے، کچھ سوت کت کے تباہ دیکھ لگی ناپیسا۔

اشرف کا لج مال داخل ہو گیو۔ پڑھن مال تے وہ پہلاں ہی ہوشیار تھو، ور بابا کا مرن توں پچھے جہڑیں ترے ذمیداری اُس پر پئی تھیں۔ انہاں نے اُس کو چن کدن بھلا چھوڑ دی تھو۔ غربتی وی تھی تے پریشانی وی پر اُس نے بہت نہیں ہاری اُس نا کدے بدل جھڑی مال شونکار مارتاں کٹھاں، کسیاں وچوں لنگ کے جانو پوئے تھوتے کدے تندور ہاروں تپتی دھپاں مال پیدل ڈر کے کان لج جانو۔

آخر خدا خدا کر کے دندے لگو۔ سبزہ نا، نیوں لگے تھو جس طرح کلکھی رات تیں بعد دیہنہ کی لاث لگ آئی ہوے۔ اُس نا مج سارا خواب پورا ہوتا دیں تھا۔ ور اشرف اگے پڑھن واسطے یونیورسٹی مال چلے گیو ہن کدے کائے جھگڑا آلی گل تھی واہ خوشی دیکھن کی۔ اشرف جدوی گھر آوے تھو، سبزہ کہہ تھی۔ دیکھنا بچہ وہ مقدم کوہاں تیرے تیں چار مہینہ گکو ہے فروی دو جاتک اللہ نے دتا وہیں۔ بستی لگی وی تے توں اجاں بیاہ واسطے نہیں تیار ہو تو دیکھنا ہم نا کتنو خفو گگ۔ اشرف نے نظر ٹھہرائی وی خبرے سائنس کی کہڑی ایجاد کا بارہ مال سوچ تھوتے مال کی ساری گل سن کے مشکوڑی مار کے کہن لگو۔

”مال توں میر و مقابلو نذر یزان کرے۔ یہ لوک سودائی ہیں۔ انہاں نا کچھ عقل ہے جہڑا عمر ساری کسے کا حکم پر چلتا رہیا۔ آپ وی کچھ کرسکیں؟ سبزہ کہتی سائنس کو تے منا پتو نہیں۔ نیوں ویہہ تیرے تیں جیدے خوشحال ہیں۔ اشرف بیاہ کی گل ٹان کے فرمکر جاتو۔

اشرف ناخوش قسمتی نان یونیورسٹی کو امتحان پاس کرتاں ہی ریسرچ واسطے سیٹ مل گی۔ ہن تختاہ وی جو رکھتے تھی۔ ورکم اس طرح کو تھو بے دھیاڑی رات مشیناں ماں ہی بڑیاں رہنے۔ جے کدے سون کی فرصت وی لگ جائے تے دماغ ماں ویہی مشین تے تجربہ کدے ایتم بم کافارمولہ تے کدے کسے زہر لیلی گیس کا۔ کھان پین کی شونق ہی گھٹ تھی۔ سک سک کے تیلو ہو گیو تھو۔ اُت جہڑا وی کم کریں تھا۔ ساراں کو یو، ہی حال تھو۔

سال بعد جدا پس آیوتاں سبزہ نے ہتھ گھما کے اُس کو استقبال کیو وہ اُج وی سوچاں ماں گم تھو۔ پر اُج اس کی سوچ کجھ ہو رہی۔ اُس نے جہڑی گل پہلاں چچھی واہ نذریکا بارہ ماں تھی۔ ”اماں نذریکو کے حال ہے۔“

”چکلو بھلو ہے۔ آرام نان کھائے پئے۔ نہ کوئے فکر نہ فاقو۔ جہڑو کم دسیو کر چھڑیو۔ لوہڑے ویلے مرٹتاں ماں شپاہی بول تو ہوئے۔“ سبزہ نے نذریکا معمولات گن کے دس چھوڑیا۔ اشرف نا اس طرح لگے تھو جس طرح سبزہ کے دو جا جہان کی گل کرتی ہوئے جنت اتو سکون تے آرام ہے۔ وہ اُج سوچے تھو کاش یاہ ساری دنیاں سودائیاں کی ہوتی۔ روز شام ویلے بیت بولتا، رات کہانی سنتا..... عقل آلاتے دنیاں ناتباہی کے دندلے آیا ہیں۔

اُس نے سبزہ کی جھوٹی وچوں سرچا یو۔ چھٹ اک اُس کی اکھاں ماں دیکھتو رہیو تے فرنکاں ہاروں اڑی کر کے کہن لگو ”اماں مناوی کسے نان ہائی لوا چھوڑ!“ سبزہ اُج فراؤ سے طرح تجھ نان دیکھے تھی، جس طرح واہ پہلی بار سامنہ کوناں سُن کے حیران ہوئی تھی۔

زندہ لاش

دیگر کو بیلو ہے سیوؤں سیوؤں بدل برھ کے مساں مساں چکنی لکلی ہے۔
 نیلی نیلی رکھ کسی سوہنی لگیں۔ اُچاں اُچاں نیزاں پر آجاں وی دھند ہے۔ پار لے
 پاسے دیار کا بوٹاں کے پشکار چٹا چٹا چمکتا گھر کتنا چنگا لگیں۔ انھاں ہی کوٹھاں کے
 نالوں بناں اک کٹھو گے۔ جہڑا دیکھ دیکھتا پسلیبا کھا تو کھا تو دریا کے سامنے
 جاتاں ہی اپنی حیثیت ضائع کر دین پر مجبور ہو جائے۔ دریا پر اج بارش توں بعد
 پیہنگ دے جس کو دوجو سرو نکا تیں اوہ ہے ہے۔

کتنو خوبصورت ہے یوہ منظر پر کس واسطے جس ناکوئے سہارو ہوئے تے
 جیں کوشونق، ورنہ یوہ سارو کجھ دل نا ہورہی دکھاوے۔ اختر آج اپنا پرانا کوٹھا کی بلی
 پر بیٹھی وی یوہ سب کجھ دیکھے تھی۔ تے کدے کدے آپ محاری ہس جائے تھی جے
 دنیا کی خوبصورتی کو کتنو دھوکھو ہے۔ پر لے چندے ملوک کا بوٹا اور چڑھی وی ڈوبri
 کی بیلاں نالوں لڑکتی چٹی چٹی تے لمی ڈوبri اختر نا اس طرح لگیں تھیں جس طرح
 رسماں رواجاں تیں تنگ آکے اپنی نیلی چھپری کی پھانسی لائی وی ہوے۔ نسری تے
 کچھی وی مک نے وی اختر کا ذہن کا تار چھیڑن ماں گھٹ نہیں تھی گذاری۔

اس طرح کا موقع کئی بار اس کی زندگی ماں آیا تھا اور وہ گھسا کے ہو رکماں

ماں لگ جائے تے دل نا ہوٹھے ہوٹھے کر لیئے ہوئے۔ پرواہ آج موسم کی چال
ماں پھس گئی تھی۔ اختر کی اکھاں ماں اُتھروں آگیا۔ تے اُس کی نظر یاداں کا سلکا
لوڑتاں لوڑتاں اپنا ماضی کا ڈنگا سمندر ماں جا پئی، اُس کی سنجھاں ماں آن تیں لے
کے آج توڑی کی ساری زندگی اکھاں اگے پھر گئی تھی۔

دن بدلتاں دیر نہیں لگتی اے کل کی گل ہے۔ اختر کی جئی سکول جان گئی تھی
 محلہ کا سکول کے نیڑے گھٹ ہی لگیں ویں۔ لوک سوچیں تھاں نے پڑھنے تے
 کا نہبہ کی گل۔ اپے شوقِ مٹھی ہو جائے گی تے بے خدا نخواستہ پڑھوی گئی تے حاجی
 وی کے یاد رکھے گو، گدریاں نا سکول کی ہوا لگے تے کتنی خراب ہو جائیں۔ پنتیجو کچھ
 ہورہی تھو۔ اختر دیکھ دیکھتاں پنجی پاس کر کے ہائی سکول ماں داخل ہو گئی۔ لاٽ
 خوبصورت با اخلاق ہون کے نال نال شرافت کو پلاؤس کا ہتھ و چوں نہیں تھو چھینیو۔
 لوکاں کا ہسن ہور ہو رخیاں تے نظر تھیں۔ کھیاں نے تے گھر آلاں کا کن وی پٹناں
 لایا و اتحا۔ و رحاجی ہوراں نے کسے نازبان نہیں تھی دتی۔ وہ اختر واسطے بہت کچھ
 سوچ تھو تے فر اختر کی مرضی تیں بغیر کے نال گل وی کس طرح کرتا آخر اس ناوی
 خدار رسول نے اپنی پسند کو حق دتو و دتھو۔

اختر کا سکول ماں چنگا چنگا لڑکا وی تھاتے شاید اس نا کوئے پسند وی وے
 گو۔ اُس نے وی دل ماں بہت کچھ سوچیو ہوئے گو۔ مج سارا خواب دیکھیا ہویں
 گا۔ پرس کاری دستی کس نا..... وہ دن اس کی زندگی ماں خوشی کو تھو یا سوگ کو یوہ پتو
 اختر کا دل نا ہی وے گوجس دن واہ دسویں کو تیجوں گے خوشی خوشی گھر آئی تھی۔ گھر
 آتاں ہی وہ اتنی بھیڑ بھاڑ دیکھ کے جیاں ہو گئی۔ اُس نا پولکو کہ آج روئی خیلے حاجی نا

خون کی الٹی ہوئیں تھیں۔ تے ویہہ اللہ نا پیارا ہو گیا۔ تے کسے کامنہ توں یاہ گل سنتاں ہی اختر بے ہوش ہو گئی۔ تے فرجس دیلے توڑی اُس نا ہوش آتو لوک جنازو لیکے پر لہڈھا کولوں اوہ ہے ہو گیا تھا۔

ہُن اُس کو کوئے نہیں تھور ہیو: اک بھائی تھو پر متریرو لوکاں کا کہیا پر چلن آلو ایکھی ماں کرتی وی کے مجبو تھی۔ اختر نے دسویں پاس کری وی تھی اس گلوں تھوڑا وجہہو دل ہتھ تھو بے کدے نوکری مل جائے گی..... محار اوی دھیاڑا پھر آؤں گا۔ پاس نا نوکری کس طرح ملتی اُس کی سفارش کون کرتا اُس کو باپ کوئے منستر تے نہیں تھوا اک معمولی آدمی تے اُس تیں وی بڑی مشکل یاہ تھی بے وہ وی تھو ہی نہیں۔

اختر کا سارا خواب ریزہ ریزہ ہو گیا تھا۔ رشتہ کی گل بلین بلین بھندڑارہ آئے دھیاڑے ہی شروع ہو گئی تھی۔ ہورنا کی تے خیر تھی ورا ختر کاما نے ٹرڑ کے حصتی گھسا چھڑیں تھیں۔ اختر پوہ سارو کجھ دیکھ دیکھ کے ننگ پے گئی تھی۔ پر کرتی وی کے مجبو تھی ماما نے آخر اڈی مٹالئی بے اختر کو بیاہ اُس کی مرضی پر ہوے گو۔ اختر یاہ گل سنیاں ماں پہلاں تے دوتے دھیاڑا روئی رہی۔ آخر دل نا سہارو دین واسطے سوچیو۔ میر و ہور ہے وی کون... بھائی تے کدے کوئی ہو یو وہ ہے۔ ما مو آخر بیاہ وی تے سوچ سمجھ کے کراوے گو۔

سلیم، حفیظ تے فاروق، انہاں ہی وچوں تے کوئے ہوے گو۔ پڑھ لکھ کے بڑا بڑا افسربنیں گا۔ اُس کا فرشتاں ناوی نی تھو پتو بے ماما نے کے بیتھی وی ہے۔ اُس نے روپیو ست ہزار لیکے اختر کو بیاہ حمید کے نان کرا چھڑیو۔ جہڑا جہالت کی حد تک ان پڑھ تھوتے پیسہ ہوتاں تک نقشہ کی پرواہ وی کون کرے۔ اعتراض

کرن آئو تھو وی کون۔ روپیو ہزار کھنڈ دیکے بھائی وی اپنے درموز لیو تھو۔ حمید کی ادھی ز میں تے ماما کی نذر ہو گئی تھی۔ باقی ماں جنڈاں تے کینتھیاں تیں بغیر کچھ نہیں تھو جیس۔ لیگ لان دروں وی قاصر ہی تھو۔ عقل کی اتنی بدہضمی تھی جے باپ کی ساری جائیدادا ک دوہی سالاں ماں سٹ سٹاکے بے فکرو ہور یو۔ پرفروی وہ کسے نا کے سمجھے تھو۔ آخر چھ مہینہ عرب ماں مجبوری کر کے آیو تو تھو۔ واہ دو جی گل ہے جے اس کو نے ہن کچھ وی نہیں تھا۔ تھوڑی مجبوری کر کے جیہڑا چار چھٹیاں بنیں تھاتے پیڑیاں کو صدقو گھر توڑی نہیں تھا چھپیں۔ گھر آلاں کی آنتڑی پی قل ھوال اللہ پڑھتی رہیں۔ اس تنگستی کی حالت ماں جددوسال گذریا تاں اُس کے گھر ایک نگی ہوئی۔ آخر نادھی کی ذات نال قدرت تے سماج کی نا انصافیاں کو خیال کر کے ڈاہڈوڈ کھل گو پر مجبوری نے فرنیزی ورہ تھر کھلیو تے واہ آہ وی نہ کرسکتی واہ مجبور تھی جے اُسے گھر گذارو کر لے۔ کدے لکھی کھا کے تے کدے کھان بغیر الحمد للہ کھو پوے تھو۔

فرجد خرچہ کو بھار حمید تیں بھارو ہون لگو تے اُس نے اختر اک دن کٹ کے گھر چلا چھوڑی تے وہ آتا ہی اندر جان تیں پہلاں اپنا بابا کا گھر کی بلی وربیں رہی۔ آخر ناجین کوئے ارمان نہیں تھو رہیو۔ واہ اگر زندہ وی تھی صرف ساہ لیں کی حد تک بس اک زندہ لاش۔ آخر کی ساری امید تے ارمان دفن ہو گیا تھا۔ اس نا خواہش جذبات تے خواب و خیال سب بے معنی لفظ لگیں تھا۔ ہن اگر اُس کا دل ماں کائے خواہش تھی تے واہ گمنام زندگی گذار کے گمنامی نال مرجان کی تمنا۔ واہ دنیا توں بے زار ہو گئی تھی۔ دنیا نالوں نفرت ہو گئی تھی۔ ایسی دنیا جس ماں انساگنی کوئے قیمت نہیں۔ کسے کا ارمان کی کسے کا جذبات کی کسے کا تقاضاں کی کوئے پرواہ

نہیں کرتو، یا سوچتا ہی اُس ناخیال آیو جے کاش اک ایسی دنیا ہوتی جس ماں
انسان کی قدر ہوتی۔ جذبات کی قدر ہوتی، سماج ماں فرد کی قدر ہوتی۔ کوئے کسے کی
زندگی ناکھڈیاں نہ بنا تو۔ اس طرح کی دنیا کدے وے گی۔ شاید کدے نہیں!

”اماں اماں متنباھکھ لگی ہے“، آخر کی چار سالہ لڑکی جیلہ نے روتاں
روتاں کہیو۔ آخر کا خیالاں کو سلسلہ ٹھیک کیو۔ اُس نے اکھو لیں تے صاف اندر ہیرو
ہو گیو تھو۔ آخر نے اٹھ کے اتھروں پوچھیا تے جیلہ نا لیکے اندر چلی گئی۔

.....

خواب خزانہ

میں مجھ واری کوشش کری عائشہ نا بھل جاؤں۔ ہن حاصل وی کے ہے، پرانیاں یاداں وچوں۔ اینویں سینوں ہی ساڑنے ہے۔ نیوں تے کدے کا مھارا راہ وی بکھتے اٹھن پیسن کی گل وی گئی گذری ہوئی وی پر جد جد مشراب میرے دار کھوہر پیسیں دیکھے۔ خورے کیوں مناں فخر عائشہ اکھاں اگے آجائے۔ واہی عائشہ جہڑی کدے ہوں ہن کھیدن کے بہانے پھی وی کائے چپکا چھوڑوں ہوؤں تاں وی ہستی رہے ہووے تے اُس کاویہہ چمکتا دند جس طرح موتیاں کی پالی ہوے۔ آجاں وی اُسے راہ دیں تے اک مشراب جہڑی گل گل ماں گھلن کا بہانہ لوڑتی رہے۔ اُس کاویہہ دو دند جہڑا اگاں نکلیا رہیں۔ نکاں ہوتاں بھانویں سوہنا ہی لگتا ویں گاورہن..... دیکھ کے وی ہوں اوہ جانو کر چھوڑوں۔ جس طرح میں دیکھیا ہی نہ ہویں..... اخاں واہی مشراب جس واسطے خاصا سال پہلاں میں کہیو تھوڑ حکم خدا کا نان قبول ہئے تے سچیں بے خدا کو حکم نہ ہوتے قبول وی شاید نہ ہی کرتے۔ ورہور کے کا بارا ماں حکم نہ ہو سکیو تے ہوں وی مجبور آگلو۔ دیکھن سفنت ماں مجھ بھیری وی نہیں۔ کجھ اک خوچنگی وی ہیں۔ پراک اک گل وچوں دس دس "مطلب" کڈھنا، انہاں گلاں نے کا الجو وی ساڑ چھوڑ یو تے دل وی تے یوہ دل سڑ یو فرمڑ کے اُسے

عائشہ دار آوے جہڑی بھانویں کنکے رنگ تھی۔ پر اس کی ویہ موئی موئی اکھ سوہنی صورت تے ہس ہس کے رات رات کی ویں گل کون کافر بھلے، گل وی انہاں دھیاڑاں کی ہے جہاں ماں کے کے ناہی سنگ نصیب ہوئے۔

انسان جتنو دیکھے تے سوچے اتنوں نہیں سکتو، ہوں کس ناس سمجھاؤں جے سنگ سنگ مال چارن ماں، تلاں ماں پنجاں کھیڈتاں کتنا آرام ہوئے، مناتے عائشہ کے سنگ بنگی کھاتاں وی اس طرح سئی لگے ہوئے جس راہ کوئے جنتی میو و کھاتو ہوؤں۔ بھانویں عام لوک انہاں ناہن بنگی کہیں۔ یہ کی کی گل مدت گذریاں ماں دل ناجی بڑی سئی لگیں۔ تے روح آوے آدمی انہاں ہی یاداں ماں دھیری رات گذار چھوڑے۔ اسے طرح رات بیس کے چنی منه اگے دھر کے تے کنی جئی پسل آکھاں کے سامنے دور تے نیڑے کر کے آکھاں کا آناں بھکار کرن کی کوشش کرتا رہوں جس راہ کدے عائشہ کرتی رہے وے۔ فریج کم اس طرح کا کروں جہاں و چوں کجھ حاصل نہ ہو تو وے سوا عائشہ کی یاداں نہیں۔

وہ یہ ساری گل تے امن زمانہ کی تھیں جد ہوں عائشہ کا گماہنڈ ور ہوں تھو۔ نیڑے تیڑے آدمی چھٹ مار کے وی مل آوے تھو، کدے حسین چاچو گھر جمائی کی ضد نہ کرتا ہم کدے نہ وچھڑتا۔ منا پتو ہو تو جے جدائی کو اتنو عذاب وے تاں شاید ہوں سارا سکاں نا بھر تج (پرہیز) چھوڑ تو تے عمر ساری مہاجر ہی ہن کے اُس کے گماہنڈ لکیوں ہتو پریاہ نہ ہو سکی تے ہن مدت ہوئی عائشہ کا وچھوڑا ماں ایسویں کئی دلیل کرتا رہوں تھو۔ دہن عائشہ کس راہ کی ہو وے گی، کت ہو وے گی۔ نکاشکا وہیں گا، بدھی ہوئی وی ہو وے گی۔ ہوں تے اجال فر بل ہاں اُس بچاری کو پتو نہیں کے حال ہوے

گوکدے مل جائے تے خبرے گل وی نہ کرے۔

خیر جو مرضی ہوئے بے خدا نے کدے رو برو آنی تے اوپر وہن کے چھٹ مار کے اُس کی اکھاں ورہ تھدھر لیوں گو۔ کت پچھان سکے گی مٹا اتنا سالاں بعد۔ شاید ہوں ابینویں ریت کا رسہ بٹور ہوں۔ اس طرح کد ہوئے گو پھر جد ہوں پنجی سالاں بعد پار گیوتے میں کے نایاہ گل نہیں دی۔ ہوں ایکلو ہی گھسا کے یا، یہاںو کر کے پرانی تک ور عائشہ کا گھر در چلے گیو۔ کوٹھا پچھے اک کوئی مال چارے تھی قد بت دروں اُسے ہاروں۔ پر ہوں دو جے چندے تیں اہم کے اندر چلے گیو۔ دو ترے نکا چندے پھریں تھا ایک منا اندر لے گیوتے ہوں۔ بیٹھک مال بیس کے چھٹ اک ارار پار کنداں پر نقشادیکھ تو رہیو تے فر اکھاں ورہ تھدھر کے پرانی یاداں مال ڈب گیو۔ ویہی عائشہ کی میٹھی تے سوہنی یاد جہڑی خواب ہاروں سئی لگیں تھیں تے ہوں اس خواب وچوں اُسے ویلے جا گیو جد میری اکھاں پر کے کا کولا کولا ہتھد بان ہو یا واتھا۔ ہوں سمجھ گیو تو کہ یوہ عائشہ تیں بغیر کوئے نہیں ہو سکتو۔ یا کھیڑ تے اُس نے میرے نال کئی وار کی تھی۔ ور اج تک جو کچھ ہوں سوچ تو رہیو ہاں واہ وی اسے طرح سوچتی رہی۔ اس کو شوت منا اس ویلے لمحو جد دو کوسا کوسا اتھروں میری تھی لھکھاڑی پر پیا۔

جد میں اُفراں مڑ کے دیکھیو تے واہ ہے تھی پر اُس کی اکھاں وچوں اتھروں کی پائی لگی وی تھی جہاں کے وچ جیہنگ کا سار ارنگ دیں تھا۔ جو کچھ ہوں کرن کی سوچوں ٹھواہ پہلاں ہی کر کے میرے کولوں آج وی جت گئی تھی۔ تے منا بڑی کتاباں وچوں یاہ کیفیت سمجھ نہیں تھی آئی جد منوہوں کچھ کہن تیں بغیر ہی اکھچ کچھ کہہ جائیں۔

اُس کیں اکھا جاں وی اُسی موئی موئی تے گلیاں اپر لالی نچھ تھی، شاید محبت انسان ناکدے بدھاں نہیں ہوں دیتی۔

ڈُنگی سوچ

دُنیا ماصرف دوقوم ہیں امیر تے غریب، مذہب وی بس دوہی ہیں ظلم
تے مجبوری۔ یہ دو چیز ہر جگہ کسے ناکے شکل مال ضرور موجود ہیں۔

امیر سیٹھ ہوئے، مل کو مالک، مقدم یا کھڑیق کی شکل مال، اُن کی عادت
اک جئی ہویں تے اُٹھن پیسن وی اپنی طرح کالوکاں نال ہوئے۔ اسے طرح
غریب وی بھانویں مزدور ہوئے یا زمیندار اُس کو اپنے ہی ماحول ہے۔ موئہ حا
جماندروں ہی دُکھتا ویں تے زیادہ سوچن یا احتجاج کرن کو جذبو سماں مال آن تین
پہلاں ہی ختم ہو جائے۔

عبد الغنی وی اک اسی طرح کو غریب تے مجبور آدمی تھوڑہ آج توڑی اتنی
مصیبت کس طرح برداشت کرتا ہیو۔ شاید اُس کاماں باپ کی وی وی دعا تھی، ورنہ
اس زمانہ مال چھست نکال کو پیٹ پانو تے چوکھراں کو گھاہ پانی وی ایکلانے کرنو بڑو
مشکل تھو۔ اپنی زمین تھی ور تھوڑی جئی۔ دھن اُس کے جے اتو بھار چاکے وی وہ
آجائ توڑی زندگی کا کھپا ملیں بلیں چڑھے تھو لگوؤ۔ وہ ایکلو تے نہیں تھو اُس کا
رشتے دار تھا ور مجبوری کا کیونجے ویہہ گھروں گھاتا پیتا تھا۔ اُس نال انہاں کو آن
جان تے اُٹھن پیسن گھٹ ہی تھو۔ کدے آؤین وی تھاتے لیتری کوسوال کرن یا آٹو

پیسان واسطے۔ اُس نامقدم کا حکم وی دھیاڑی رات جھلنا بوسیں تھاتے فرست لگاں
ماں کدے پچھئی جئی اپنی دوگی وی باہ کے یا منہ وری یہی مک سٹ چھڑے وے۔
اُس کو بڑو گیر وجاوید جدستاں سالاں کو ہو یو۔ تاں آپے گواہنڈیاں کانکاں نادیکھ کے
سکول جان لگ گیو۔ مسٹراحمد دین کو خدا بھلوکرے۔ اس نے قاعدوی آن دی تو تھو۔
محارا سماج ماں پڑھائی تیں بڑو تے ضروری مسلو بیاہ کو وے خوشی جے دیکھنی ہوئی۔
اس واسطے اُس کی نافی نے عمر موزوں سمجھ کے بھائی عبداللہ کی گئی کے گوتی لواچھڑی
تھی۔

جاوید نے جد چنگا نمبر لیکی اٹھویں پاس کی تے اُس نے سامنے اک ہور
مسلسلو کے کھلو ہو یو۔ اُس ناگے پڑھن واسطے شہر جانو پوئے تھوتے فرخر جو وی کافی
آوے تھو۔ اس ویلے توڑی وی عبدالغنی جاوید ناکس طرح پڑھا تو رہیو۔ اللہ ہی
جانے۔ ور ضروری نہیں کہ غریب آدمی کی سوچ وی غریب وے۔ عبدالغنی غریب
ہوتاں وی پڑھائی کو حامی تھو۔ واد دو جی گل ہے جے اُس نا پنجاہ تیں اگے گئی اڑاڑ
کے آوے تھی۔ وَر اُس نے کدے اس کو سوگ نہیں منایو۔ اُس کو ذہن بے ایمانی
تیں پاک تھو۔ جس طرح تھل کو پانی ہوے، جد جاوید نے اٹھویں پاس کی تھی تاں
عبدالغنی نے کوڑی گھوٹ کر کے شہر چلا چھڑیو، چار سال وہ یتیم خانہ ماں رہ کے پڑھتو
رہیو۔ وَر آخراً توں وی جانو پیئو۔ اُس نا شہر ماں رہ کے اٹھن بیسن تے کھان پین کی
جاريچ آگئی تھی۔ وراشتی غربی کدے کدے اُس کا ذہن کا پلا چھک کے اُس کا خیالاں
نان پھپلن کر چھڑے تھی۔
پڑھائی کا دوسال اُس پر بڑی مشکل کا گذر ریا جس ویلے وہ کالج ماں تھو۔

اس ناماحول کے نال نان وی چلنو پوئے تھوتے اپنا حالات کو خیال وی رکھنو پوئے تھو۔ رات اک دوجا سنگی کا کرہ مارہ دے تھو۔ جت بھلی نوبجے تیں بعد کدے جمعہ تیں جمعہ ہی دسے ہوے۔ وہ انسان ناکوئے کم کرن کو جذبہ ہوئے تے مجبوریاں کی پرواہ نہیں کرتا۔ جد ساری دنیا سو جائے تھی تے سڑک پر جا کے بھلی کا کھنمہ پیٹھ بیس کے پڑھے وے تھو۔ دن گذرتا گیا تے جاوید نے اس کسپہری کی حالت مال بی اے کر لی۔ ہُن اُس کا نکانکا بہن بھائیاں کو مسئلہ تھو ور جاوید نا اتنی مصیبت جھل جھل کے علم کی قدر کو اتنا تجوہ بہو گیو تھو جے انہاں نا پڑھائی کی نصیحت کرتا۔

بے شک آگے پڑھن واسطے دور وی جانو پوئے تھوتے خرچ وے تھو ور
ہن جاوید کا حوصلہ بلند ہو گیا تھا۔ اُس نے ماں باپ نال صلاح کی تے انہاں کی دعا
لیکے اپنا نواں سفر کو فیصلو کر لیو پہلاں تے خرچ تھوڑا تھو۔ جہڑا عبد الغنی محنت مزدوری
کر کے وی پورا کر لے تھو۔ وہاں بڑی مشکل تھی عبد الغنی نا امید تے نہیں تھی فروی
شاید اول بھلان واسطے وہ رشتے داراں تے کھڑ پینچاں کوں گیو۔ مقدم کی وی ٹوچڑا چڑ
کی ور ہر جگہ تیں سکھو ہی مڑیو۔ انہاں نے صرف کو رو جواب ہی نہیں تھو تو بلکہ اُس
کی مجبوری پریشانی ماں کہن لگا جے محارا نہیں پڑھیا تاں وی چوڑپڑی وی کھائیں
تے توں پڑھا لے جے پڑھاسکے، بڑو مجبور ہو کے وہ ماسٹر احمد دین کو لے گیو۔ جہڑا و
نال ہی کا گراں ماں رہے تھو۔ ماسٹر زیادہ امیر تے نہیں تھو وہ اس توہاں نے کجھ
إنگاؤنگا تیں کر کے پیسہ کر دتا۔

یونیورسٹی کا اُس جدید تے مغربی ماحول ماں رہ کے وی جاوید کی شرافت
برقرار رہی، چنگو آدمی جت وی ہوے اُس نا دوچار ہم خیال لبھ جائیں۔ شاید

فاروق، مشاق زبیدہ تے اختر اُس کا اسے طرح کا ساتھی تھا۔ ویہ اُس کی ذہانت تیں چنگی طرح واقف تھاتے اسے گلوں کئی مسئلے اس پر اُس کو لوں صلاح پچھتا رہیں ہویں۔ گھروں آن جان نال وہ انہاں کا گھر آلاں ناوی اچھی طرح جانے تھو۔ یہ دو سال بل گذر گیا۔ جد ٹیجوں کلیوتاں جاوید نے ایم، اے فسٹ ڈویژن ماں کیو تھوتے اس کا ساتھی بڑا خوش ہو یا تھا۔ اُس کی زندگی کواک خوبصورت موڑ تھو۔ اُس ناہنی نوکری کو زیادہ فکر تھو۔ کیونجے وہ گھر کی مصپتاں مجبوریاں تے لوکاں کا قرضہ تین واقف تھو۔ ہن وہ رج کے ماں باپ کی خدمت کرنی چاہوئے تھو تے نکا بہن بھائیاں ناوی تعلیم جیسی دولت تیں محروم نہیں رکھ سکے تھو۔ اس موقع پر لوکاں کا متحاض کچھ گھر نجی تھیں تے مقدم کا چیلاں کی اک میٹنگ ماں اس موقع پر تعزیتی اظہار وی ہو یو یو کرتاوی کے عادت تے مجبور تھا۔

آخر خدا نے سن لئی تے جاوید یکھرار بن گیو۔ اپنی قابلیت کی وجہ تیں وہ کالج ماں بڑی جلدی مشہور ہو گیو تھو۔ ہن اس کی تنخواہ وی خاصی تھی تے رہن واسطے کوارٹر وی اس واسطے دنیا ہی ماں خدا نے جنت دتی تھی۔ گھر کو قرضوی سال تیں اندر ہی مکاچھوڑ یو تھو۔

ہن ضروری مسئلے اُس کا بیان کو تھو، تے تھو وی بڑو مشکل۔ اُس ناجی ساری گل منظر کھنی پئیں تھیں۔ تے فر اُس کا فصلہ پر آخری منظوری تے مقدم کی ضروری تھی۔ کیونجے اُس کی مرضی تیں بغیر بقول اُس کے پکھیروں وی پر نہیں تھومار سکے گراں ماں، پہلاں تے اُس نے مدد کرن کی تکلیف نہیں تھی گوارہ کی۔ وہ ہن اُس نے جاوید و نظر رکھی وی تھی۔ اُس نایوہ عہد و چکنگن لگ گیو تھو۔ مقدم نے واہ

گل تے ملن دلن چھوڑی، جہڑی نکاں ہوتاں جاوید کا بیاہ کی ہوئی تھی۔ گیری آن پڑھ سئی و رچنگی کم منہ آئی تھی۔ جاوید ماں باپ تین نہیں تھو بده سکے بیاہ ہو، ہی جاتو ور مقدم نانہیں تھو منظور تے نہیں ہو یو۔ اُس نے اُس گیری کو بیاہ راتورات کدے ہو ٹھے کراچھوڑیو تھو۔ سماج کا ٹھیکدار جے ہو یا جس کو چاہو یہیں بیاہ کرو ایں جس کو روح آوے کا غذ کراچھوڑیں۔ میاں پیوی کی مرضی نا اس ماں کوئے دخل نہیں تھو۔

مقدم کی کمی گیری چھیویں ستویں پڑھتے تھی۔ مقدم کو روح تھو بے اس نان بیاہ کراچھڑاں گا۔ نکی وی پی آرام کرے گی۔ میر ووی حکم چلتور ہے گو، نہ کرن اکو جمیوں کون اس گل کو پتوگلتاں ہی جاوید نابڑی لہرچڑھی تے اُس نے گھر جا کے ماں باپ نان تفصیل سنگ گل بات کی۔ اپنا ماحول کو ضرورتاں کو احساس وی دوایو تے مقدم کی ٹھیکداری روایت کی وی۔ اُس کو خیال تھو بے زندگی انسان نا صرف اک بار ملے تے اس کو جائز فاائد و اٹھانو چائے۔ ہر قدم سوچ سمجھ کے چانو چاہئے ایسو نہ وے کہ یہ کھڑیخی خرید کے تے سوچن کی قوت صلب کر لیں۔ احساس تے انہاں گلاں کو عبد الغنی نا پہلاں وی تھو۔ ور مقدم اگے انہاں کی کے چلتھی۔ جاوید نے آخر اپنو فیصلو مقدم کی مرضی تیں بغیر ہی سنا چھڑیو تے یوہ شاید گراں ماں اپنی قسم کو پہلو فیصلو تھو۔

آنگا زبیدہ وی جہڑی جاوید کے نان کانج ماں پڑھوے تھی، ہن تعلیم تین فارغ تھی۔ اُس کا گھر آلاں نا جاوید چنگی طرح واقف ہی نہیں پسند وی تھو جس دن چودھری غلام حسن نے عبد الغنی ناسد کے جاوید تے زبیدہ کا بیان کی گل کی تھی۔ وہ سوچ وی نہیں تھو سکے جے اتنو بڑو آدمی مھارے درد لکھے گو۔ ور لعل کدے گا راہی

ماں ڈھنھا واوے تے قدر دان اُس ناچاونہیں چھوڑتا۔ یاہ علم کی قدر تھی جس اگے
چودھری جسا آدمی ناوی نیوؤں ہونو پیو۔ جددوئے دل راضی ہو گیا تاں یوہ یاہ مقدم
کی مرضی تیں بغیر ہی ہو گیو۔ انہاں کا گواہندی رشتہ دار جاوید کا سنگی ساتھی بڑی خوشی
نان شامل ہو یا۔ کھٹا دھتے لون کی جگہ گوشت پنیر تے سبزی دیکھ کے لوک اک
دو جا در پکھن لگ گیا۔

آخر دیہ بس رس گیا۔ جاوید کا آن نان گران ماں بڑو فرق پے گیو تھو۔
اُس نے گھر واسطے نہیں بلکہ سارا گراں واسطے بہت کجھ سوچیو تے کیو تھو۔ خاص کر
یتیم تے غریب بچہ اُس ناہرو میلے یاد رکھیں تھاتے چھٹی آلے دھیاڑے اُس کوئے
اس طرح اکھٹا ہو جائیں ویں۔ جس طرح عید دیہے۔ اُس نے اپنا علم کی لو اپنے ہی
اندر نہیں تھی چھپا کے رکھی۔ وَرَهْرَ گھر مان اک چراغ بالاں کی کوشش کی تھی۔ اُس نا
سارا دعا دیں تھا۔ اُج کو دین وی شاید عید تیں گھٹ نہیں تھو، جد لوکاں نے سینو جے
زبیدہ ناوی نوکری مل گئی ہے۔ واہ ما سٹریانی بن کے اپنا ہی گراں کا سکول ماں آئی
تھی۔ گراں کی نکلی گیریاں کا چہرہ پر اک عجیب قسم کی مسکراہٹ تھی۔ لوک سمجھیں تھا
کہ اللہ تعالیٰ نے دیہے دو فرشتا بنائے انھاں کی مدد واسطے چلا یا ہیں۔ اُج مقدم ہتھور
ٹھوڑی رکھ کے کسے ڈنگی سوچ ماں پیو تو تھو۔

* *

تاراں کی سلو

جاتی بہار نال وی تے کدیاں کا دل بجھ جائیں ور خبرے کیوں مٹتا تے آتی
 بہار اُس تیں زیادہ بھاری سئی لگے۔ مٹتا تے کدے بہار رس آئی تے نہ خزاں جہڑی
 وی آئی سچل کی دل دکھایو تے ٹرگئی۔ مشکل دی مار کے متحاپر گھرخ گھل کے تے ہوں
 اُت کو اُتے ریں کا بڑوڑ بوتا ہاروں جہڑونہ جھکڑ جھولما ہلے مٹتے نہ ہاڑ کی ظالم
 دھپاں ماہی اس کا پتھر سک کے بتی بینیں ور آخر آدمی ہاں آپ تے بھانویں پتھر
 ہاروں باٹو ہی کیوں نہ بن جاؤں پر دل کو کے کروں۔ کدے کدے چارچو فیری تیں
 پھلاسی گت گتی کڈھیں جے ہنسو پے جائے تے فرنہ نہ کرتاں وی آئی بہار نال دو
 آتھروں تے کرہی جائیں جہاں پر کسے کوبس نہیں چلتواں گل کو تے مناں پہلی بار
 اُس ویلے احساس ہو یوجد میں ریں کی اک لوی چھی نان ہتھ لا یو تے واہ اوڑ و موڑ و
 ہو گئی۔ میں اپنے ہتھ پچھاں چھک لیو جس طرح میرے تیں کوئے بڑو گناہ ہو گیو وے
 اراں پراں وی دیکھیو۔ کوئے دیکھتو تے نہیں تے فراج توڑی ہوں اسوجھ پ ہو گیو
 جے کسے نا امید ہی نہ رہی جے یوہ وی کجھ سوچ سکے اس ناوی کوئے ارمان ہوے گو
 اس ناوی دکھ سکھ بنڈن کی لوڑ ہو گی۔

یوہ جاتو سیلان ہے اج خبرے پھکن کی پہلی سوہنگی نہ ہوئے۔ خاصاں

دھیاڑاں کا جھکڑ جھولائے تے بعد نمل ہو یو ہے۔ اس ویلے ادھی رات گئی وے گی۔
 ہوں بڑے اندروں باہر سپارما آیو تھو تے افراں اشماں درد یکھتاں ہی مٹا اپنو خیال ہی
 نہ رہیو جھڑ بچوں چن اس طرح اوہلے تے باندے وے تھو۔ جس طرح تاراں نال
 کھیڈ تو وے تے جھڑ انہاں نا ڈران واسطے کدے ہاتھی ہاروں بن جائے تے
 کدے رپچھتے شیر ہاروں کدے کدے کالو شاہ جھڑ تے کدے صاف نمل نجع
 تے جھڑ اسوآتا ولو اڈن لگ جائے منا ہنا رآ وے تھی چن اپٹھے پاسے نسن ہو گیو
 ہے۔ جس طرح قیامت آگئی ہوے پر چھٹ توڑی اسواراڑ وہو گیو جے ہوں جیراں
 ہی رہ گیا اس موسم ماتے ٹھنڈی وی تے جور ہوے۔ ور ہوں اس کھیڈ ماں اس بھلیو
 جے مٹا خیال ہی رہیو ہوں کہڑے بیلے تحت پوش ور کند نال اڈیکن لا کے بیس گیو
 میں بناں دھرتی درد یکھیو تے فر ہوں نظر نہ چا سکیو ساراں ڈو گاں ما سروں پھلی وی
 تے اس طرح اک منہ ڈھٹھی وی تھی۔ جس طرح کے نے پیلو چھپرو دھوکے سٹیو
 وے پتوں بیس کے یاد کر کے میری اکھاں وچوں دواک اتھروں ڈھل گیا۔

نیوں تے ہوں بھانویں خاصو ہوندلو ہاں پر اتھروں کا معاملہ ما کافی کنجوں تے
 خاص کر شریکاں کے سامنے جہڑا اسماں وروں اوکڑ اوکڑ کے دیکھیں تھا فر
 اپنی بولی ما ایک دوجا درا شارہ کریں تھا۔ جن کی مٹا سمجھنہ آئی۔ تھاتے بھانویں دو
 ترے ہی اتھروں ور دل ما اتنی کانگ چاڑھ گیا جے ہوں انہاں ما غرق ہو کے کئی
 سال پر اپنی یاداں ماذب گیو۔

ہوں نکو جیو تھو۔ مساں سمحال ما آیو تھو۔ تے ہر سال کی طرح اس سال وی
 ہم ڈھوک گیا و اتحا۔ کم کا ج تے محارے کوئوں کے کراتا ڈھاراں کے پچھے کا بڑا تلا

ماسارانکا کھیڈن واسطے نکل جائیں ہو میں تے نالوں کوئے سیاً آواز مار چھوڑے
ہوئے: ”اوکیو خیال رکھیو ڈنگرنہ بھڑ جائیں“

تے یاہ کہہ کے سب گڑی مرد گھاہ درڑ جائیں ویں اپنی اپنی سُسی موٹھا ورستی
وی تے داتی آپُسُھی موڑ کے کچھ پیٹھ دتی وی۔

چھٹ ایک کھیڈ تارہ بیا ورمتا اس کم تین الکھت، ہی روے ہوں اک پاسے جا
کے بڑا پھاڑ وربیس کے مہندی کریڈن لگ پیو۔ جہڑی پر لا ڈلا پروں گھون کے
ہتھاں پر لا واس واس کدے ابیوں ملن چھوڑنی تے کدے نگانگا ٹھبکا کڈھنا، سونا
میرا ہتھاں پرتے ہوں اس کاں پر۔

ہوں اُتے پھاڑ پر بیٹھو رہیو تے باقی سارانگا پتوہیں کھڑے ویلے اندر مر گیا
— گھاہ آلاں کو وی مر ڈتاں کو پتوہ لگو۔ ہوں پارے پاسے کا بڑا تنگاں آلانگا پر نظر ٹھرا
کے دیکھوں تھول گلو وو۔ بڑوا کھوتے ڈراونو علاقو جس کے اوپر مج ساری چیل اوڑیں
تھیں۔ اچانک کا لوجھڑ آیو تے بدل گھن لگ گیو آسمیں پاسیں دیکھ کے میرا سرا کو
نکل گیو اُت کوئے وی نہیں تھو۔ ہوں اتے آپ مہارو ہو کے ڈھک کے بیس رہیو۔
چھٹ توڑی کے نے میرا موٹا اھا پر ہتھر کھیو۔ وجود تے شائد ٹھنڈ نال سو گیو تھو پتو
ہی نہ لگو۔ وراس نے ہوں پکڑ کے جھونیوں یاہ میری نکی چاچی تھی عرشی جس نا ہوں
”عشی موسی“ کھوں ہوں عشی موسی نے ہوں چایو تے گاٹا نال لایو۔ اس کی اکھاں ما
اٹھروں ڈول ڈول کریں تھا۔ تے بڑی مشکل نال صرف یاہ ہی کہہ سکی۔

”میرا عل تؤں کیاں اٹھ گیو تھو۔ ہوں لوڑ لوڑ کے تھک گئی“
نیوں تے میری اماں کی موت ہوں تیں بعد مٹا واہی پالتی رہی تھی۔ اس نا

وصیت بے کی وی تھی اماں نے:

”عُشی میرا عل کو خیال رکھئے“ تے موی نے سوہنوج پایو تھو۔ اس گل کو در
ان عشی موی کجھ زیادہ ہی مہربان لگئی تھی۔ مٹا گھر لے گئی سارا اپنے اپنے جیران
بیٹھاوا تھامر دأت کوئے نہیں تھو۔ بلیں بلیں پتوگ ہی گیو۔ میرا دو جہڑ دیناں تیں آٹو
لیاں گیو تھو۔ کاگنک مارڑھ گیو تھو۔ تے فردقاں پرمٹاں منہ دیکھو وی نصیب نہیں ہو
یو۔ ہوں ہن کسی نانہیں تھو پچھاونعشی موی تیں سوا اس تیں پچھے ہم کدے ڈھوک نہیں
گیا۔ چاچانا تے انھاں کماں تیں اس ہی وے تھوتے اڈواں جھنجھٹ ہی تیں
چھٹ گیو تھو۔

عشی موی نے ہوں پالیو پوسیو تے سکول چھوڑ د تو دو بے سال سوناوی داخل
ہو گئی سگ نال آن جانو وی پڑھنوتے کھیدن وی۔ نیوں تے ہم ہر موسم ماکھاہی تھا
۔ ورسیان کی بہار کو کجھ ہور ہی سوا دھو۔ فرآتی بہار نال سری کوئیں تے پھلی وی سروں
کو لطف کون بھلا سکے۔ ہن تے ہم جوان بھی ہو گیا تھا۔ ور ہوں جد کانج مادا خل
ہو یو تے مٹا پتوگ سونا کدے وی میری نہیں ہو سکتی۔ یاہ گل سن کے تے مٹا فرشتا
چھوڑ گیا تھا۔ ور مشتاق نے زور نال میرا مونڈھا ور ہتھ مار کے کہیو تھو۔

”دوست عشق کرن واسطے جستا تیں وی بڑو کا جلوڑے تے فر کوئے
محبت تے نہیں گھٹ جاتی..... مٹا اسو یلے یہ ساری گل بے فائدی سئی لگیں تھیں ور
ہوں کے کرتا اس طرح کی گل وی تے ہوں کسے کے سامنے نہیں تھو کر سکوں۔ میرا
بان بان انہاں کا احسان پیٹھ پیو و تھو۔ عشی موی کی تے مرضی تھی ور چاچانے کھڑا
کے کہہ چھڑیو تھو۔

”اڑی شامی نے گیری کے تھی لوائی وی تے اس رشتہ کی پہلاں ہی شریف
واسطے زبان دے چھوڑی وی ہے۔ شریف نہیں پڑھوتاں کے ہے کھان پین واسطے
تے کھلو ہے۔

میری حالت تے دوہاں کے سامنے تھی اس واسطے عشی موئی وی مج و کالت نہ
کر سکی تے آخوند کیجھ دیکھتا مجبوریاں نے سونا میرے نالوں کھوہ کے شریف نال
نختی کر چھوڑی منگاتے روح روح آؤتے تھو بے اس چھپری تے تھی ناگ لاجھوڑ تو
جہڑی چھپھی نے نکال ہوتاں سونا کے لوائی تھی۔ ورہن بیلو پک گیو تھوتے ہوں دند
بیٹھ گلیٹی رکھ کے جھپ ہو گیو۔ اگے اگے پڑھتو وی رہ یو تے آخر ہن سلونی سل وی
ہوں لگ گئی۔ ملازم ہوتاں ہی چاچانے دھوؤں دھکھا کے کنی وی کر چھوڑ یو۔ گوگی تی
ہوں لگ پئی۔ میں اس ناکسی چیز کی تھر نہیں لگن دتی۔ نہ کجھ محسوس ہوں دتو۔ چاچا کا
کسی فیصلہ ماوی میں نہیں تھی کی۔ دھوڈو وی اپنی مرضی نال تھپیو تے بنڈوی منا پر لی
دتی یاہ کہہ کے اخے یہ بنڈ دادا باجی نے کی وی ہیں ہوں فروی چپ رہیو۔ منا ہن
تے کسی چیز کی شوق ہی نہیں تھی رہی۔ دھیاڑا لوکاں کے رلے بُلے لگاں گذر گیاتے
بہاروی آتی جاتی رہی سونا ناوی تے مج سکھ نہیں تھو۔ ورمگا تے کجھ کہن کو حق ہی نہیں
تھو۔ صرف عشی موئی کا اتھروں درد کیجھ کے مج کجھ اکھاں اگے پھر جائے اس کا احسان
ہوں کدمکا سکوں۔

میں کل موئی نا کھیو تھو۔ رات انگاں ہی نکلیا رہوواہ کہن لگی
”نہیں بچہ پرسوں توڑی آؤں گی۔ سونا آئی وی ہے نا اس ناوی لیکے آؤں گی۔
چخاری کجھ ٹھوکرے گئی ہے۔

اچھا..... توں بغیر مٹا کوئے جواب نہ سریو تے موئی مرگئی۔ سونا کا بیاہ ناوی
خاص سال ہو گیا ہیں۔ وروادہ مٹا کدے نہیں ملی۔ شاند جان بوجھ کے۔ خبرے اس نا
وی اپنا اتھروال پر قابو نہیں یا کائے ہو رکل ہے۔

میری نظر سروں کا پھلاں پر انگی وی تھی۔ تے ہوں تخت پوش پر بیٹھو ویاہی
سوچوں تھو بے بھلکیں سونا آئی۔ تے ہوں اس کے نال کے گل کروں گو۔ مُرد مرڑ کے
وہی مشتاق کی گل یاد آ دیں تھیں ”بیاہ نہ ہوں نال دلاں پچوں محبت تھوڑی گھٹ جا
ئیں۔ تے اچھوڑی سچیں کسی نے میرا موٹھا وہ تھوڑہ دھریو۔ میں پچھاں مرڑ کے
دیکھیو یاہ بانو تھی۔ میری لکھتاں کی بھیان چپ کر کے کھلنی ہوئی وی واہ کدے میرا
گوشہ سن گئی تھی۔ کہن لگی:-

”تم اس ویلے ادھی رات ات ٹھنڈ ماں کے روڑھیا کریں“
ہوں چھٹ ایک ٹھرو تر اس کامنہ در دیکھتو رہیو۔ نیوں تے مٹا اس کی گل جو
کی روٹی ہاروں لکھی تے اپنا عشق ہاروں بے سوادی لگیں دیں وراس ویلے خبرے
کیوں مٹا اس پر مجھ پیار آیو تے ترس وی۔ مٹا یوں لگو جس طرح کئی سال پہلاں عشی
موئی نے ڈھوک ما کھیو تھو۔ ”میرا عل تول کنگاں اٹھ گیو تھو۔ ہوں لوڑ لوڑ کے
تھک گئی“

میں اٹھتاں ما کھیو“ اے دیکھ نا بھار آگئی ہے سروں کا پھل کتنا سوہنا لگیں۔
انہاں ناہی دیکھوں تھو، یاہ کہہ کے دوئے اندر رپیا۔

جھڑ کدے دور نس گیو تھو۔ تے چاثی صاف ہوتی جائے تھی۔

.....

(تمثیلی کہانی)

جھلیا لوک

تعارف	کردار
(اک غریب آدمی، عمر ۵۰ سال)	ستاریو
(ستاریا کو بھائی، عمر ۲۰ سال)	خدا بخش
(ستاریا کی بیوی)	لگی
(خدا بخش کو دوست)	عبد الغنی
(ستاریا کو لڑکو عمر ۱۸ سال)	شمس الدین
(فارسٹر خدا بخش کو لڑکو عمر ۲۵ سال)	سلیم
(ستاریا کی بہو)	رضیہ
گراں کو لھڑپنچ	چودھری میر محمد

(ستاریا کو گھر) پہلو سین

- خدا بخش : (ایک بھی ولموں پیو وو) ہائے!..... ہائے!..... ہائے!
- ستاریو : (حقوچ حکتائی ماں) بھائی کچھ زیادہ تکلیف ہوئی ہے تم نا؟
- خدا بخش : تکلیف میری قسمت ماں لکھی وی ہے۔ دوسال ہو گیا ہیں بھی پر
ہی دھڑکوں لگو وو۔
- ستاریو : بھائی اس طرح کی گل کیوں کرتا رہیں ہویں۔

خدا بخش : کے کروں۔ اک وہ عبد الغنی وے تھو، کدے روڑھیا کرتا رہاں
واں مدت ہوئی وہ بھی نہیں آیو، سہیو وی دلو تھو۔ خبرے... خدا
دروں خیر وے سکی۔

ستاریو : گئی تاں دیکھ کائے دودھ کی گھوٹ ہے نہیں، بھائی نادودھا تو بنا
کے دیتا۔

گئی : رات مھیں کھلی نہیں تھی۔ نکی لوچہڑی چھٹا کی کڈھی تھی چودھری
کی لیتری واسطے دوالگل چھوڑی ہے۔

عبدالغنی : (اندر آتاں ماں) السلام علیکم
آؤ بھائی بیسو (غنی خدا بخش کے کوئے جا کے بیس جائے)۔

خدا بخش : گئی : (غمی کو تھچم کے) گھما نیو آیا اور ووں، تناہی یاد کروں تھو آ گیو
ہے..... تاں منا افراں کرو۔

عبدالغنی : (سرہانے بیس کے خدا بخش کو سرجھولی ماں دھرے)۔
خدا بخش : بھائی ستاریا کت ہیں تھارا انکا۔

ستاریو : بھائی نے دیہہ شہر چھوڑیا وہ ایس پڑھن واسطے... کدے یتیم خانہ
ماں خبرے۔

خدا بخش : (غمی ناں) مناہنار آوے۔ میر وہن وقت نیڑے ہی ہے تے
توں ہن پھر جے کجھ ہو سکیو تے کریئے۔ میر اسلام نا پڑھائیے۔
لکھائیے۔ مدے خدا اُس کا دھیاڑا سلا کرے۔ اُس کو خیال
رکھئیے۔ میرا..... میرا..... میرا اسلام کو..... خیال رکھئیے۔

عبدالغنى : تم گھبراونہ اللہ بہتر کرے گو۔
 خدا بخش : تاں میر و کل صبح کریو.....لا الہ الا اللہ رسول اللہ
 ستار یو تے عبدالغنى : انا اللہ و انا الیہ راجعون۔
 گبی : (روتاں ماں) ہائے میرا پر پے گئی۔
 عبدالغنى : (ادی گبی سر و دنہ کریو۔ یوہ ہیلو صبر کو ہے۔
 (عبدالغنى تے ستار یو خدا بخش ناسدھو کریں) (پر دو گرجائے)

دو جو سین

(ستار یا کو گھر خدا بخش نا دفن اس تو بعد)
 ستار یو : خدا جنت نصیب کرے بھائی نا چنگی نبھا گیو۔ بھانویں سال
 دو منجی پر ہی رہیو۔ پرانو اک بھلا دو تے تھوہن پتوہنیں کے
 ہوے گو۔ چودھری کاراہ و چوں تے باڑھٹ گئی ہے۔
 عبدالغنى : گھبراؤ نہ دیکھو خدا کا کماں دار۔
 ستار یو : گھبراؤ نہ تے کروں وی کے۔ بھائی مٹا کھو رہ چو چودھری
 کو نے نہ بھسے جس طرح بھکھاں ننگاں وقت نبھانو پیو۔ نبھا
 لیاں گا..... داں گبی حتو اُراں کر، ہن یو ہی میرا غماں کو
 پیہاں ہے۔ سارا لوک چلا گیا تے بھائی غنی تم مھارے
 بندے لگاوا ہیں۔
 عبدالغنى :

تیر و بھائی تھونا۔ میر واک ہی دوست تھو، مٹا تیرے تیں زیادہ
ڈکھ ہے۔ پر کے کراں موت اگے کسے کوبس نہیں چلتا..... تھارو
اپنے وقت مشکل نان نبھے ہوں ہن جاؤ نگو تے شہروں سلیم نالے
جاؤں گو۔ منایا ہتے آخری وصیت تھی۔ اچھا اللہ کے حوالے۔

اچھا اللہ کے حوالے (عبد الغنی باہر نکل جائے)۔

ستاریو :

(خاموشی تیں بعد) بگی چپ کیوں ہے۔ کجھ گل کتھ کرن جے
دل..... ہو ٹھے ہو ٹھے وے۔ اندر سڑیوں کی خان نا آوے۔
کے گل کروں تران ہی نہیں رہیا۔ ڈکھ تکلیف وی عمر دھیاڑا نال
سہمن وے بھائی تے گیو واہ اک نشانی تھی۔ اُس کی جے
محارے کوئے۔ مھاری غربی نے واہ بھی نہ رہن دتی۔

چودھری : (اندر آتاں ماں، السلام علیکم بھائی ستاریا۔

ستاریو : (اٹھ کے بھی پرلوئی ڈاہتاں ماں) علیکم والسلام! آؤ چودھری صاحب، میسو۔

چودھری : چپ کیوں ہیں۔

بگی :

ہائے ہائے! مھارے پر اشناں مٹ کے پے گیونا!

چودھری :

اُف بھائی ستاریا میری تے بھائی بخشیا کی ملاقات بھی نہ ہو سکی
آخری وقت ماں۔ دنیا کا دھندا اک دو جا کی تینگی تکلیف ماں وی
نہیں شریک ہوں دتیا ہوں انگاں کچھری ورگیو تھو تے بھائی
بخشیا پر مٹی کی لپ وی نہ سٹ سکیو۔

ستاریو : چودھری صاحب، جائے ڈھی ہے جہڑا دنیا کی ٹھنڈی ہوا تین

جائے۔ گیوئے نہیں مُرڈ تو بھانویں ہم کتنو ہی سوگ کراں۔ اللہ تھارا
سماں کی بھائی رکھتے جہڑا ہم ناکدے او کھے بیلے۔ پھر بیں پتو
نیوؤں لاتار ہیں۔ ہم ناتے ہن گھٹنا روڑھیا کرنا ہیں..... چلو
جو اللہ کرے گو!۔

اللہ کی کرنی آگے کون ہتھ دھر سکے تے اُس نا ایڈ اوی کتنو تھو۔ کتنی
مدت ہوئی بخی ور تھو۔ ہوں جس طرح پہلاں تیرے نال تھواں سی
طرح آجاء وی تنا کدے ہو ٹھے نہیں جان دیسوان۔ تیر و میر و
مدتاں کو حساب ہے۔

(چودھری نا اٹھتاں دیکھ کے) انگابوٹ لان لگ گیا ہیں۔ قہواہ
کی پیالی پی جاتا، دودھ تے واہ دھکا جوگی کھلتی نہیں۔ ٹیوں ہل
گئی ہے۔ کچھ کھٹاک کرے۔

(اگر یہ تے تین مُرڈ کے) چاہ کی تے لوڑنہیں۔ مٹا کم اک نہیں
تھو یاد رہیو! ستاریا تنا گوہ سٹن گو کہبے تھو۔ تم انگا الجھیار ہیا ہیں ہن
کنی لو خواہ تھواہ آئیو۔

(چودھری کا جاں توں بعد) بگی سن گل چودھری محارے کو تے
بیسن نہیں تھوا آیو۔ اُس نے حکم کر نو تھو۔

بھائی نا اللہ بخشے اینویں تے نہیں تھو کہہ انہاں لوکاں نا کسے
مجوری دستی، بگی لو جانو پوئے۔ (پر دو گر جائے)

چودھری :

بگی :

چودھری :

ستاریو :

بگی :

(چودھری کوگھر)

”تیجوسین“

السلام علیکم چودھری صاحب۔
 چنگی سبیل ہے۔ کت جے مورو بجا یو ہے۔ تیری ہن آکھ کھنی
 ہیں۔ لوک چھوکڑو لارہیا ہیں۔

میر حالت تم دیکھ ہی کے آیا تھا۔ کوئے آجائے تے چھٹ گھڑی
 پیسو ہی پے چاتے۔

کمتانی کی یاہ حالت تے تنا لوکاں کی ٹہل شدھواں نہیں پوری
 ہوتی اس طرح محاری نہ بھی کم کرنو ہے تے سدھی طرح نہیں
 تاں حساب مکان آلی گل کر۔ کپڑا چیڑا تے دانہ پھکا کی لوڑ پیاں
 ماں توں سدھو میرے کوئے پہنچے۔ اُس ویلے درنہیں ہوتی۔

او جی تم ناپتو ہی ہے۔ حساب مکان جوہ میرے کوئے ہے کے
 ہے۔ کم کان یہ ساہ نال لگاوا ہیں۔ سبیل تے کدے کبیل انی ٹٹی
 وی کیوں دیں۔ جناں کو چھٹ وی واہ واہ وے۔ اجاں تے
 دھیڑی پچھاں ہیں۔ حساب کتاب تے تھار و میر و ساہ نال ہے۔
 ہو تو مکتو رہ گو۔

جیدے گھانی نہ پیڑتے جا اگاں کم و ستاریو چلیو جائے۔
 (پر دو گرجائے)

ستاریو :

چودھری :

ستاریو :

چودھری :

ستاریو :

چودھری :

چو تھوسین (ستاریا کو گھر)

- | | |
|---|--|
| (چار دن بعد گھر واپس آوے تے بہت ٹھڑکا کے بگی ناجگاوے۔
بگی... بگی... اودھ بگی جا گے جے سوئی ہے۔ اُٹھتاں ہوڑواہ۔
(اکھ ملہوتاں ماں) اوکون ہے اس ویلے کبیلے۔
ہوں ہاں نا ہوں بہت کھول۔ | ستاریو :
بگی :
ستاریو :
بگی :
ستاریو : |
| ہوں کون ہوے، نان لے نا۔ اس ویلے کنگاڈھنڈورادے۔
ہوں ہاں ستاریو خصم تیرو۔ ہوراس ویلے کون آوے گورات
تیرے کوئے۔ (بگی بہت کھولے) کوک، کوک کے میرا سرگی
ٹھکری ہو گئی۔ اتنی آرام طلبی۔ | ستاریو :
بگی :
ستاریو :
بگی :
ستاریو : |
| آرام طلبی تے جور ہے۔ اٹھویں دھیاڑے گھر مزیں فردی نہ ہوا
کرتا۔ اج توڑی کنگارہ ہیا ہیں۔ کدے بیلا نان آتا جے آٹو تھو۔
بگی ٹرٹرنہ کر۔ تنا بیلا ہی کو پتوہے۔ اگلاں کی ڈھامیری جان
چڑھی وی تھی۔ ویہہ اپنوا حاصل لین تیں بغیر نہیں جاں چھوڑتا۔
ایک دن واسطے سد یو ہونا۔ اج چوتھے دھیاڑے چھوڑ یو ہاں خدا
غریب وی کسے نانہ کرے۔ | ستاریو :
بگی :
ستاریو :
بگی : |
| جیدے نہن لچکرنہ کرو تے چڑھے گے سور ہیو۔
بگی جے بھکھاں شنید آتی تاں دے ستائی رہتا فرتا کجیا کرن کی
کے لوڑتھی تیں کوئے دو ٹکلی سی وی ویسی گی تاں چڑھے کے سون کو | ستاریو : |

روح آوے۔ مٹا سویلے پسن کا آنکھس وی نہیں لگتا۔
 آٹا کی چونڈھی نہیں کنکی لو گاں ہوں وی بھکھی ہاں۔ اس ویلے
 میرے تین ککھ نہیں ہوتے، سور ہوئے۔

ستاریو : اچھا ہوں تے سوچوں اکبار چہری کولوں جان چھٹ جائی۔
 بھکھنگ برداشت کر لیتا۔ (پردو گرجائے)

“بُخْمُوسِينَ” (چہری کو گھر)

ستاریا کے کے کیو ہے دھیاڑی۔ کتنا اک جناہ تھا۔ زمین بن
 گئی نہیں۔ کنکی لو واسطے کے ناکہتا۔ لنگ پھسا چھوڑتا کے ہو رکی
 لیتری نہ وہ ہے بھلک۔

ستاریو : کنکی لو کو فکر نہ کرو جی۔ جیویں (زمین) بنتاں لگ جائیں گا۔
 دو ترے دھیاڑا اچر توڑی لوک وی بہلا ہو جائیں گا۔

چودھری : اُج دھیاڑی تین ککھ نہیں کیو؟

ستاریو : میں کد کہیو جے ککھ نہیں ہوں کر کر کے ٹھیک گیا ہاں۔ پر زمین
 بنان واسطے داند اس کی ضرورت ہے۔ داند کے کا لبھا نہیں۔
 لوک اپنے اپنے لگاوا ہیں میرے توں اکلاں ہو رکھ ہوئے نہیں
 تھو۔ تھل کڈے کے رکھ چھوڑی ہے۔ داند اپنا ہوتا تے کم
 جلدی ہو جاتو۔

چودھری : ہوں داندر کھوں جے لوکاں کا مر گیا ہویں کہہ ڈوہیں داند دیتے توں

جائے ناں کی لومنگ لیا داند عطا یا کا۔

ستاریو : اوجی جسے سچی گل پچھیں تاں ہوں رجیو وہاں عمر ساری تھاری
نوکری کر کر کے فروی گھروہ ایک بڈھیری ہے۔ اُس ناپھا کا
گلیں لگاؤ۔ نکو گھروں باہر سٹیو وہ ہے۔ میری نوکری کو انہاں نا
کے فائدے ہے۔

چودھری : ہوں کے کروں بڈھی ناتے نکانا؟

ستاریو : تم ہن میر و حساب ہی کروتے چتو گے۔ جس سال بھائی فوت
ہو یو ہے تم کہیں تھا اجاش چار سال ہیں۔ ہن یوہ پنجو سال
جائے لگو وہ۔

چودھری : حساب تے تیرہ ہن پوروہی وے گو.....ور... تیرہ وہ کوکتو
اک ہے رے۔

ستاریو : تھاری اُس بڈیری گیری کے نال کو ہے۔ ہن ۷۱۸۱ اسالاں
کووے گو۔

چودھری : وہ پڑھے وی ہے نالتنی ماں ہے اس سال۔
ستاریو : ۹۰ اسال ہو گیا ہیں پڑھتاں۔

چودھری : ستاریا توں ہن بڈھووی ہو گیو ہے۔ موت کووی پتوہیں ہو تو
کس ولیے آجائے تین اس نکا کو بیاہ کر انو تھونا۔ جیتاں جیتاں
خوشی دیکھ لئتو۔

ستاریو : خوشی تے جور دیکھی ہن اُس ناتے پڑھن دیوں۔ مدے اُس کا

دھیاڑ اسلا مژیں۔

توں نہ ہو یوتے اُس کا سلا دھیاڑ اتیری کس کاری۔ اک بار
تے خوشی دیکھ لے۔

چودھری صاحب پیسہ کست ہیں بیاہ واسطے۔
پیساں کو کے ہے ہوں جیہوں تے تناکے پرواه ہے۔ میں اگے
کدیانیف کی تیرے نال۔

واہ گل تے ہے یار قم مکانی وی پوئے گی۔ نافر کے کروں گو۔
ستار یا ہوں کہڑو آج ہی تیرے کو لوں منگن لگو۔ پیو کم کاج کر
کے مکا چھڑیئے۔

کم کاج تیں ہن دیکی آگئی ہے جان کی یاہ حالت ہوئی وی ہے۔
نہ تے منا کوئے لائج تے نہیں۔ ہوں کہوں ٹھو توں نکا کی خوشی
دیکھ لے آ۔

چوہدری صاحب دو ایک گل ہو روئی ہیں نا اک تے گدرا کی
پڑھائی چھٹ جائے گی دو جے رشتہ وی کون دیئے ہم نا؟
او جھلیا لوکا بیان نال پڑھائی ماں کے فرق پوئے۔ سگوں گھر کام
کاج ماں سماں ہو جائے گی تے گیر و بے فکرو پڑھے گورہی گل
رشتہ کی تے ہے کون جہڑو میری مرضی توں بغیر رشتہ لے دے
سکے۔ ہوں جس کو چاہوں گھر بساوں جس کو چاہوں اجاڑ
چھوڑوں۔ واہ جمالیہ کی گیری ہے نا۔ چنگی نک منہ آلنی ہے۔

ستار یو :

چودھری :

اُس کو وارث وی کون ہے۔ ہوں گل کروں گو۔

اچھا ہوں گھر صلاح کروں گو۔

ستاریو :

ہوں شہر چلیو ہاں تے تیر انکاناوی گھر آن کو سہیو دے چھوڑوں گو۔

چودھری :

پر دو گرجائے

(ستاریو کو گھر)

چھیو سین

تال بگی حقہ پر اگ دھردے۔

ستاریو :

حقوتے پچاہ وی اتے ہی ہے۔ آج کتنا دھیاڑ اتوں پچھے یوہ
کنوآیو ہے۔ اس نال گل بات کرتا تاں۔

بگی :

نکاہی نال گل کروں گور توں حقوق اداں کر! (ستاریو بگی کولوں

ستاریو :

حقو لیکے چھے)

شمس الدین:

بابا ہوں تے بھلکیں نیوں وی آن ور تھو۔ تم نے آج سنہیو کیوں
دتو تھو۔ میں سوچیو پتو نہیں کے گل ہے۔ اماں تے کہہ ہم نے
نہیں سنہیو دتو۔

اُس نا اندر بیٹھاں بیٹھاں باہر کامان کو پتوہی کے ہے۔ اس نا

ستاریو :

پکان کھان کوہی کم ہے۔

بگی :

اخاں ہور تے منا کوئے کم ہی نہیں۔ محیساں کو گھاہ پانی کر کر کے

تم تھکا داویں گا...

ستاریو :

اچھا چھوڑ انہاں گلاں ناہن ہم بڈھاوی ہو گیا ہاں۔ میر دروح

تھو۔ اس نکا کی خوشی دیکھ لیتا۔

بیوہ روح تے میرودی کہہ تھو۔ ورپیساں کو کے کراں گا۔
گی :
اس گل کی تے چودھری نے حامی بھری ہے۔ کہہ تھو پیا بلنیں
ستاریو :
بلنیں مکاتار ہیو۔

بابا منا پڑھن دیو جس دیلے پیسا ہو یا آپ بیاہ دی ہو جائے گو۔
شمس :
بچہ ہون نے سارو کجھ ہو جائے گو۔ میری اکٹھیں دیکھسیں۔
ستاریو :
سوچوں تھو جیتاں جیتاں تیرودی ڈھوڈو تھپے جائے آہم دی
خوشی دیکھ لیتا۔

نہ تے کرا دیں گا کت..... ہم نادے گو کون ؟
گی :
دیسیں کیوں نہیں۔ مھارو لال جیسو بچو ہے۔ پڑھے وی ہے۔
ستاریو :
چودھری کہہ تھو واہ جمالیہ کی گیری ہے نا یتیم، خبرے پنجی پڑھے۔
اُس نال کرا چھوڑاں گا۔ تے واہ گل بے نہ ہو سکی۔ چودھری کہہ
تھو کے ہو رکا غذ کرا کے بیاہ کرا چھوڑاں گا تیرانکا کو.....

میرے جوگی ہن چھٹر ہی رہی ؟۔
شمس الدین :
نہیں بچہ اس طرح کو بیاہ نہیں کر اسماں۔ سرویں تے ٹوپیاں کا
کالا نہیں۔ جمالیہ کی گیری ہے چنگلی ہے۔
گی :
وہی گل کجھ میری نظر ماں وی آوے۔ (پر دو گر جائے)
ستاریو :

(چودھری کوگھر)

ستموسین

- چودھری : ستاریا! یہ دو ترے دھیاڑا کنگار ہیو ہے۔
 ستاریو : آٹھوی مولکیو و تھوتے اپنا سانگاں ماں چریٹ مارنی تھی، داند منگ کے۔
- چودھری : ڈھاس گل کو کے کیو ہے؟
 ستاریو : نکو کہہ تھو پڑھائی نہ چھٹ جائے۔ بھی تے من ہی گئی تھی۔
 چودھری : ہوں فرانہاں نال گل بات طے کروں گو۔ توں پنج ست دھیاڑا اتے رہیے۔
- ستاریو : میر و کے ہے جی عمراتے گذار چھوڑی۔ ہفتاست دین منانیں اکن کالیں، پتوںیں ویہ منے گا کنهیں۔ ٹوم لتنی اک منگین گا۔
 چودھری : چھوڑ توں نہ منن آلا کون ہیں۔ میر و فیصلو اٹل وے۔ ٹوم وی اک ادھ بخوا یوں گو۔ باقی کسے کولوں ایک دھیاڑا اور منگ کے کم ٹپالیاں گا۔
- ستاریو : اچھا ٹھیک ہے۔ نا پر پیساں کو کجھ کروں۔ فر کوئی لیر کپڑا کو کراں۔ دانہ پھکا آٹی گل وی اسی طرح ہے۔
- چودھری : توں گھبرانہ یوہ لے روپیو ہزار۔ جا کے خرچ کپڑا کو کجھ کریے۔
 تابجے اگلا اتار توڑی ہم رشتون میر دلیاں۔ ٹوم اک ادھ وی بنوالے تے اس نکانا وی بلا لئے شہروں۔

او جی اُس ناتے بے چھٹی ہوئی آجائے گو۔ اچھا اللہ کے حوالے۔
ستاریو : پر دو گرجائے

اٹھمو سین (ستاریا کو گھر)

گبی آج بار ہے۔ وہ شمس الدین وی آتو وے گونا۔	ستاریو :
ڈھتے آتو وے گو۔ چودھری اتنا دھیاڑا کے کرا تو رہیو ہے۔	گبی :
ہن تم بھی ستویں دھیاڑے آنویں دفتر وں۔	
اجاں تے بیاہ کی گل ہی کے ہے تے ہسیر لگ گئیں۔ بیاہ ہو گیو	ستاریو :
فرتے عمر اتے لگ جائے گی۔	
تم خوشی نج اس طرح کی گل نہ کریا کرو۔ دسوئہ چودھری نے سر	گبی :
چھندیو ہے۔	
ہاں چودھری نے تے سرنا خاصی چھندی ماری تھی ہوں دیکھوں	ستاریو :
تھو۔ وہ نکو آجا تو تے اک ہی بار گل کرنی پیتی۔ میرے تے	
گھڑی گھڑی نہیں مغز کھپائی ہوتی۔	
اندر آوے، ستاریو، آرے بچیا۔	شمس الدین:
گھمائی نہ تیرے وروں۔ آہن تنال ہی یاد کران تھا۔	گبی :
شمس توں پڑھے کتنی ہے۔ لوگ پچھتا رہیں تے ہوں کجھ	ستاریو :
بیرونے نہیں دس سکتو۔	
بابا ہوں تے ہن اٹھویں وچوں فسٹ آیوہاں۔ ما سڑ کہہ تھو	شمس :

سائنس پڑھئے۔ تناڈا کثر بناواں گا۔
 جو کچھ قسمت ماں ہو یوں بھے جائے گو پچھے تکبری نہ کریئے۔
 بابا سلیم کو پتوں نہیں کے حال ہے۔ آ تو کیوں نہیں۔

ستاریو : شمس :

بچوں وہ دُور ہے نا۔ غنی اُس نابل پڑھاوے گو۔ ہم اُس نال کروی
 کے سکاں تھا۔

گی : ہوں کے کہوں تھی واہ بیاہ کی گل کرتانا۔

ستاریو : آخاں واہی گل لگوہاں کرن۔ چودھری نے روپیو ہزار دلو ہے
 جے جا کے خرچ کو کچھ کروتے اک ادھ ٹوم وی۔ بنوالیو۔ باقی
 منگ تگ کے گزارو کر لیاں گا۔

گی : تم باپ، دادا تین میں تگ تگ ہی کے بیاہ کرتا رہیا ہیں۔ میری
 باری وی تم نے ککھ نہیں دی تو۔ تم ناپڑکا کی وصیت تے نہیں؟

ستاریو : بکی جیدے گل نہ کرتیرے واسطے میں جان گاں چھوڑی۔ تیری
 اکھاں اگے لکھ نہیں آ تو۔ یہ لے پیسہ اندر رکھ چھوڑ ہوں کدے
 جلدی شہر جاؤں گو..... کپڑاں واسطے.....

گی : کہہ دی سترنج وردھروں؟

ستاریو : اڑیاکتے دھر چھوڑ نایاہ گل وی میرے کولوں پچھے۔ چودھری
 اُنہاں کے گیو و ہے۔ رشتہ واسطے وہ کہہو تھو لیکے مڑے گو
 محارے دروں ہی نڈھل ہو جائے۔ اچھا جو اللہ کرے۔
 (پر دو گر جائے)

نوموسین (ستاریا کو گھر شادی توں سال بعد)

- گی : (بہوناں) ڈیڑھ سال ہو گیو ہے تیرابیاہ ناتے تنا جاں نہیں عقل آئی۔ ککھ بھن کے دو نہیں کرتی۔ پڑھ گئی دو جماعت ہے۔ لعنت اُس گھڑی ناجس ویلے تیرولٹھیاہ ہو یو تھو۔ انہاں ناوی ہور نہ بھی کائے تیرے بغیر۔
- رضیہ : مناں تے سال ہی ہو یو ہے۔ تمنا نے عمر ساری نہ عقل آئی۔ چودھری نا اللہ دفعہ کرے جہڑو بے کساں نا اس طرح ھجھ جل کرے۔ مج شونق بیاہ کی تے اپنی گیری دے چھوڑ تو نا۔
- ستاریو : (شمہ کے نال اندر آتاں ماں) داں گیں اٹھ کائے چلم دھردے حقہ پر تھک گیواں۔
- گی : تھکلی وی تے ہوں تھارے تیں وی زیادہ ہاں۔ اتنو مال میرے تیں نہیں سامن ہو تو۔
- ستاریو : شکر کر آجاں بھی ہیں۔ چودھری کہہ تھو میرا یہ پھرڑا چوکھرو وی لے جا۔ گھر گی تے واہنگی آپ سامیں گیں۔
- رضیہ : میرے تیں نہیں دھکا اور لگتا۔ چودھری کی اشکات۔
- ستاریو : سکھی ماں ہتھ دھر کے ہائے ہائے۔
- شمہ : کے ہو یو بابا؟
- ستاریو : اے سکھی بچوں اڑک نکلا پنی کرنا یاں اگے لگو ہاں جان کی یاہ

حالت ہے۔ کم کاج وی نہیں ہوتا۔ چودھری وی اہر پوکرتا
رہے۔ (شم سtar یانا منجا پر لموگھل چھوڑے)۔

اُس نال کتنا سال لانا ہیں۔ دوسال تے ہون لگا ہیں۔

شم :

حساب نال تے ہن اک ہی سال ہے خبرے کجھ ہورناہ کرے۔

ستاریو :

آج کہہ تھوگیرا ناسکولوں موڑے تے اتے اپنے نال رکھ جس

ویلے فرتوں کم نہ کرسکیو۔ اُس نا اکلاں چھوڑ دیئے۔ ہے تے نکو

ہے پر دو کے بد لے چار سال لا چھوڑے گو۔

فر ہوں پڑھوں گوکس طرح؟

شم :

پڑھے گو تے سہی۔ ورمیری یاہ حالت ہے تے سوچ لے نا۔

ستاریو :

نہیں بابا! ہوں تھاری یاہ حالت نہیں دیکھ سکو۔ تم کم کر سکتا تے

شم :

ہوں اپے جاؤں گو؟

نہیں بچاچر میرے تین ہو سکیو تاں اکلاں نہیں چھوڑ سوں۔ کی لو

ستاریو :

فردوئے چلاں گا۔ (پر دو گرجائے)

دسموں سین (چودھری کوگھر)

کتنی اک مک گذی ہے رے؟

چودھری :

وہ بڑوڈو گومکلا چھوڑ یو ہے۔

ستاریو :

چارالنگاں نا ازا ر تھو۔ صرف اک ڈو گو گذ یو ہے؟

چودھری :

جہڑو ہو سکے تھو کیو ہے۔ ہنھاں نال اتنوہی کم ہو سکے مھارے

شم :

کوئے کائے مشین تے ہے نہیں۔

توں اجال نکو ہے جیدے گل نہ کریا کر۔

شمس تیں دھیڑی وی روٹی نہیں کھابدی جانا اندر کوئے چپوکھا لے۔

آتاں ستاریا پنی گھٹ (ستاریو گھٹن لگ جائے) اورے شمیا

اجال نہیں جیوتاں۔ باہر آ جلدی۔ (شمس الدین آ کے پنی گھٹے

تے ستاریا نا اٹھاں چھوڑے)۔

اچ ہم گھر جاں گا۔

چودھری :

ستاریو :

چودھری :

خاصاً سیرے گیا ہیں کم ہو تو نہیں تے مژمڑ کے گھر دوڑیں۔

او جی نکی لو آ رہاں گانا۔

شمس :

چودھری :

ستاریو :

اچھا سبیلے آیو تیرے تیں کم نہیں ہو تو اسے گیرا نا چلا یئے نا پیو

سال ہند جیدے لا چھوڑے گو۔ (پروگر جائے)

(ستار کو گھر)

یار ھمو سین

(منجی ول مو پیو وو) ہائے ہائے تاں نکی پانی گھوٹ اک

ستاریو :

دے تاں۔ بکی پتو نہیں کنگا گئی ہے۔

واہ بانڈی ماں ہے چوکھر اں درگئی وی ہے۔ (اٹھ کے پانی دے)

رضیہ :

(پانی پی کے) شمس دین نہیں آیا تنا دھیاڑا ہو گیا ہیں۔

ستاریو :

ہوں ہاں چاچا سلیم۔

سلیم :

آن اگھا تیرے دروں۔ تاں کنی بگی تا بلا۔ رضیہ بلا کے لیا وے۔

ستاریو :

(بگی تال) بگی یوہ پچھائیوں ہے۔ کون ہے یوہ سلیم ہے۔
(سلیم نان) یاہ تیری چاپی ہے۔ تے یاہ تیری بھرجائی۔

اے دیکھو نا اج بکی لو آٹا نے پھینڈ کے ماری تھی تے کاگ وی
بو لے تھو۔

چاچا تم کیوں لماں پیاواہیں تھارو بھو د کھ۔
ہن کے نہیں دھکتو سارو جود د کھ۔ بکھی وچوں اڑک وی نکلتی رہیں۔
ہوں بھلکلیں تم نادوا آن دیوں گوبل ہو جائیں گا انشاء اللہ۔ تے
وہ نہش الدین کت ہے۔

ڈہ انگا چوہدری نان لگو وہ ہے۔
کون چودھری؟ کس نان؟ پڑھتو نہیں وہ۔
ہائے یہی وے ناقسمت کی گل ہوں غریب تھوتے کدے
چودھری کولوں پیسا لیکے آٹو دا نوکر تو رہیو۔ اُس نے سودلا لا کے
ہوں عمر ساری پھسار کھیو۔ فرجس ویلے وے پیسہ نیڑے لگاتے
کہن لگو ز کا کو بیاہ کرا لے خوش دیکھ لے۔ روپوہ ہزار رو دیوں گو۔
دوئے لگا رہیا ہاں۔ تے ہن میری یاہ حالت ہو گئی ہن ڈہ ایکلو
ہی رہہ انگا۔

کتنا سال ہو گیا ہیں۔ سلیم : سلیم
ستاریو : ستاریو
سلیم : سلیم
چاچا کے ہو گیو ہے تم نا۔ کیوں انہاں لوکاں کو لے پھسیں

ویں۔ اپنی جان کی یاہ حالت کی۔ شمس الدین پڑھتو پڑھتو موڑ
کے بیاہ کراچھوڑیو۔ اک دن کی خوشی واسطے ساری عمر بناہ کر
چھڑی۔ ہن دیکھیں لگاواخوشی۔

ستاریو : یاہ گل تے تیر و باپ وی (اللہ جنت نصیب کرے) کرتورہ
وے تھوور کے کراں۔

سلیم : چاچا میرے تیں یوہ کجھ نہیں برداشت ہو تو مناں کجھ کرنو پوئے
گو۔ ہوں شمس الدین نالیاں گو۔

ستاریو : اُس نا کیوں چوہدری آن دے گو۔ اُس نابڑی چال آنویں۔
سلیم : اتنو کجھ ہم وی جانا۔ ہن بچہ تے نہیں۔

ستاریو : اچھا بے کجھ ہو سکے تے کرونا۔ اللہ تم ناہمت دے۔

سلیم : اچھا چاچا ہوں چلیو ہاں۔ (پر دو گرجائے)

بار ھموں سین (سلیم چودھری کے گھر)

سلیم : چودھری صاحب السلام علیکم۔

چودھری : آؤ جی میسوس میں تم پچھانیاں نہیں۔

سلیم : میروناں فاروق ہے، ہوں چودھری فیروز الدین کولڑ کوہاں۔

چودھری : اچھا وہ تے میر و دوست ہے ورتم میں دیکھیا نہیں تھا۔

سلیم : ہوں پڑھن واسطے گیو تھوتے ہن ہوں فارسٹ لگوہاں۔

چودھری : اچھا تے اج کس طرح خیال آگیوانگا آن کو؟

سلیم : انگا افراں تھو گیو وو تے سوچیو مڑتاں ماں چودھری صاحب نان
ملاقات کر جاؤں لالہ ہور گل کریں ہویں تھاری۔

چودھری : بڑو چنگو کیو جی تم نے... (شمیں دھیاڑی کم کر کے مڑے)
کتنواں کم ہو یورے ہور کوئے وی لمھو تھو کہ نہیں۔

شمیں الدین : ہوں اکلوہی تھوتے وہ رکھ کو سارو گھاہ بدھ چھڑیو ہے۔
تین دھیاڑی روٹی تے نہیں کھاہدی وراچر توڑی روٹی پکتی آنا

چودھری : ہنی گھٹ (وہ آجائے تھوڑی دیر بعد) ہن مزماں آلتے پاسے
مڑنا۔

سلیم : نہیں منا عادت ہی نہیں پنی گھٹان کی (شمیں الدین اندر چلیو
جائے) تمبا بڑا نیک دل ہالی لبھا واہیں۔ ہم وی جور کجھ کرتا
رہاں ورپنہیں کیوں نہیں رہتا۔

چودھری : کے دیں ہویں تم؟
سلیم : سال کو دس بارہ سور و پیو۔ تے روٹی وی جہڑی ہم کھاں واہی دیاں۔
چودھری : (ہس کے) یہی تے تم غلطی کریں۔ انہاں نے تابنجے ادھی
روٹی نہ کھاہدی وہے تے بلا لینا کم واسطے... مج سارو کم کر کے
آنویں تاں وی ڈانٹ چھڑنا تاں یا لوک کم کریں۔

سلیم : اچھا..... تے تم پیسہ کتنا اک دیں وہیں۔
چودھری : پیسہ تھا..... پہلاں وھے تھواں کو باپ ستاریو۔ اُس نارو پیو سو
کھڈ دتو فردونی چوئی کر کے ہور سال پھسار کھیو۔ اچر توڑی ہور

کجھ ضرورت پے گئی۔ کم چلتورہ تھو۔ فرجس ویلے ویہ پیسہ ملکن
پر آیا۔ اُس ناکہیونکا کو بیاہ کراتے خوشی دیکھ لے تے روپیو ہزار
دو اسے ماں ۵، ۶ سال تیں یوہ پھسا یو دو ہے۔

سلیم :

چودھری :

تے اس گل کے خلاف تھارے نال گراں کو کوئے نہیں بولتو۔
یہ جھلیلاؤک ہیں انہاں نامویا انہاں گلاں کو پتو لگتے میرے
نال کجھ کرن آلو ہمیو وی کون۔ ہوں گراں کو سردار ہاں۔ لوکاں کا
رشته ناطہ سب میرے ہتھوں طے وھیں۔ میر و فیصلو اٹل وہے۔
اک وہ ستاریا کو بھائی وے تھو خدا بخش میرے پچھے پیور ہے
وے تھوتے اللہ نے لے ہی لیو۔

چودھری صاحب تم کے سوچیں انہاں گلاں کو خدا اگے کے

سلیم :

جواب دیں گا آخرت ماں۔

واہ گل اگے دیکھ لیہاں گا۔

چودھری :

خیر اتنی دور تھاری نظر کئی جائے پر اک گل دسوں تھاری یاہ اس
طرح جمع کی وی ساری دولت تھارے کم آسکے۔ تم آرام نال
زندگی گذاریں گا پر تھارا بچہ بھجل وہیں گاتے ہو سکے۔ خدا اس
طرح کا داھیاڑا لیا وے انہاں نا وی کوئی اسی طرح نوکر
رکھے۔

سلیم :

چھوڑ پر ان توں آجائیں گکو ہے..... (شمس الدین باہر آؤے)

چودھری :

انہاں گلاں ماں ہوں نکونہیں۔ یہ گل کئی بار دیکھ رہیو ہاں۔ تم

سو چتار ہیو تے پھر کدے ملاقات ہوئی تفصیل نال گل کراں گا۔

اس بار ہوں ذرا جلدی ماں ہاں۔

بیسو چاڑوئی کر کے جائیو۔

چودھری :

چاہ کی لوڑنیں تے یوہ لیورو پیسو۔ ہوں شمس دین نانال لیجاوں گو۔

سلیم :

کہیو سور و پیو تے شمس دین نا کنگا لے جائیں گا؟۔

چودھری :

تم کہیں تھانا اس دار سود لالا کے آجائ سورو پیو پچ لگو وو۔ تے

سلیم :

یوہ لیو... چودھری صاحب حیران کیوں ہو گیا۔ ہوں پچھائیوں

نہیں۔ میر و نال سلیم ہے۔ ہوں خدا بخش کوڑا کوہاں۔ جہڑا و بچپن

ماں ہی چاچا غنی نان پڑھن واسطے گیو تھوتے یوہ میر و بھائی ہے

جہڑا قم نے نو کرلا یو وو ہے۔

(چودھری حیران ہو کے تعجب نال دیکھے)۔

سلیم :

(جاری) نہ چودھری صاحب گھبراں کی لوڑنیں، چاچا ستاریا کی

واہ حالت تے اس کی وی زندگی خراب، یہ جہڑی تیں دوزندگی

تباه کی ہیں۔ انهاں کو حساب اللہ آپ لئے گو۔ خبرے ہو رکنا ظلم

کیا ہویں گا غریباں پر۔

(چودھری کا ہتھ پھول سور و پیوڑھ جائے)

سلیم شمس الدین ناگل لائے..... تے پر دو گرجائے

د - درد

بہادر نے بڑا چانال بڑی رنجھاتے ارماناں نال مدتاں کی تلاش توں بعد
 چن کے کالی تے کندھی اور امر سری لوگی مھیں آئی تھی۔ گل صرف چاہ میلی کرن کی
 ہوئی تاں بہتیری لجھ جائیں آں۔ ور بہادر جس شوقی جنوں جہڑا پنی مچھاں تے طرانا
 ذرا اوی ڈنگاں نہیں تھو ہون دے۔ اُس نادودھ مکھن، ترزا کا کلیڑی تے پکھی کی گھونٹ
 تیں زیادہ شوق قدبت تے سنگاں کی تھی جہڑی خدا نے پوری وی کر چھڑی۔ پر عرشی
 نایوہ سارو کچھ ہوتاں وی اک ارمان تھو۔ بس اک ہی ارمان..... کدے کوئے کھان
 آلو وی ہو تو گھر ماں کے کا نکا نکا ہتھ اُس کا گانا کی چوفیری ہوتا۔ اُس نالی بنا تاں
 ماں ضد کر کے اُرماں موڑ تو ”اماں“۔ جی دودھی دیہہتے ہوں جان وی قربان
 کرتی۔ یوہ غم بہادر ناوی اندر و اندری گھن ہاروں کھا گیو تھو۔ روہ جنوں نے روز دنیانا
 منہ دسن تو غم ناباندے کس راہ آن دتیو۔ اُس کا وی تے چار سجن دشمن تھا۔ شریک تھا۔
 آخر اللہ نے وہ دن بھی آئیو جد اُس کی لوگی سوئی، اُسی کٹی تھی ہو بہو، متھے نکو
 جھیو چن، چارے کھر چٹا تے پوچھڑی وی تھوڑی چٹی۔ دُودھ مکھن کوتے پہلاں وی
 کھڑو گھاٹو تھوا سے گلوں پہلاں توں لیکے ترے تھن کٹی نا چساتا رہیا تے اک میں
 کے بس نوؤں کرن واسطے بوہلی تے ہبلوں بنالیا۔ اینویں شوق واسطے۔

گھروں کھاتو پیتو، ہستو کھیڈ تو دنیا ناتے کدکوئے چکلو گلو۔ خبرے قدرت
وی نہیں دیکھ سکھا ہتی۔ کسے کی اکھاں نے کھاہدی یا اپنی سڑی وی قسمت نے دسویں
دھیاڑے لوگی نارات ٹاکوں ہو یو تے سیلے توڑی وی تاتا ٹھنڈا کی مہلت نہ دتی
موت نے۔ سارا آندھی گواہنڈی سُنگی، سانچھی گردی مردا آیا افسوس کرن۔ دلیری دین
ہمدردی جتان واہی گل جس تین بہادرنا شروع تین نفرت تھی۔ کسے نا آج توڑی
اُس نے ہمدردی جتان کو موقوٰ نہیں دلو تھو۔

اُن اُتھروں نا اندر ہیرا ماں چھپا کے اُس نے رات کڈھی تے دوجے
دھیڑے جا کے پنج ہزار نال ہور مھیں لے آیو، کھار کی تے اُسی شوق کی۔ صرف کئی
واسطے ہو کے اُس کھال کی واہ کئی وی اُس ناج پیاری تھی۔ پڑھی میٹے اُسی کد جڑی۔
پہلاں تے مھیں نے جھلی نہیں۔ پھر چوتھے دھیڑے ایک تھن چسان لگا۔ دھیڑا تین
دھیڑے کئی سکتی گئی۔ اُج توڑی اُس نے پنج دکھ بھوگیا تھا۔ پر کئی جس دھیڑے مرجئی
اُس دِن عرشی تے شاید اپنا معصوم اشرف نایاد کر کے روئے تھی۔ جہڑو ماں کہن تین
پہلاں ہی رُنگیو تھو۔ پر بہادر کی بنائی وی دریا کی ساری بندھ وی اُج رُنگی تھی۔ خدا
جانے کے سوچ کے، کے یاد کر کے !.....!

* *

سچی خاب

تیگی تکلیف تے شاید زندگی کی نشانی ہیں۔ پرمیریا پر کجھ زیادہ ہی مہربان تھیں کائے رات نہ گذری۔ جد اُس نا بیلا پر نیندا آگئی ہوئے۔ چرٹک سوچن تو فکر کرنو جس طرح اُس کا نصیباں ماں ہمیشہ واسطے تھوساراں کا حصہ کو۔ اُس نے مجھ واری دل نال صلاح کی تھی۔ بے ہوں کدے یہ سارا ذکھ پنڈوکلی بخ کے دریا ماں سٹ آؤں گو۔ بھانویں مناں وی چھال مارنی پے جائے۔

پرفراں نا لکا ہوتاں کی سنی وی اک بزرگ کی یاہ گلی یاد آجائے تھی کدے وی غماں کو حساب نہیں کرن لوڑ تو۔ غم انسان نا اتنوں نہیں تھا کاتا جتنو غماں کو حساب لہو سکا چھڑے۔

آج وہ خوش تھوکہ میری زندگی ماں وہ دن آ گیو جس کی مٹا مدتاں توں اڈیک تھی۔ اُس نے اک اک گٹھاں وچوں چن چن کے غماں کی پنڈوکلی بنالیں۔ چون آلا کوٹھا کو غم جس کی گند کسے وی بیلے ہوا کارستہ وچوں ہٹن واسطے تیار تھیں۔ دوہاں نکاں تے بدھی کوتن ڈھکن واسطے کپڑاں کو غم۔ بھادر کو موسم تے آٹا کی بگ دتی۔ شاہ کا ادھار اپیساں کو تے محیں کا بڑا اڈھ بھرن کو غم، تے ہور وی مجھ سارا غم۔ اُس نے سارا بکھ بکھ بخ کے اک تر گڑی ماں اکٹھا کر لیا۔ تے فرمجی کے

سرہانے دھر کے پایا نال میں کے چان لگو، تابجے آج یہ سارا غم دریا بڑھو جائیں۔
 جنواں پر ہتھ دھر کے اٹھن لگو پر صاف سکھڑ ہون تیں پہلاں ہی اُس نا خیال آیونہ
 وہ ہے تے واہ آخری چوڑوی لے آؤں۔ جہڑی مدتاں توں سماں کے رکھی تے اُس نا
 سماں کے رکھن کوغم وی تے گھٹ نہیں تھو۔ فراؤں نے یاداں کی پنڈوکلی وی تر نگزی
 ماں گھل ہی لی تابجے ہمیشہ واسطے سروں لاد آوے۔

پڑوہ جد بھار چاکے دوھری بار اٹھن لگوتے نہ اٹھ سکیو۔ اُس نا اس طرح
 محسوس ہو یو جے وہ ڈھنپیو تے اُس کو ایک پاسو مارے گیو۔
 جدو ہو یاں ماں اُس کی اکھیں تاں سجا پاسا کا فانج نے وہ سچیں آج
 اٹھن نہ دتو۔.....!

.....

آخری جھلکارو

اپنی اولاد کی کس ناخوشی نہیں ہوتی وہ امیر ہوئے یا غریب سارا اپنا نکاں
واسطے اکوجہیا سوہنا خواب دیکھیں۔ پورا بھانویں قسمتاں نان ہی ہوئیں۔ پردیکھن
ماں کے حرج ہے۔ کالیہ کو اس گل وریقین نہیں تھو۔ وہ کہہ تھو ہوں بھانویں مجروری
کرن آلوآدمی ہاں پر ہوں اپنی ادموئی چند پر ہور چار تکلیف سہہ کے اپنا لعل نا سچیں
لعل بناؤں گو۔ تے مشکلاں کا لکھہ ہمت کا دریا اگے کدکھلیا ہیں۔ اُس نے پہلاں
توں لیکے ہی لعل نا افسر بناں کی نیت نان شروع کی۔ صرف سینو کیو۔ بھڑی مجروری کی۔
ماں نے لوکاں کو سوت کت کے لعل کی پڑھائی ماں کوئی فرق نہ چھوڑیو۔ تیس تے
خدا نے آج یوہ دن وی دسیو کہ لعل کی شہروں بھیجی وی تاراج کالیہ کا ہتھ ماں تھی۔
سکول کا ماسٹر نے پی پڑھ کے کہیو تھو۔ تیر و لعل افسر بن گیو ہے۔ آج شہروں مڑکے
آوے گو شام توڑی اڈیک رکھیو۔ تے یاہ گل سن کے ماں باپ کو دل ہی جانے کتنی
خوشی وے۔

کالیوروٹی بیلے ہی گھروں ٹرگیو تے سڑک کے دندے ہر آتی جاتی گذی نا
دیکھن لگو۔ کہڑے ویلے لعل پیو نچے ہن شام ہون آلی تھی پر کالیہ واسطے نہیں۔
اُس نا آج اپنی خواب سچی ہوتی دسیں تھیں اچانک اچر کوئے اک گذی وچوں اُتریو

تے کالیو دوڑ کے نیڑے پہنچ گیو۔ وہ سچیں اُسے کوعل تھونے چکو چھٹ وہ گل نال لا رکھیو تے فرزوریں اُس کو سامان لیکے اپنا موٹھا پر رکھ لیو۔ نہیں پچھے یوہ دوسری بھار ہے اس نا ہوں کے منوں آج میرے ماں اتنی ہمت آگئی ہے جے بھارا توں بھارو بھاروی چالیوں وے بلینیں ڈھکی چڑھن لگ گیا۔ پر بدل جھڑ و آج چار دن توں چڑھے تے فرٹل جائے تھوکعن ہی لگ گیو، تے فرد کیہد لکھتاں اتنا ندھیر و گبار ہو گیو جے راہ وی بھنوں مشکل ہو گیو۔

پر اللہ کی کرنی بدل کو چکار شرو ہو گیو۔ جس ویلے بدل پچکے ویہہ دو قدم بھر لیں۔ فر کھلا ہو جائیں۔ کالیہ نا اس طرح لگے تھو جس طرح یوہ سفرانج کو نہیں بلکہ اس کی ساری زندگی کو وے۔ ہر دو قدم پر بدل چمکتو رہیو تے وے بلینیں بلینیں گھر کے نیڑے آگا۔

ہر چکار پر کالیہ کا منہ تیں نکلے تھو۔ ”اللہ تیرے وروں صدقے، بس اکوار ہو رچکے آ۔“ چندے آئی کسی کے پار لے پاسے پہنچ کے کالیہ نے کہیو۔ عل چپ کر کے اُس کے نال کھلو تھوتے تے فر سچیں چمکیو تے اس بار کی لاث وی پہلاں توں زیادہ تھی۔ پر چھٹ توڑی کالیوا کلواد و دھ موڑ جھیو چندے کی کند نال پیو و لوکاں نے دیکھیو۔ !!.....*

کالوجادو

وقت کے نال عمر کو ایک ایک دانو موتی کا دانا نالوں کرتے گیو تے اج سارو کچھ
گیو۔ سب کچھ ویہ یادوی جہاں ناہمیشہ سینہ نال لائے رکھن کی میں کئی وار قسم کھاہدی۔
ہن لہاں تھیاں تھیاں تے بڑی رتھاں نال سماں والی یاداں کو وی بس اتیر جیہو دے پر
پتوں میں کیوں اک گل آجال توڑی شاید کیسے گٹھ ماں کورنکوری دھری وی ہے۔

منا یاد ہے جد محار اسکول ماں اکوارڈی سی آیو ٹھو جلو سو کرن واسطے ہور تے
کچھ یاد نہیں پرمیں مڑ کے حاجی چاچو مجھ تک کیو تھو۔ یہ ڈی سی کس طرح بنیں۔
انہاں کو لے اتنا پیسہ کتوں آنوں یا پنی گذی ورہور کے ناکیوں نہیں بیس دیتا۔ تے
انہاں نا دیکھ کے سارا لوک کیوں کھلا ہو جائیں۔

اتنا سارا سوال کر کے منا لیقین ٹھو حاجی چاچو جواب نہیں دے سکسیں۔ وہ
سچھ کچھ نہ دے تے منا اس طرح لگو جے وہ اس ویلے منا ٹال تو ہوئے میں ضد بھ
لئی اج پتو لا کے چھوڑوں گو۔ آخر تنگ آکے اُس نے کہیو بڑا افسرو ہی بنیں جہاں
کو لے اللہ دین کو چرا غ ہے۔

وہ اپنے دروں اک ہی جواب دے کے جان چھڑ کاوے تھو۔ پروہ ہور الجھا
ماں پھس گیو ہن سوال یوہ ہو گیو تھو جے الہ دین کو چرا غ کے ہووے کس طرح کو

ہوئے۔ مجھ گھوچ کر کر کے آخر اس نے اتنی گل دسی جے اُس کی شکل تے مناں وی
سہی نہیں پر کہیں یوہ کوہ قاف کا پہاڑ اس بچوں کے کسے کے ہتھ آتھ رہیو ہے۔ اُس نا
گھواوہاں مال جن حاضر ہو جائے۔ تے فراؤں کلوں جو منگو لبھ جائے۔ چھٹ اک
ہوں چھپ رہیو۔ پر یاہ گل سمجھ مال نہ آئی جے چراغ اک ہی وے تے فرائنا لوکاں
کے ہتھ نہیں تھوا سکے۔ ضرور کوئے راز ہوئے گو جدیاہ گل میں چاچانا پچھی تاں وہ وی
خاصی دیر یو چوتور ہیو تے فر کہن لگوہاں یاہ توں سچ کہہ وہ چراغ ہی کوئی ہو روے گو۔
یاہ گل خورے کس طرح میرے پلے پے گئی تے فراؤں ڈھیاڑے توں
لیکے میں کتاباں مال تلاش شروع کر دتی۔ آخر علم ہے کدے تے وے گولھیو وو یوہ
الی دین کو چراغ کے وے کس طرح کو دیے کتوں لمحے کس طرح استعمال کریں۔ تے
کے کے فائدہ ہویں اس کا ہوں۔ پڑھتو رہیو۔ پڑھتو رہیو۔ کجھ یاد نہیں۔ چراغ
لوڑتاں لوڑتاں کتنا اشتمان وی پاس کر لیا۔ پر ہوں اُسے پاسے لگو رہیو۔ لاہبری ریاں
کی کتاب چھان ماری۔ ڈکشنری توں لیکے سائنس کی کتاباں توڑی۔ مدے اشاراں
مال کجھ اتوپتو ہوئے لکھیو وو۔ کجھ سمجھنا آئی۔

ہن منا پاسوں چنگی چنگی نوکری وی لبن لگ گئی۔ کدے تحصیلدار کی۔
کدے نجح کی تے کدے کجھ ہو را چا عہدہ بڑا بڑا افسروی آبیں کرن لگ گیا پر ہوں
سارا کئیں ناچھوڑ چھاڑ کے ما سڑ بن گیو۔ تابجے سچ سارا شا کرداں سمیت اپنی تلاش
جاری رکھوں۔ ہوں جیران ہو گیو کہ ہن وی سارا لوک برابر میری عزت کریں تھا۔
فرائیک دین میں خواب مال دیکھیو کہ میرا ہتھ مال اک بڑو سارو چراغ ہے
تے سکولیاں کا اُس نا لوں اپنا اپنادیو باالتاتے ٹرتا جائیں۔.....!!

کباری

مٹی کی بُنیٰ وی نگی جھی تھلی پر سر دھر کے تھی باہی ستاں اجاں چھپت ایک ہو یو
تحو۔ بے دو کوئی اڑ راوی شکل آلامیرے کو لے آن کھلیا۔ مٹاں پورا یقین ہے جے
میری ہنار انھاں تیں خاصی بل تھی۔ ان اوپراں چوپراں نادیکھ کے حیران نہیں تھو
ہوں..... بے وہ چپ، ہی رہیا ہوتا خبرے اس گلوں بے میں بھی دنیاں مابان بائیاں
کا لوگ دیکھیا تھا۔ کجھ جہڑا اسکا ہو کے وی اوپر الگتار ہیاتے کجھ سست پیرایا وی پل
پل دل مابستار ہیا ہاں مٹاں اس طرح محسوس ہو یو ہے۔ وہ مٹاں دیکھ کے شائد
دلیلاں مانپے گیا تھا۔ جس طرح ہوں ڈہ نہ ہوں جس کا بھلاوا پر وہ ات پھیکھا تھا۔
خبرے کسی تقیش کی نیت ناں۔

نیں ایک.... اک دوجا دراکھاں ناں گھر اشارہ کر کے تے دوئے اریڑے ہو
آیا۔ میرے در انگلی ناں انھن کو اشارو کیو تے میرے کولوں پنج ست سوال
کھو ہر تین پچھیا۔ جن کو جواب میں اسے رادے چھوڑ یو۔ جس طرح ہوں چو تھی
ما پانجا کو پھاڑ و سناؤں ہوں اک پانجا پانجا دو پانجا دس ترے پانچے پندرہ..... یہ ہور
ہی حیران ہو کے کو کسے در دیکھن لگ گیا۔

اسے را ہوں وی حیران ہو یو تھو۔ جد پر چی پر اپنوناں پڑھیو تھو۔ ہزاراں لوگ

اکٹھا قبر کدے کی تیار.....کفن چوڑا کر کے دھریو وہ۔ جنازہ واسطے صف سدھی کریں
تے ہولی جھی مخی اگے دھری وی۔ جنازہ کا آن ماہور کائے دیر نہیں تھی۔
صرف یوہ اجات فیصلوں نہیں تھوہ سکیو جے آخراں بستی مافساد، ہر پاسے نخوست، بے
برکت، نفسوں تے بے ایمانی کس کے پیروں ہے۔ تے بستی کا وہ پنج سر کردہ اسے
مسئلہ پر بڑی دیر توں سوچ بچار مالگا واقع۔

بستی ماکون کے کرے تھو؟ کس کا کرتوت کس طرح کا تھا؟ میرے ہاروں کجھ
ہوروی جانیں تھاتے ہو سکے کدے ٹوکیاوی ہویں۔ پرمٹاں کدے کدے جان
کے ایاں بن جان مالطف آوے۔ مناں نہیں یاد میں خواہ خواہ کسے کو دل دکھایو ہوئے
ہاں اک قصور میرا تیں ضرور ہو یو ہے۔ اکوار میں وہ قافلو دھونگہ چھوڑ یو۔ جس نا
مدتاں توں خواب مانھ ٹرن کی عادت ہو گئی تھی۔ باقی ہوں ہمیشہ حکتو تے لاجی کرتو
رہیو اس اکماں تیں وی جھاں ماہور کدے کے پے جائیں تھا۔

پیشی چھوٹی ہوئے تھی سر کرداں کو فیصلوں اک چٹ پر لکھیو وہ آ گیو۔ اُن ساریاں
براپیاں کی جڑ ہوں تے ساراں مسلاں کو حل میرے کلوں خلاصی.....تے ہوں
چپ کر کے اس کنگی جھی مخی پر لٹو پے رہیو۔ اس توں بعد مدت توڑی مناں کوئے
خواب خیال نہیں کے ہو یو۔

اُن اوپرالاں کوپیاں نامڑ کے گیاں کجھ ہی منٹ گذریا ہوئیں گا تے ایک
سفید پوش ہور آ کھلیو۔ چھٹ اک موڑ بنا کے کھلور یو۔ جس طرح کدے کدے
ہوں دنیا ما کسے نان بنالیوں ہوں۔

تے فر کہن لگو!! توں ہنے ات کس نے چلا یو؟

تیر کوئے کم وی ویلا درنہیں ہو یو، ہمیشہ کباری ہوئی۔ کوئے کم اگے تے کوئے
ٹینوں لکھنخ کے.....

ہوں اس ناکہن لگو تھو۔ پر نہ کہہ سکیو اس نے اک حکم ناموں کھولیوتے نہیں
اک نظر مار کے کہیو، توں اسے ویلے واپس چلے جاتے فٹافٹ انھاں پنجاں نا را اس
چلا۔ اپوں یوہ ہی حکم ہے۔

* *

پرائی پیٹر

نکا ہوتاں قصیاں بختاں نے تے پچھے وکیل چاچا نے نہ دبایو ہوتاں
 ہوں آج ضرور بڑوافسر ہتو۔ پارجا کے تے بڑی شوق پئی وربیلو بک گیو تھو، ہن تے
 بس تی ریت ماں دھیری ساری سر یو ڈھونو ہی میر و مقدر بن گیو تھو۔ نکا ہوتاں توں
 لیکے سوچن کی مناعادت تھی۔ آج وی سوچوں مدتاں توڑی الکوئیں کے سوچ تو رہیوں
 دل کا درداں توں لیکے خلیج کا بحران توڑی۔ امن وہے گویا نہیں۔ دنیا تباہ نہ
 ہو جائے۔ خیر مناں کے ہے۔ یاہ دنیا۔ یاہ ظالم دنیا چہڑی حقدار نا اُس کا حق نہ دے
 سکنے دوا سکے۔ میرے داروں کل بتاہ ہوتی آج ہی ہو جائے تے آج ہوتی ہن ہی۔
 میرا کہڑا انکاروں میں۔ ہاں سال کھنڈ ہو رکویت مانحر رہتے اک ادھ بیاہ وکیل چاچو
 ہو رکرا چھوڑے آ۔

میں وکیل چاچا کو تعارف ہی نہیں شاید کرایو۔ میر و سکو چاچو ہے تے گل
 کرن داروں نہیں تھیں وکیل ہے۔ پہلاں ڈیڑھ سال جموں فرشہرتے اجکل اپنی
 تحصیل ماں وکالت کرے خاصی زمین ہتھ ماں کر لی ہیں لوکاں کو لوں۔ میری تے
 چھڑی چار کنال تھی چہڑی بابا کا مرتاں ہی اُس نے دبائی تھی پوری سماں تے نہیں
 ور شاید تستیاں تیں اُس کے اگاں مجوزی کرن آلاں نال ہندوستان گیو تھوتے پھرتاں

پھرتاں اک کمپنی نال کویت..

ہوں گل کروں تھوا پنا بیاہ کی کویت وچوں اتنا سالاں ماں صرف چار بار گھر آیوہاں۔ دو بار چاچا نے بیاہ کرایو تے دو بار کاغذ۔ یہ دو اس گیری تیں علاوہ ہیں جہڑی نکا ہوتاں بابا نے رکھائی تے مانے چھتر کائی تھی۔ بابو تے ٹریگیو۔ اماں کی اکھدو سال منا اڈیک اڈیک کے اسی چٹی ہوئیں کہ مناں لوڑتی لوڑتی واہ آپ کدے دور گم ہو گئی۔ ہن گراں ماں میر و جائز وارث صرف چاچورہ گیو تھو۔ میری چٹھی تے پیسا وصول کرن واسطے جی یوہی چاچو جہڑا واجکل وکیل چاچو ہے۔ پہلاں تے بیاہ کا خرچہ واسطے پیسا منگا تو رہے تے دو جے پھیرے اچ ہوں آ تو گل طلاق توڑی ہو گئی وی وہے تھی۔

”بسن جو گی ہے ہی نہیں۔ زبان دراز، بڑاں نال وی اجھیں بولے“۔ یوہ وہے تھو چاچا کو بہانو، دوئے باریاہی گل ہوئی تے ہوں اپنی قسمت سڑی وی سمجھ کے چپ ہو جاتو رہیو پر جد کاں ہوں پاروں مڑ کے آیوہاں۔ مڑیو نہیں موڑیوہاں۔ اک چیز میں دیکھی ہے جے چاچی جہڑی قینچی ہاروں زبان چلاوے۔ چاچا نا جیبوں کپڑے تے گھر مان سروں نہیں وکالت کرن دیتی آج وی ٹھاٹھ نال بے رسم۔ مدت کاں سوچوں چاچا نے اُس ناچھوڑن کو فیصلو کدے نہیں کیو۔ آج وی راہ ٹرتاں شاید یاہی سوچوں تھو۔

.....

پیامن کی آس

ہاں شاید توں سچ کہہ تھی جاں وی آدمی اُٹھے اپنے گھروں تے آج منا
یقین ہو تو جائے جس طرح توں ہمیشہ سچ کہتی رہی۔ توں سیانی تھی نا۔ سچ سیانی تین
اپنے واسطے سوکھو سکلو ڈیو تے منا اسا بیابان ماں چھوڑ گئی کہ صدیاں تک تیراقدماں
کو نشان نہ لھئے۔ تے کدے ہوں کوشش وی کروں تے پچھاں مژ کے جان کی وی
کائے صورت نہیں دستی۔ شاید یا ہی زندگی ہے۔

تنا تے خبرے بھلی کی لاث ماں وہ سب کجھ بھل گیو جس ناکدے توں اپنو
سب توں قیمتی سرما یو سمجھے تھی۔ ویہ خواباں ماں جیں کا دن خیالاں ماں مدتاں توڑی
ڈبیاں رہنوا۔ رات رات تارا گنا تے چر تک بیٹھاں رہنوکی ٹھکیں گل کرن واسطے دنیا
کی ہرا ک شستے ہوتاں ساتاں انھاں گلاں بچوں لھئے وی ہے ہے۔ ویہ دن یاد کر جد
تیں میرا مونڈھا پر سر دھر کے چر تک سوچ سوچ کے تاراں کے بشکاروں لوڑا ڈیو کے
میری مشکلاں کو ایک حل کڈھ کے آئیو تھو۔ کتنی ریجھاں نال تے اکھاں ماں کتنا
خواب سجا کے تیں کہیو تھو۔ کدے توں اتنی تعلیم حاصل کر کے افسر بن جائے بڑوا
افسر تا نجے سارا لوک عزت کریں..... تے سب کجھ اپنو ہوئے۔ فرم نا کسے چیز
کی کمی نہیں ہو سیں۔ ہم وی خوشحال ہو جاں گا۔ ہر پاسے خوشی ہویں گی۔ منا کتنی
مشکل تے الجھن تھیں اُس دیلے مگر منا تیرا دل ماں بسیں ویں ریجھ تے آس وی

صف دیں تھیں تے آخر میں تیری اکھاں ماں ڈب کے تیرا سجا ہتھ کی لکیراں ناچم
کے یوہ فیصلو کر لیو ہوں ضرور پڑھوں گو۔ بڑی توں بڑی ڈگری لین واسطے تابجے
ہوں تیرا خواباں کی تعبیر بن سکوں۔ ہوں تلگی برداشت کر کے تیرا خواباں نامکمل کرن
واسطے اس پاسے لگ پیو سب کجھ پر ہیز کے تے کھیاں سالاں کی محنت توں بعد منا
وہ سب حاصل ہو گیو جس نا ہوں سچی تعبیر کہہ سکوں۔ اچو عہد و عزت دولت تے
ضرورت کی ہر چیز پر اگر نہ لبھ کی تے صرف توں جس واسطے سارو کجھ حاصل
کیو تھو۔ ہوں اس نا اپنی کامیابی کہوں یانا کامی کجھ سمجھماں نہیں آتو۔

تاتے کے چیز کی لائچ نہیں تھی نا توں صرف میرے بغیر نہیں رہ سکتے تھی فر
یوہ کسے ہو وکہ توں منا اڈا یک وی نہ سکی توں منابلیں بلیں ٹران تے قدم پھوک پھوک
کے دھرن کو کہتاں کہتاں آپ اتنی تیر ہو گئی کہ دور دور تک تیر و نشان وی نہیں لمحتو۔

آدیکھ جس موڑ پر کھل کے توں ایک نیس وی میرا انتظار نہ کر سکی ہوں
صد یاں توں اتے کھلواج تک تنا اڈیکوں۔ ایسوں کہو میں خبرے کیوں۔ حالاں
ہوں چکلی طرح سمجھوں توں کدے نہیں مُڑ کے آسیں۔ فروی شاید کدے۔

کدے ہو سکے اک بارتے آ..... مدتاں توں سنگ ٹران آلاں نا کو پینڈا کا
مسافران نا کدے مجبورا کنی ہونو پے جائے تے انہاں نا اتو حق تے ہونو چاہئے کہ ویہ
چھٹ کھل کے اپنا ادھورا خواباں پر دوا تھروں کیر سکیں اپنا اپنا ویہ وعدہ تے بٹا سکیں جہڑا
کدے بڑاں ارمائن اتے رجھاں نال کیا تھا۔۔۔۔۔ یہ رجھاں کا پینڈا تے خواباں کی
سوہائی مرگاں توں لگھ کے منزلاء تک کدے میچا نہ پھیں گا پر اس لماں تے پتا سفر
ماں کدے کسے گھومنھر ابوٹا کی رجھاں نصیب ہو جائے تے نیں بیں لین ماں کے حرج
ہے۔۔۔۔۔ تے فراپنا رجھاں کا لگا وابوٹا کی رجھاں تے کسے کسے ناصیب ہوئے۔

کوسا اتھروں

کدے کدے ہوں آلا گرداہ کا در دنا چھوڑ کے منشی جوان جنو تھو، چل گو جان
آلو۔ لیتری گھاء کپن کی ہوئے یادھائیں لان کی، کسے کی لادی ہوئے یاسترنخ آنی
ہوئیں، منشی ہمیشائ مولہ رے ہوئے تھو۔ پرایا کم ناوی اپنے سمجھ کے کرن آلا اس
صدی ماں گھٹ ہی لمبیں پر جہڑا ہیں انکی وی کوئے قدر نہیں کرتو۔ بس مشین سمجھ کے
جو انہیں تے بیکار کر کے پاسے سٹ چھوڑ یو۔

ہوں کہانی سناؤں تھو نشی کی۔ دینہہ رات اک کر کے وی بچارہ کی کدے
پوری نہ پئی۔ پتو نہیں قسمت ہی سڑی وی تھی یا کے، نہیں تے اس راہ کو ایماندار جنو
جس نے کدے کے کو کچھ نہیں گما یو، کسے نال کدے تیلو وی نہیں لا یو، ساراں نال
جی کر کے بلوںو، ہوں تے سوچوں اس شخص نال زندگی نے اس سلوک نہیں کر نو تھو۔ کئی
سال مقدم نال جنوں رہن تے ہر سیال پنجاب کی مجری تیں بعد وی اسکو قرضو
کدے نہ مک سکیو۔ کدے ہیاں کو سودونہ پور وہو یو تے گل سنی پے گئی۔ عبداللہ کا
دانداں کی سم نہ مکنی تے اس نے ادھی مک بندلئی۔ نکاں کو ناں رکھ کے گھر آلی نے
ضد نال جہڑی لمبیں خرید لئی تھی اس کو قرضو بکھتے بجاج کی موئی موئی گاں کنی۔
نکاں کی انکی انکی اڑیاں نا چھوڑ کے، جہڑی تھی لمبیں تے ماں باپ واسطے سب توں
بڑو قرضو ہو ویں۔

مُنشی نے شائد اس گلوں کجھ نہیں کیوں جب کچھ کرن جگو تھو ہی نہیں۔ بس ہر دیے چپ چپ تے نہوں جہاں، اپنی سوچاں مال ڈیور ہنو، ہرو دیے یا ہی دعا کرنی جے اللہ کے ناقر ضم کے تھلے نہ لاوے بھاویں قبر ماں لاد چھوڑے۔ پر ایسوں کٹک تیں پچھے وہ خوش لگتھو بلکن بھادر اتیں چچھاں ہوشیار لگن لگ پیو تھو، خبرے، اس سیال پنجاب کے بد لے دلی جان کی گل سوچ کے یا ہور کے گلوں اس ماں ہمت آگئی تھی۔

چار پنج جناب کی جٹ بنا کے ویہہ اس سال وی اگاں چلے گیا تھا پر باقی آلاں تیں پہلاں ہی اجھاں ما نہہ کی چار شوڑھی باقی تھیں جے مُنشی مر آیو، چکو بھلو خوش خوشان۔ ہنار آوے تھی اس سال دلی کو سیال بل ہی لگو ہے۔ آتاں ہی ساراں کا پیسا مکایا، شاہ کا، عبد اللہ کا دانداں آلا، تے اس مہیں کی قیمت وی، جہڑی گھر آلی نے نا گا ناڑی تیں اس تیں پچھو کندیپیں ہی لئی تھی تے اپنی ڈب مانحہ ہی کام جھو ہو کے مرگئی تھی۔ پر پیساتے دینا ہی تھا، اک بار زبان نال میاوا۔ تے سارو کجھ دے دوا کے مُنشی نے اس سال گھر آلی تے دوہاں نکاں کو قرضووی چکا چھوڑ یو تھو، اپنی اپنی شونق کا کپڑا تے بُوٹ دے کے۔

پر گھروں کھاتو کد کے نادیکھ سواوے! قسمت نایاہ گل وی چنگ نہ گی تے اس نا مقدم ابراہیم کے آری جھلکتاں ماں گرداہ کو جہڑو درد جا گیو وہ اس نال ہی لے گیو۔ مُنشی رات ساری گردہ کا درد نال پلڈ تور ہیوتے سویرے ستو ہی رہیو، جاگ وی نہ سکیو۔ یاہ گل تے پرسوں نال کاں نے دلی تیں مُرد کے دسی جے مُنشی اس سال اپنو اک گردو دلی کا کسے سیٹھ نانچ کے پیسا لے آیو تھو جس کا اپنا دوئے گرداہ فیل ہو گیا تھا۔ تے ہُن ایک بیمار گردہ کے سہارے مُنشی اپنو قرضو تے پریشانی مکاتاں جان تیں وی مُنک گیو تھو.....!

وفادار

☆ غیاث پتیرونی (اٹلی) ☆

ترجمہ: ڈاکٹر رفیق انجم~

زبی کی خوبصورتی کا چرچا پورا شہر ماں ہوئیں تھا۔ صرف خوبصورت ہی نہیں، واہ بے حد صاف دل، سچی سچی نتے نیک تھی۔ مرداں کی تے گل ہی جان دیو، کالسر یاں ناوی اس نا اک نظر دیکھن کی شوق رہے تھی۔ کتنا ہی گبر و بیہہ بہانا کر کے اسکا گھر کے نیڑے تیڑے تیں لکھن کی کوشش کریں تھا، تا بخ اک نظر اسکو دیدار کر سکیں۔

ذُنیا کد کسے نادیکھ سوا ہوے۔ خورے کس کی اکھاں نے کھاہ دوتے چان چک اسکو گھر آلوفت ہو گیو۔ زبی نا ہوش حواس ہی مکمل گیا۔ اُس نے اپنا کپڑا پھیرا تے بال وی پٹ سٹیاتے پٹ پٹ کے اپنوہ و حال کر لیو۔ گھر کی ہر چیز توڑ پھوڑ چھوڑی۔ اس نا ہن جینو بیکار سئی ہوئے تھو۔ جد اسکا گھر آلا نا مقبرہ کے اندر دفنان واسطے لے گیا تاں واہ لاش کے نال چھڑ گئی تے مقبرہ و چوں باہر نکلن تیں صاف کند بھار ہو گئی۔ زبی نے اسے شخص کے سنگ مرجان کو فصلو کر لیو جس کے سہارے واہ اج توڑی زندہ تھی۔ گواہنڈھیاں تے رشتہ داراں نے اس نا لکھ سمجھان کی کوشش کی پر بیکار۔ اس نے کسے کی اک نہ سُنی تے مقبرہ کے اندر ہی رہن کی چھی بخہ لئی۔ واہ رو رو کے نستہ ہو گئی تھی، فروی لکھنکھی تسانی اسے طرح لاش کے نال چھڑ گئی رہی۔ دو ترے دھیاڑ اسراں نے کوشش کی جے اس نا سمجھا کے گھر واپس لے جائیں پر آخر بے بس ہو کے سارا امڑ گیا۔ اسکی یاہ حالت دیکھ کے اسکی باندی نے وی اسے کے

سنگ مقبرہ کے اندر رہن کو فیصلو کر لیو۔ اسے طرح بھکھاں تساں پنج دھیرا گذر گیا۔ اسکی باندی وی بھکھی بھانی اسکے نال بیٹھی وی تھی۔ لوکاں نا اسکی وفاداری پر تعجب وی تھوتے رشک بھی۔ کیونجے وفاداری کی اسی مثال دنیا نہیں دیکھی تھی۔ خدا کی کرنی، اخھاں ہی دنماں ماں اس علاقہ کا بادشاہ نے چار چوراں نا پھانسی کی سزا دیتی تے اخھاں کی لاش اسے قبرستان کے نزدیک اک اچا بوٹا نال سنگ چھوڑیں تا نجے آتا جاتا لوک دیکھ کے عبرت حاصل کریں۔ تے ان لاشاں کی غمراںی واسطے اک سپاہی وی مقرر کر چھوڑیوتا نجے ان چوراں کا وارث کسے لاش نالاہ کے دفنا نہ چھوڑیں۔

جد شام ہوئی تاں سپاہی نے دیکھیو جے اس قبرستان کا اک مقبرہ ماں کجھ سلو جئی سئی ہوئے تے نالے ہولیں ہولیں رون کی اواز وی آوے۔ پہلاں تے وہ ڈر گیو جے کوئے جن بھوت نہ ہوئے۔ آخر دلیری کر کے نیڑے گیو تے اس مقبرہ کے اندر اوکڑ کے دیکھن لگو۔ کے دیکھے جے مقبرہ کی لاش کے نزدیک اک ہور پری جی شکل ہے جس نے رورو کے اپنو مرد و حال کیو وو ہے۔ کوئے اک باندی وی بیٹھی وی اسنا کجھ سمجھاوے۔ سپاہی نا اندرازو ہو گیو جے اسے مرن آلا کاغم ماں اس عورت نے اپنو یوہ حال کر لیو ہے۔ اس ناترس آگیو۔ وہ جلدی جلدی گیو تے اپنی روٹی آلو ڈبو چالیا یو۔ اس نے آن کے زمی تے اسکی باندی نا سمجھان کی کوشش کی：“کہیں مرنو تھج تے جینو جھوٹھو، اس طرح وی مویا کدے مڑیا ہیں۔ جھلیئے مریاں نال مرتو تے کوئے نہیں۔ دنیا کو یو ہی دستور ہے۔ تم حوصلو کھوتے دودو گراہ روٹی کھالیو۔ ویہہ ہن بھکھ نال بے حال ہوئی وی تھیں۔ باندی نے وی زمی نا سمجھان کی کوشش کی” دنیا ماں سدو کون رہیو ہے۔ بارو باری سب نے جانو ہے۔ مرن تین

پہلاں قبر مان پیسو کرت جائز ہے؟ نالے تیرا بھکھاں رہن نال لاش نے کے اثر ہوئے گو۔ خدا نخواسطہ کدے توں پہلاں مر جاتی تے وہ دوڈنگ وی بھکھو نہ رہتو تے دوجے ہی دھیاڑے کسے ہور کی تلاش شروع کر لیتے۔ آجھلی نہ بن تے گھو کھا لے!“ آخر نہ کرتاں وی زبی نے تھوڑی جبی روٹی کھا بدی تے اس ناجان ماں جان سئی لگن گلی۔ اس نے جد ہوش آیاں ماں افراں دیکھیتاں اسکے سامنے اک گھرو جوان کھلو تھو۔ اسکی ہمدردی نے زبی کو دل نرم کر چھوڑ یو تھو۔ وہ چلے گیو تے باندی فراس ناسمجھان گئی“ دیکھ اس طرح زندگی بر بادنہ کر۔ اس لاش توں جیتاں نایو ہی سبق لیھے جے اچر جینو ہے رنج کے جیو تے عیش کرو،“

پھریدار دو جے دن فراسے طرح روٹی لیکے آیو تے زبی کے کولے بیس کے اس نا روٹی کھوائیں گلو۔ باندی جلدی جلدی روٹی کھا کے باہر نکل گئی تابنجے اخھاں نا نمیکلاں گل کرن کو موقعو لبھ جائے۔ پھریدار نے بلیں بلیں اسکو دل جت ہی لیوتے قربت حاصل کر لئی۔ باندی دو جے ہی دن اپنے گھر چلی گئی۔ ہن اخھاں کوروز کو یو ہی بار بن گیو۔ سپاہی دھیڑی چوراں کی لاشاں پر پھر ودئے تھوتے رات اس مقبرہ ماں روٹی کھا کے زبی کے سنگ سو جائے تھو۔ اخھاں نے مقبرہ کو دروازہ دوی اندر ہوں بنڈ کر چھوڑ یو تھوتے لووی نہیں تھا بالیں تابنجے دنیا سمجھے زبی اندر ہی مر گئی ہے۔ پھریدار روز نویں توں نویں تے شاندار کھان چیز لیا تو، رات سنگر ہتاتے تے سمیلے لوہوتاں ہی لاشاں کا پھرہ پر مڑ جاتو۔ اخھاں ناپتو ہی نہیں لگے تھو جے رات اتنی جلدی کس راہ مک جائے۔ اگلے دن فرآتے زبی پہلاں ہی اسکی انتظاری ماں ہوئے تھی۔

ان چوراں کا دارشاں نا کسے راہ اندازو ہو گیو جے رات ان لاشاں کی راکھی کوئے نہیں ہوتے اخھاں نے اک رات دالا کے اتوں اک لاش لاہ کے دفا

چھوڑی۔ سبیلے جھس مُسے ہی جدوہ پھریدار سپاہی مقبرہ بچوں نکل کے اپنی ڈیوٹی پر حاضر ہو یوتاں کے دیکھے جے اُت اک لاش ہی نہیں۔ مجھ پریشان ہو یو اس نا انداز و تھوڑے بادشاہ نا پتو گوتاں وہ پھانسی دیکے چور کی جگہ میری لاش بنگئے گو۔ وہ کوئی مخوب ہو یو وو جلدی جلدی مقبرہ ماں آیو تے زمی ناسار و قصوسنا چھوڑیو۔ کہن لگو ”جے منو ہی ہے تاں اس بوٹا نال پھانسی لگ کے مرن تیں بہتر ہے جے ہوں اپنی توارناں آپے خود کشی کر لیوں تے اتے تیرے کو لے جان دے چھوڑوں۔“

زمی وی پریشان ہوئی پر ہن واہ اسکی جدا آئی برداشت نہیں تھی کر سکے۔ کہن لگی:

”میرے کو لے دو دو پیاراں کی لاش؟ نہیں ہوں ہر گز یا نہیں ہوں دیسوں۔“ واہ اک دم سپاہی کے نال چڑھ گئی تے کہن لگی ”ہوں تیرے اپروں سب کچھ قربان کر سکوں۔ پر تیری جدا آئی نہیں برداش کر سکتی۔ اس طرح کر! توں یاہ لاش لے جاتے اُس چور کی جگہ شنگ چھوڑ،“ - پھریدارنا اسکا مشورہ پر عجیب تعجب بھی ہو یو تے خوشی وی۔ اس نے واہی گل کی۔ دو بے دن دنیا نے دیکھیو جے بوٹا نال چور کی جگہ زمی کا گھر آلا کی لاش بنگی وی تھی۔

☆ ((غیاث پیترونی پہلی صدی عیسوی مان اٹلی کو اک مشہور لکھاڑی ہو یو ہے۔ وہ درویش قسم کو آدمی کسے راہ بادشاہو قت کی نظران مان چڑھ گیو تے اس طرح اس نا علم تے هنر سکھن کو موقعو مل گیو۔ وہ یہ حد حساس تھو تے اس نے ساری زندگی انسانی جذبات کا موضوع پر تحریر لکھیں۔ تے آخر جوانی مان ہی ۶۶ء مان اس نے خود کشی کر لی۔ یاہ کھانی اسکی اتالوی کھانیاں کا مجموعہ ”ٹھٹھ“ وجوں لئی وی ہے تے عنوان مترجم کی طرفون ہے))

* *

طنزو مزاح

دوگل - شیطان نال

سِدھی تے کھری گل جد کوئے اس مر تسمت نہیں سنن کی ہست کرت تے وہ کہیو
سنے گو جس ناکئی ہزاراں سال ہو گیا آدمیاں کو پار کرتاں۔ بڑاں بڑاں نائج کے
ثرجائے۔ تبیح مصلوأۃ تکیور ہے۔ تے وہ پندھوکلی ماں باہ لے جائے۔ سچ داروں
تے اُس نانیوں وی چڑچڑھے تے فرمداں توں میرے نالوں ہے وی کم رٹھ۔
آخے میری گل نہیں سنتو۔ اس گلوں میں چھٹ کو چھٹ اُسے کی جاچ نال گھڑنگو لا کے
بسال یو۔ اچ میریں گل سننی پوئیں گی۔ میں تیری تھوڑی منی ہیں۔ ہوں نماز پڑھن
لگوتے تیں کہیو۔ آجائ کو ہے رہن دے، میں ڈھل چھوڑی، فرروزہ وی دھیڑی کا
ایک توں دو ترے کرو اچھڑ تو رہیو۔ تے پیسا سشن شان کی باری آئی تے فرمانت
عاجزی شروع۔ بھائی وی ہے نا آج فلم بکھن چلاں۔ آں ہو روی دیکھنا سارا سگی
چلیا ہیں تے توں ات کے کرے گوایکلو۔

اس طرح کدے گھروں تے کدے ہوشل و چوں باہوں پکڑ کے اٹھاں
لیتو۔ کدے پڑھتو پڑھتو سد یو۔ چل ٹیلیو یشن دیکھاں۔ اچ ڈسکو گانا آنوں گاتے
ہوں وی نال ٹر جاتو رہیو۔ جس طرح ثواب ضائع ہو تو وہ ہے۔ تے جے کدے سچ
کدے خدار سول کی گل آئی تے فرکت گتی کڈھنی شروع کر لیں۔ چھوڑ ہن اینوں
بور پروگرام ہے چل بازار کو اک چکر لاؤ اواں۔ ہو روی دیکھنا اس ویلے وی کوئے
اندر پیسے۔ سارا مہذب لوکاں کا گیرابازار ماں پھریں تے توں اندر ہے۔
اچھا ہن کدے میں تیرے تیں سر کھلا کر چھوڑ یو تے جیدے خنگی آلی کہڑی

گل ہے۔ تا ہور تھوڑا ہیں جے توں میری گل نہیں منتو۔۔۔۔۔ میری دو گل تے سن۔۔۔۔۔
تے آخر اتنا نہور اسن کے پتوں میں کے سوچ کے چھٹ ایک ہی گیو۔ تے فنا فٹ بلو تو
جا اک گل دسوں۔ بچوں بچوں مناں وی گل کرن کو موقعو ملنو چایے۔ چپ کر کے
ہوں نہیں بیس سکتو۔ تے میں وی اُس کی من لئی۔ چل توں ہی خوش رہو۔ وابی ہی
تے فرمھاری گل کجھ اس طرح ہوئیں۔

میری جگہ کوئے ہور وی ہو تو تے وہ یا ہی پچھے آ۔ جہڑی گل میں پچھی، توں
اک گل دس جس طرح میں سینو ہے انسان کا پیدا ہون تیں پہلاں تیرا دادا، پر دادا
بٹکا نے کئی ہزار اس سالاں توڑی دنیا پر حکومت کی۔ تے خدا کی گل وی متار ہیا فر کھڑ
پیچی آئی تے تباہ بر باد ہویا۔ توں نکو ہمیو کوئے ۲۸۲ سالاں کو اللہ نے انسان پر چالیو۔
تیری تعلیم ہوئی فرفشتاں کو استاد بنایو۔ جنت ماں گیو فر دنیا کو شہنشاہ بنیو۔ توں یاہ گل
دس تاکے آزار تھوکدے بابا آدم اگے سجدو کر چھڑ تو تے تیری داڑھی پیٹھ آ جاتی۔ اچھا
اُتوں رون ہو یو تے جنت ماں جا چھجت کی اُتوں با بوا آدم کڈھایو تے آپ وی لا جم
ہو یو۔ سپ تے اٹھواں جستخنہ نال لیا وا آپ چھیو۔ آیو ہن آرام تیں کانہہ نایوہ سارو
کجھ کہیو تھو؟

اچھوں گل کر تور ہیو اُس نے سر بنا دے رکھیو تے فر لہڑ کی کڈھ کے کہن
لگو ہوں دراصل امید ماں مارے گیو۔ لاث لاث ماں ہوں اتسو سر چڑھ گیو تھو جے مانا
امید ہی نہیں تھی جے خدا منا پر ہیز چھوڑے گو تے فرجد ہوں رڈے گیو تے دو جو
کوئے جنت ماں آرام کرے ہوں کس طرح دیکھ سکھا تو۔۔۔۔۔ آپ سوچونا؟ سچ کہہ تھو
بچار ووہ کدے کدے سچ وی کہہ چھوڑے نا۔

اچھا میں دو جو سوال پچھیو، تیری قوم وی تے خاصی ہے۔ آدمیاں تیں

ہزاراں گنازیادہ تے نبیوں تے توں کوئے وی سدھو کم نہیں کرنا دیتیو۔ پر نماز کے توں نجھی پچھے پیسو رہے پہلاں تے نیڑے ہی نہیں لگن دیتیو جے کوئے بدوبدی تیار ہو جائے تے وضو ماں شک باہ چھڑے۔ کھلو ہو ہی گیو تے دھیان ہو ٹھے ہو ٹھے کرا چھڑے۔ اس وچوں تنا کے حاصل و ہے؟

مشکرا کے بولیو۔ مناتے لوڑھی کائیں کی نہیں۔ ہوں یوہ سارو کجھ اس گلوں کروں جے اس ناوی کجھ نہ حاصل و ہے۔ یاہ گل نہ ہوتی تے منا کے لگئے تھو۔ بتا چوتا مال تے دھیری دھپ کا اکپر مال نماز آلاں کو پوچھڑ پکڑ کے پھر تور ہیوں۔

اچھا تیری گل تے تکن وے وریاہ دس جے تیر و یوہ منصوبو کتوں اک کامیاب ہے تے راز کے ہے۔ ذرا کن کے نیڑے ہو کے کہن لگو جے کے نانہ کہیے تے دس چھوڑوں۔ کم نماز، روزہ آلووی بھانویں اوکھو ہے ور میر ووی بڑو پو ہریا کوم ہے۔ بڑا منت ہڑا کر کے مناؤں، تے اجکل ذرا سوکھواں گلوں ہو گیو جے لوک ذرا تعادن پہلاں تے جیدے کرن ہو گیا ہیں۔ جت تک کامیابی کو تعلق ہے اتنا ایمان کیوں بنیں۔ اک موئی جئی مثال لے لیونا!۔

دیکھوڈرا مسجد مال لوک زیادہ جائیں جے تاشہ میلہ مال تے یہ تے اجاں چھڑا جائیں نا انہاں وچوں جہڑا نماز پڑھیں انہاں کی گل ہی رہن دیو۔ جس طرح کا سجدہ آج کو انسان کرے اس نان بخشن ہون ہوئیں آں تاں تے ہوں وی کر چھڑ تو۔ ہوں بے فکروا سے گلوں ہاں۔

ایک سوال جہڑا وتم وی سوچتا ہویں گا مناوی یاد آیو تے میں پچھہ ہی لیو۔ عام آدمی ناتے چلو بے وقوف بنالے کوئے وی۔ اجکل کا ناکا کھڑ بخچ وی بنالیں۔ توں تے انہاں کو گورو ہے۔ ور پڑھیاں لکھیاں ور کس طرح دا چلے۔

یوہ کم وی سوکھو ہے اُس نے کہیو پتو ہے ہوں ردن ہون تیں پہلاں
عزاز میں تھوڑے فرشتائیں کو استاد بڑا افسوس میرے اگے ہتھ بخ کے کھلار ہیں ویں تھا۔
میرے اتنا پارسا۔ یا جکل کا گارامٹی کا آدمی کہیا بن سکیں۔ نیوں تے نکاشکا جور سارا
داہیں ور بحث لئی ہو جائے گی اجکل تے جس ویلے کوئے خاصوئک بنن گے۔ ہوں
اس طرح کا کماں ماں لا چھوڑوں جہڑاں کو دین نال کوئے تعلق نہیں ہوتا، ویہہ یا ہی
سمجھتا رہیں یوہ خالص دین کو کم ہے۔ تے جسو لیے کوئے اس حدود وی ٹپ جائے
نہ قابو آؤے تے فروہی اپنے آلو فارمولو لاوں۔ اُس کا دل ماں چھٹ پیس کے یوہی
یقین کراچھوڑوں۔ ہن تے ہوں خاصو عابد بندگیو ہاں۔ میرے جسو تے شاید ہور
کوئے نہ وے تے اس تو خر کیاں ماں فرمیرے ہی آلو حمال۔ اجکل تے نیوں وی
آدمی اتنا بڈیا رکریں جتنو میں اُسواری نہیں تھوکیو جد ہوں ردے گیو تھو۔

پر کوئے کوئے تے اُتوں وی نجج جاتو وے گو؟ میں گل کپ کے پچھیو۔ ہاں
جنوں اساس مار کے بولیو۔ اخاں کوئے کوئے نجج جائے تے فر ہوں کے کروں۔
میری دوڑا تے توڑی ہے۔

تمنا ضد کہڑا لوکاں نال ہے۔ میں اک گنو جو سوال ہور کریو۔ کے نال
نہیں۔ پہلاں کجھ ملاں مولو یاں نال تھی تھوڑی ججی۔ ور، ہن رج سارا انہاں وچوں
وی میری گل من لگ گیا ہیں۔ انہاں کی یہ گھول لڑائی نہیں دیکھی۔ اس وچوں کے
حاصل وے انہاں نا آپس ماں لگاوا ہیں۔ میر و کم ہولو ہو گیو ہے۔

شام وی ہوتی جائیں تھیں چر ہو گیو تھو۔ اس گلوں میں ذرا جلدی کی اچھا
اک کل دس اجکل تیر و کم کس طرح چلے تے آئندہ کو کے منصوبو ہے۔ اجکل کو ناں
سن کے ذرا منہ پر رونق آئی تے بولیو جے پہلاں جسالوک رہیا ہوتا تے خاصی

مشکل تھی۔ ہن ہوں بڑھووی ہو گیو تھو تے تے ہل جل وی مج نہیں تھی وَ ہے۔ پر
اجکل لوک میرے نال بل ہیں۔ کجھاں ناجادو منتر دیسیو۔ کجھاں ناہتھ دیکھن کی جاچ
، تے کجھاں ناقسمت کا حال کی دوچار عام جئی گل جہڑی لوکاں کے دل لگتی ہویں تے
فر ہوں پیٹو گھپلی کے سور ہوں۔ تے نالے اجکل مدے ایسی دور ہے۔ نویں نویں
مشین تے آله۔ ایمانداری نال دس تاں اجکل میر و کم زیادہ چلے جے خدا کو۔ کہڑو
گھر ہے جت ماں باپ نکاں نالاڑ نال نہیں بلا تا۔۔۔ او شیطانا!.....

آئندہ کا بارہ ماں کہن لگو۔ آئندہ واسطے منا دو گا ہک بڑا سوہنا بھاوا ہیں۔ ویہہ کہڑا
ہوں پچھ بیٹھو۔ فرمشکرو یوتے بولیو۔ اک تے کا لسری پہلاں توں میری گل منتی رہی
ہیں۔ کنک کا دانہ کی شوق وی پہلاں اُسے ناپی تھی۔ ور اجکل کی کا لسری میرے پر
کجھ مجھی مہربان ہیں۔ دیکھونا نہ مج کپڑا چیڑاں کور پھر نہ چھپرا، بر قعہ تے لگنا پر
وندی کوتے اس طرح بن ٹھن کے بازار ماں نکلیاں ماں فراغے کی گل تھارے تین
اوپری تے نہیں۔۔۔ دو جے اجکل کی جہڑی نویں نسل ہے نا، تقریباً ساری اپنی جث
کی سمجھو، ماں باپ نا نہیں متاجہڑا سامنے ویں تے خدا کی گل ہی رہن دیو۔ انہاں
نے کددیکھیو۔ اس محنت مشقت آلا کم تیں تے میرے آلوکم انہاں ناسوکھو ہی لگے
آپ وی کریں تے سنگیاں ساتھیاں ناوی دیں۔

تے وہ گل کرتو کرتو میرے درچھٹ اک ترو تر دیکھتو رہیو تے فرمنہ رتیز
کے اک کڈھ کے لہر نال اٹھ کھلو ہو یو۔ اچھا۔۔۔ اچھا۔۔۔ اچھا۔۔۔ تے تیں یوہ پلا
پیٹھ ٹیپ ریکارڈ رخود بائیو وو۔ تیں وی میرے نال دھوکھو کیو۔۔۔ دیکھ لیوں گوتاں
وی! تے میں وی کہیو۔۔۔ جا چھوڑ میر و کھیڑو۔ تیر و راہو ہتے میر و یوہ!

* *

گزار و نہیں ہوتو!

نیوں تے جین کا خبرے ہو روئی کجھ مقصد ویں گا اور اجکل دنیا کی ساری دوڑا دھائی صرف اسے گل واسطے ہے جس کے طرح ڈھڈھ بھرے جائے۔ دھیر و دھکے جائے گزارو ہو جائے۔ اک بچارو کھٹھو کھٹھو وغیریب وی سیبلے اکھ ملہو تو اُٹھتے اسے فکرناں کجیو کرن نگل جائے۔ زمینداروی ملازم تے کھڑیچ وی کجھ اسی طرح کو تھوک کر کے ٹریں۔ سوچن کوڈھنگ ایک دو جاتیں تھوڑے چھپو بکھرو وہ ہے۔ جے مسلکو دیئے صرف روزی کوتاں تے ساراں ورخدا کوفضل ہے۔ گزارو ہوہی جائے۔ وریوہ ڈھڈ مرنو جس ویلے بھرن وہے نافرنویں شوق پیدا ہون لگ جائیں کسے ناگواہندیاں ہاروں شوق کا کپڑا لان کی کسے ناکوٹھی تے بنگلہ بناں کی۔ کسے ناسکوٹر تے گڈی خریدن کی۔ کسے ناز مین خریدن کی۔ کسے نایاہ ور بیاہ کرن کی کی تے ہورویں مجھ ساریں..... شوق کو مل تھوڑو ہی وہے۔

جس ویلے اس طرح کی لمی لمی امید لگیں تے فرآمدن بچاری تے سنگ ہی جائے۔ بھانویں جتنی مرضی وہے تے کدے تیں ٹاکی تے لانی پے ہی جائے۔ غریب تے بچارو ادھارتے سودا آلتے پاس لگ جائے تے جہاں کوڈراہ تھ چلے ویہہ ہتھ پتھ مار کے اپلا تی تے افلاؤ آمدن آلتے پاسے۔ جس ناکوئے کمیش کہہ کوئے فیں کوئے موختے نذر نیاز تے کوئے اپنی محنت کہہ کے سنگاہ تیں لادھ چھوڑے۔ حرام حلال کی کوئے پڑیا نہیں۔

دنیا تے آج نہ اگے توں لئکھن دئے نہ پچھے توں۔ کچر کی مثال بے ہوئی۔
 جے اکن کسے کی گل ہوئے انگلی لا کے دسوں تے وہ نہ تے دو جا کی دسوں تے وہ
 اپنے منہ مرود لے گوتے گل وی کس کی کروں تے کروں تے کس کی چھوڑوں۔
 سارو ٹبر ہی بگڑی یو وہ ہے۔ جے کسے نا کوئے بھلے مانس ہٹھ کر کے پچھہ ہی بیسے کم بختا
 کیوں اس لعنت آتے پاسے لگو وہ ہے۔ اپنی حلال کی کمائی جے جور ہے۔ نہ رشوت
 لیتاں کے ہے۔ تے وہ بھی بھانویں جتنو مرضی بڑوا فردو ہے۔ گائی ڈنگی کر کے ٹھڈ
 کٹھ کے کہہ چھڑے او جی..... کے گل پچیس گا۔ اس تین بغیر گزارو ہی نہیں ہوتا۔
 تے سچیں گذارو وے وی کس طرح جے تے دوڈنگ کی روٹی کو مسلکو وی ہے۔ واہ بھی
 لبھ جائے۔ تن ڈھکن جو گا سارا ثمرنا کپڑا چیڑا اوی ہو جائیں تے سرد کی چھاں وی اللہ
 کی دلی وی ساراں نا ہے۔ یوہ تے سارو کجھ حلال کی کمائی نال وی سرہی آوے۔
 بھانویں کوئے بھڑی مجری کرتا ہے۔ بھانویں دکان یا ہیمار، وررشوت کو ہلک تے
 اُس ویلے جاگے جس ویلے گل روٹی کپڑا تین اگر یڑے لگھ جائے کوئی کارتھی،
 جس ویلے آپ کم کاج تین آلس آن لگ جائے۔ پیدل ٹرن تیں الکھت وہ ہے
 زنانی بچاری نا گھر بیس بیس کے بور ہون تین فلم دیکھن جانو پوئے۔ گواہند نا نا
 دیکھ دیکھ کے روز ٹھنڈگر کرتی وھیں تے نکاوی لاد لاد ماں ماں خاصا سروں اوکڑ جائیں۔
 رشوت کی موہر تے خبرے کس نے کی ویہے ورائج کوئے کسے تین گھٹ
 نہیں لوکاں کے بھائے تے پٹواری تے دفتر اس کا با باؤ ہی چاپانی کا شوتفی ویں۔ ور
 اس کوتبروک اپر یڑے توڑی پنچ۔ مناتے اس گل کو احساس اُس ویلے ہو یو جد میں
 اک اپنا واقف بابونا ٹوچڑا چڑ کی۔ نہ تم نا کے سختی ہے جے کوئے اسمتر تھارے کوئے

کے مجبوری کو مار یو سخنے ہتھ آہی جائے تے تم کدے سوبنے منہ گل کر چھڑیا کرو۔
کدکم کرن جو گانہیں تے تھوتے بھانویں واقف ہی پریاہ گل سن کے پہلاں میرے
دار آنی کڈھیں تے فر کھمک کے کہیو.....

تم لوک جس بھی سینا ہو گیا ہیں تے پہلاں انہاں نا پکڑو جہذا بڑا افسر
تے قوم کا ٹھیکیدار بن کے بیٹھا دا ہیں۔ گپھاں پر گپھا..... ہزاراں تیس گھنٹ منہ
نہیں لاتا۔ تے جس میں کے کولوں اپنا مختنانہ کاروپیہ چار لے لیا تے کوئے گاں
تائی گئی۔ ہوں تے ٹھھٹھن ٹھماروہ گیو تے کرتودی کے؟ وہ کہہ ہی جس بچارو سچ
تھو۔ تے ہوں جہڑی گل اُس نال کرن لگو تھواہ اُت کی اُتے رہ گئی۔ چلو اج کر
چھوڑوں۔ او بھلیا لوکا توں اپنے فکر کر روپیو دو ترے ہزار تے ہربابو۔ پتواری نالجھے ہی
ہے۔ بھانویں وہ تحصیلدار کا دفتر ماں ہوئے ڈی، سی کوئے بجلی پانی یا اسپتالاں تے
ڈنگراں کا محکمہ ماں، اپنا گھر جو گودوہاں جیاں کوئے نکاں دوہاں کو خرچو تے پورو ہو ہی
جائے تے فر گزارونہ ہون آئی کہڑی گل ہے۔ صرف دھیان تے اس گل کو رکھنے
ہے جس ہوں کون ہاں۔ منا کتنی اک لست بسارنی چائیے۔ کم بخت اتنوں میں سوچتا والا
ہم نا کے لگے رکھیں ٹی وی لان توڑی روز کڑنہ کھادو تے دھیرا دو ٹھہر کے سہی سوٹ
بوٹ گھر ماں چار پیچ جوڑا نہ ہو یا۔ دو ترے ہی سہی۔ اٹھن پیسن کی تے گھر ماں جگہ
ہوئے ہی ہے۔ اس طرح کا آدمی نامیری سمجھ ماں نوکر لان کی وی کوئے خاص لوڑ
نہیں ہوتی تے فردی جس کے چیز کی مجبوری وہے تے اس بارندہ اگلی تھواہ پر سہی
کوئے روزی سماں ہی آئی گل کرنی ہے نویں موہی وی اتنی کھولنی لوڑے۔ جتنی ڈگی
کوئے چاسکتو ہے۔ گھر کا کم کا ج واسطے آپ وی لنگ لاسکیں۔ تھواہ نا سام سلی کے
بر تو پوری کیوں نہ ہے۔

اور سیرنا پچھوکم بختا کیوں آخرت بگاڑے کارنہ ہوئی تے کہدا پچھر گھس جائیں گا۔ گذی بے جور ہیں۔ وی سی آرپیلی تباہ پرنہ آیونہ سہی۔ کوٹھی وی چار دھیڑا ٹھہر کے سہی کھان پین جو گورو پیو ۲/۵ ہزار جور ہے۔ تے وہ کہہ ٹھیکدار کو لے کہدا سارا حلال ہی کا وہیں میں بڑا افسراں ناوی تے دینو ہے۔ آپ وی گزارو کرنو خبرے تجھ ہی کہنہ بچارو اصل گل تے یاہ ہے بے دھیڑی بڑاں بڑاں لوکاں نادیکھ کے ہر آدمی اسی طرح کا خواب دیکھن لگ جائے۔ وہی کارک تے شوق افسراں آلیں۔ وہی اور سپر تے شوق ڈی ای آلیں۔ پواری تحصیلدار دار دیکھ کے لیل گھولیں تے وہ ڈی سی دار پوری وہی وی تے کس طرح بے کے نے اپنی آمدن نال اپنی ضرورت پوری کرنی وہی فرتے ہوئی جائیں۔ آرام نال پر لک ماں ساہ نہ وہی تے فربھری ڈگی چایاں ماں ارالاں پرالاں از سرا کرنا ہی پوئیں..... جس پاسے کوئے مجبوری کو مار یو دسیو۔ اسے ور تھپ مار لینی۔ کم جتنا وک مرضی وہی روپیہ دس بی لے ہی لینا۔ لیڑ کی کڈھ کے۔ تم آپ انصاف کرونا جی گوایاں پانو ہے تے اے اس تباہ ماں بننے ہی کے ہے تے فرشوت کا ٹھکرداو لیکے گھر کا جہذا چار چھلڑ وہیں انہاں کی وی خیر برکت اڈا چھڑیں تے فرنکھریں او جی گذار نہیں ہوتے اس طرح کا پچھنا کو گذارو رشتہ لیکے وی کت ہو یو، تیل سثناں والوی کدے اگ بجھی ہیں۔

کجھ ویہہ حکومت نے جنگلاں کارا کھا وھیں چھوڑیا۔ اپر بیس کے خبرے یا ہی سوچتا وہیں گا۔ سوہنی حفاظت ہوتی وہی گی۔ وہ نہیں پتو ہے اگلاں ناگڑی طبع تے مکھن کلپاڑی تین بغیر سنگھا تین گراہ ہی نہیں لہتو۔ کجھ اپنا ناں کی کجھ فارسٹر کی تے کجھ رینجر واسطے۔ کولا گراہ دوکھا کے روپیو سوکھنڈ چتنا ماں گھل لیو تے فرجنگل جانے

تے لوکاں کی نیت مراد پیا تنگاں ورنگ ڈھیں تے نکھارو اُنہاں کو وی اسے طرح
گزارو ہی ہوتو کران وی کے

جے کوئے بچارو تھانہ آلاں کی ڈھا چڑھ گیو فر تے اُس کو اللہ ہی راکھو ہے۔
چھٹ اک تے دھوائی واسطو کرے گور جس ویلے ویہہ سارا مچھ مردھ کے اُس کی
چاھڑ چڑھیں فر تے جہڑو ڈھوڈی۔ تھوم سرے وہ سارو حاضر کرنو پوئے۔ پہاڑو
لبھاں ماں تے ہتھو رسروں کر دیں۔ تھانے دارو روں صدقے بھانویں کوئے قتل
کر کے ہی کیوں نہ آیو ہے۔ ساراں دفتر ان ناگاں کھا جائے تے مظلوم بچارو فر
اُت تھانیدار وی بچارو کے کرے۔ مجبور جے ہو یہ۔ رہنو ہے راجاں مہاراجاں
ہاروں تے فراپنی اُس ۳۲ ہزار کی تیخاہ ماں گزارو وے وی کس طرح شکے شاہی کو
زمانو تے ہنیں۔ اجکل رو پیہی چارا پلاتاوی ہونا لوڑیں۔

اپستال تے سوہنی جگہ وھیں جت کدے ڈاکٹر لسان ماڑاں۔ کجئے جداں
تے ماند کی سستی آلاں کو لیو کریں۔ ور کھاں تیں اللہ ہی بچاوے۔ ویہہ..... بیمار
بچارو بھانویں اندر دھریو وو ڈھڑکتو وہ ہے تے آگووارشاں کو لے..... جے آپریشن
کر انو ہے۔ تاں روپیو ۱۰۰۰ ہزار۔ نہ اٹھ سونان کم نہیں چلتا۔ دھکا مو اتنو نہیں ترس
کرتا جے آپریشن کرنو۔ اپستال ماں ساماں سر کاری تیخاہ بکھلی لمحے تے فرد پیسہ کس
گل کا۔ آخے یاہ وی فیس ویہے تے ویہہ کلڈ ہی دیں۔ خبرے فیس ہی وہے گی تے
جان تیں پیاری کہڑی چیز ہے۔ فرجس ویلے آپس ماں بیس کے گنن لگیں..... اس
تیں بغیر تے گزارو ہی نہیں ہوتا۔ وہ کارکا تیل کو خرچو کتنا آوے گو بھلی آلاں کا پیسہ وی
تے دینا ہیں ٹیلیفون ٹی وی تے فلماں کو خرچو کنی۔ سارو خرچو اپلا تی آمدن وچوں ہی

پورو کرنو ہے۔ جس طرح اپنی تختاہ پرناگ وے پیٹھیو وو تے فرگزارو وھے کس طرح
جے کے کی نوکری کو مسلو آگلو فرتے خیر نہ سمجھو۔ بھانویں چپراہی
لگنو ہوے، بھانویں ماسٹر کلرک، یا کسے کانج ماں داخلہ کو مسلو ہوے۔ بھرتی وہے یا کجھ
ہو۔ دولاڑی جھوٹیاں کول تے ادا کرنو ہی پوئے۔ آخر افسراں نے وی تے ٹکو عیال
پالنو ہی ہے۔ ویہہ وی اینویں تے نہیں تھا نیاں۔ اپریٹے توڑی نیاز دتی تھی
پہل تے خبرے دفتر اہی وچوں ہی ہوئی گی۔ وراجمل تے گراں ماں
وی یا ہ سختی بڑھ گئی ہے۔ بیاہ، شادیں، رکھان، چھڑکاں، مقدمہ، کچھری مارڑا تیں۔ یا
بناسیدھا کرنا وہیں۔ داج کی جھوٹی تیں بغیر تے مقدم کھڑ پیچ وی منہ نہیں لاتا۔ تے
نال کسے کولوں چھ مہینہ لوالیا۔ کسے کولوں اسوماں دھیڑیں تے کسے کولوں نقد نیاز
وصول۔ اپنے داروں سڑیاوا چھلڑ کو برووی نہیں ملتا۔ قصور صاف انہاں کو وی
نہیں۔ انہاں بچاراں نے وی گذارو کرنو ہے۔ اپنو بگلووہ ہی بنا چکا کے رکھنو۔
نکاں نا شہزاداں ہاروں سوٹ بوٹ، زمین سالوں سال ہو رخیدنی۔ بیاہ ور بیاہ۔
رکھنی تے چھوڑنی۔ یہ چھ سارا کم لنگ لان تیں بغیر ہی کر لینا وی تے اک کمال
ہے۔ تے اس ماں جے کسے کولوں کجھ لے لیو قہر تے نہیں۔ اس تیں بغیر گذارو ہی
نہیں ہوتو.....

ویہہ کے جس ولیے ہل جل تیں آلس آوے تے بڑا بڑا وی اتنا آلدے
جائیں۔ جے گدی وروں اٹھن گا آنکس ہی نہیں لگتا۔ بیس بیس کے اللہ کا کماں
ماں وی نیاز نذر کوناں رکھ کے چاہ پانی لین لگ جائیں۔ اکھے موخ تیں بغیر تعویذ اثر
ہی نہیں کرتو۔ جے کوئے اپنے نیویں پچھہ ہی پیسے تے کہہ چھوڑیں۔ یوہ ٹبرنکو تے پالو
ہے تے فرگھر آئی نفت جے ہوئی۔ موڑیں وی کس طرح.....

ساراتے اس طرح کا نہیں ہوتا اور کچھ کچھ ماسٹروی بچارا عادت تیں مجبور اپنی عادت کر ہی چھوڑیں۔ ہور کچھ نہیں تے دودھ کی گذبی ہوئی..... یادھیڑی لیتری کرنی۔ گیراچار اسکولوں سدھ لیاتے پاس ہوتاں ماں کڑی اک ہی دینی پوئے گی تاں کے ہے۔ جن ماسٹراں نے حساب تے سائنس پڑھیو ہے انہاں کی تے پنجے گھی ماں ہیں.....

تم سوچتا ہویں گا ہوں پٹواری کی گل ہی بھل گیو۔ منشی ہور مجال ہے جے سخن ہتھیں کے ناپنی اُس پھڑی و ریسن دیں یا اُس پھڑا جیار جسٹر دار دیھن دے جائیں تے یہ گل وی اُس ویلے وہیں گی جددھیاڑا دس ہتھی گھسا گے منشی ہور گھر لجھ گیا ورنہ خدا نا لمنو سوکھو تے پٹواری نا لمنو او کھوآ گے گرداؤری تیں لیکے انتقال توڑی کی ٹھنڈی تی ہوا کھڑی ڈالی نانہیں لگی۔ ہوں انگلی لا کے کے دسوں؟

برابر افسر میں دعا کرتا ڈھا خدا یا۔ اگلا جنم ماں ہم نا پٹواری بنائیے۔ آخر کچھ تے دسیو ہے گوانہاں ناتے اس محکمہ ماں کی کنجی جہڑی ہر جندرانا گے۔ امیراں وزیراں تیں لیکے اسمتر تسمتر ہر کسے ناخصیلدار کا ہتھ تے لکیا ہی وہیں گا۔ داں قدم کر کے کھیو یوہ ناں سنتاں ہی دوئے ہتھ کناں ناں آپے لگ جائیں جے نہیں جے میری اپنی مثل پچھلاں پنجاں سالاں توں تحصیلدار کا دفتر ماں نہ پھسی وی ہوتی تاں ہور وی کچھ گل کر تو۔ پر کے کروں اک چپ تے سوکھ۔ تھک گیو اڈیک یک اڈیک کے مدے کوئے رحمیل افسر آجائے تے اس انتظار ماں کترن آلو جائے تے پوچن آلو آجائے۔ اللہ کی مرضی نہیں تے ہور کے ہے۔

گل تے میں ساری گنا کے دس چھوڑیں۔ آو ہن ہوں تم نا منڈھ

پکڑاں، گزارو ہو تو کیوں نہیں۔ تے رشوت آتے پاسے کیوں لگیں۔ اک تے
اپنی آمدن ماں ہر اک اپنا نہیں بلکہ اک خاصاً اچا گھر کی ہنار پر خوش رو ع کر لئے۔
ماں گماں ٹوڑاتے گیلیں ڈکار۔ دو بھے جہذا کم آپ کر سکیں، انہاں واسطے وی کوئے
خدا کو بندولنگ لان واسطے تیار نہیں تے تجھے جدائس ناں کو کوئے پیسو گھر ماں آوے
تے فر سارا گھر کی خیر برکت چائے جائے۔ فرتے جتنا مرضی کماویں سمح ہی
جائے..... گزارو وہی کس طرح۔

اصلی ہے یوہ ایزویں ھڈی آلو سواد ہے۔ آج اکن ناکم پیو۔ وہ دو جا محکمہ
ماں روپیہ دس دے آیو۔ کل اُس ناکوئے کم ہو یو تے ہور سکے کے مرنے لانا پے
جائیں۔ تے واہ اشکات ٹرتی دسیں بئیں۔ دھیریں فراؤ سے کوئے۔ اس تین تے
بھے پہلاں ہی کوئے کند کر کے انہاں دوہاں تروہاں گلاں پر عمل کریں تے اللہ
کرے گزارو ہو ہی جائے۔ تے ایزویں ہر اک آیا گیا اگے نکھر چکھر کر کے منہ کولا لیو
کھڑاں تیں وی بیچ ہی جائے.....

نہ نہ ہو یو..... سارا اس طرح کاوی تے نہیں ہوتا۔ انہاں اللہ کا بنداں
داروی دیکھو جہذا چھڑی تھاہ پر ہی گزارو کریں تے مج سارا اس تیں بغیر وی۔

* *

بے ہوں ہوتی گیری!

دور پچھے رہ گیا ویہہ زماناں جد کالسری ہونو شکنی سمجھے تھو عام لوک۔ اجھل
تے پنجی گھی ماں سمجھیں۔ ہر جگہ اولیت میں بھلا بھلا کہتا سنیاں۔ او ہو! بے ہوں
ہوتی گیری۔ لوکاں کو ہوں کے کہوں، اپنے کلوں جے گل شروع کرنی وہے تاں اتنو
یقین ہے بے یاہ شکل تے یاہ عقل ہوتاں بے ہوں گیری ہوتی تے کے شان تھا۔
ڈی سی تیں گھٹ تے کسے پوسٹ ور ٹھہر کو سوال ہی نہیں تھو۔ جس دفتر ماں جس
امتحان ماں جاتو آبیں ہوتی سارا عزت کرتا تے کریں وی کیوں نہ: آخر سارا
دھیاں بہناں آلا جے ہویں!

کئی ڈراویں اکھے جس طرح کا تیرا اصول ہیں۔ اس طرح تے عمر ساری
گھر ہی بیٹھی رہ آشاید اس ماں وی کوئے بارہ آنہ سچ ہی وہے گو۔ ور میر و خیال ہے
کجھ تے اللہ کا بندہ ہیں جہاں نا اجاں والا ت کی ہوا نہیں لگی تے کجھ اس طرح کا
وی ہیں جہڑا چنگلی مندی جس طرح کی وہے۔ اپنی ماں نا اجاں اپنی ماں ہی کہیں۔
پر دو؟ پر دو نہ وی کروں تے نک نقشو اللہ نے سوہنو بنا یو وہے۔ پر ڈر تھو!
یوہ کدے لوکاں کی عقل پر نہ پے جائے تے آخر وہی ہوئی نیوں چی گل تے یاہی
ہے بے پر دو ڈھی کی ذات ناہی سو بھے۔ ورنہ فیشن؟ اللہ! بے کروں تاں منا وی
گھٹ نہیں سئی، جور دیکھی ہیں میں وی۔ اُج کجھ، تے کل کجھ۔ دھیڑی ماں ست

سوٹ بد لیں۔ گت کدے اک کدے دو تے کدے خیر مناں کے لوکاں توڑی۔ ہوں اپنی گل کروں۔ حدوں باہر نہیں تھی جاؤں تے ہور کے ہے۔ تے جے فیشن کروں آن تاں وی گوچھی کر کے نہیں۔ گھر کو خرچو پورو کر کے بالکل حساب کتاب نال تانجے کوئے بچارو یا نہ کہے آ۔ زنانی بے کرتوقی لمحی۔ ضرور تاں کو کہہ کے تے دنیا کے توں کے کر لے تے شوق کو مل وی کت پسے ضرورت جتنی لمی کرو ہو جائیں۔ خاباں ناجتنی اپی کرو ہو جائیں۔ خرچا جتنا بدھا و بدھ جائیں تے آخر گھر کو گھر آلمی نہ سوچے تے کوئے مدے کر کے دیئے۔

نکا! نکاتے دو وی مجھ ہی دسیں۔ کون جنچ بننا کے دھر چھوڑے کسے کی تینی پاٹی وی، کسے کی گوتی کے بیڑا نہیں، ادھا پیروں ابنا ہنا ہو یا تے گال تے آخر جن آلمی نا ہی ہوئی نا۔ آپ چار جماعت پڑھن کو نکاں نا اتنوں کھو وی نہ ہو یو جے وقت پر تیار کر کے سکول لا چھوڑیا تے فرمائ کے ہوئی۔ تھارو دل کے کھتو وہ ہے گومنا نہیں پتو پر ہوں مجھ ہی آلسی ہاں، اس گلوں۔ اماں کرن آلا شاید جیدے نہ وھیں آں جے ہوں ہوتی گیری۔

دل تے اجکل کامڑداں کو نکا شتو گنڈا ہاروں پسے گھٹ ہی ہے۔ اک جگہ تے خوشحال وی اللہ ہی کرے کسے ناتے وہے۔ نیوں جتنو میر ووس چلے آسکھ بڑو دیوں ہاں اس کسے نا کے کھوں؟ ناں وی کہیں نہیں لیتا۔ نکاح تے خورے نہ ہی مٹتو وہے۔ پر لوک کہیں تے چلوٹھیک ہی کہتا ہو یں۔ گیری ہون تیں پہلاں ہی جے ان منی شروع کر لیوں۔ یاہ وی چنگی نہیں لگتی۔

ویسے عام تے دوجیاں نا ہی سکھ مت لاتی رھیں۔ آپ تے بھانویں بیاہ

تاں ہی ناں لیکے گا لیں چھڑ جائیں نہیں تے مہینوں کھنڈ ٹھہر کے سئی تے ناں وی اک
کئی کئی ناں دھر کے گڑ بندن و ہے۔ دیکھیو ہی کے ہے جد کاں تیرا گھر ماں آئی وی
ہاں۔ لعنت اُس گھڑی ناجسے و میلے یوہ بیاہ۔ نہیں لٹھیاہ ہو یو ٹھو۔ ہور خورے کے کے
اینویں پہلاں ہی مری زبان گندی کرا گیا۔ یوہ کجھ نہیں تھو میرے تیں و ہے۔ مکتی گل
بچ پیارے بے تحاشود یوں ہاں گھر آلانا۔

میں جان کے گل اگر یڑے تیں شروع کری تھی اک دو گل چھوڑ کے۔ چلو تم
نے یاد کرائی تے کر ہی چھوڑوں۔ کے کہیو سکوں؟ سکوں تے میں پڑھو ہی تھو جو
مرضی و ہے آتے یہ کی عمر کا چار دھیاڑا ہو سکے ہوں وی پابندی برداشت نہ کروں آں
ورچ نج کڈ نہیں تھی و ہے میرے تیں۔ آنسی جے ہاں تے اک جسو سو گھر آلا سر
چاہڑھ چھوڑیں۔ اُس نالا جمی ناں سر بنا کر کے قول ہے۔ نہیں تھو میرے تیں کہن
و ہے بھانویں کوئے نخے ہی و ہے آ۔ یاہ چھٹ اک لا جمی تے فر عمر ساری کو رو اس
نہیں بھوگن ہوتا۔

گھر سماں نو پیو گندزو، کنی، چولھا پانی کو کم، آیا گیا کی مزمان داری، روز کو
اما دو، نکال کی ضد، بوٹ سوٹ تے پڑھائی تے فر اپر گھر آلا کو رعب تے خرا، تو بہ اللہ
یوہ کجھ سارو تے میرے تیں نہیں تھو ہو سکے جے ہوں ہوتی گیری۔ شکر ہے آ جاں خیر
سکھ ہے.....!!!

.....

مک چک

.....

تجزیاتی مطالعہ:

گوجری افسانہ نگاری

کے ڈی مینی

بندہ ناہر دور ماں کہانی لکھن کوچٹ تے الیل رہیو ہے۔ کہیو جائے پھر کا زمانہ ماں بھی لوک رات ویلے اکیہر کول بیس کے اک دو جانا دن دھیاڑا کی واردات تے جنگلی درندال پر اپنی بہادری تے سبقت ناقصا کہانیاں کی پوشک لوا کے سناویں ہوئیں تھا۔ فر اک ہور دور آیو جد بندہ نے ان دیکھی مخلوق کا بارہ ماں قصہ کہانیں گھرنی شروع کیں تے کہانی ناپُر اسراریت کو کھوپڑو چاڑھ کے اس نا دھرس کلھن آلوروپ دے ڈتو۔ اس طرح جتاں، پریاں، چڑیاں، بھوتاں تے جل مساناں کا کردار باندے آیا۔ مھر کہانی نے اک ہور پاسو پرتیوتے راجاں مہاراجاں کا محلات ماں بڑھ گئی تے عوام کا ہمتحاں بچوں نکل کے محلات کی داں بن گئی۔ پر بلیں بلیں یوہ دور بھی نستو ہو گیو تے کہانی کا نیلا پتھرویلا کی ڈاڈھی دھپ ماں سڑ کے جھرگیا تے اس طرح کی کہانی اک منڈار بن کے رہ گئی۔ پر اسے کامنڈھتیں کہانی نے نواں لچھا کلھیا تے کہانی راجاں کا محلات تیں نکل کے عام لوکاں کے نیڑے آتی گئی۔ ہُن کہانی کا رعام بندہ کی حیاتی کا ذکھ سکھ، چت ہار، عروج زوال، محبت تے نفرت ناں موضوع بنان لگ پیا۔ اس طرح ویلا تے ماحول کی بٹی

پر گھستی گھستی، مہارے تیکر پنج کے عام بندہ کے اتنی نیڑے آگئی ہے کہ اس کو اور پروپن ختم ہو گیو۔ ہن کہانی صرف یہ رونی منظر کشی کو ہی ناں نہیں سگوں اس ماں باطنی منظر کشی بھی علامتیں کے ذریعے کی جا رہی ہے۔ تے کہانی ماں انسان کے اندر بیٹن آلی واردات، ذات مُثُن کو جھف، شعور، لاشعور تے تحت الشعور پر پیش آن آلا واقعات تے حالات بھی کسے نہ کسے شکل ماں بیان کیا جا رہیا ہیں۔

گوجری ادب ماں کہانی اک عرصہ توڑی لوک ادب کو حصورہ ہی ہے۔ تے لکھن کے بجائے لوک مُنہ زبانی کہانی گھڑ کے سنا تار ہیا ہیں۔ تے اس طرح کہانی سینہ بہ سینہ اگے ٹرتی رہی ہے۔ اس کی بڑی وجہ یاہ ہے جے گوجرال ماں علم کوڈاڈھو گھاؤ تھو، لوک پڑھیا و انہیں ہوئیں تھا۔ اس واسطے یاہ صنف زبانو زبانی ہی اگے بدھتی رہی جہڑی کہ لوک ادب کی صورت ماں محارے باندے ہے۔

تحریری گوجری افسانہ کی عمر حالیں مج بیکی ہے تے یاہ کوئی تریہہ (۳۰) سالاں تیں زیادہ نہیں۔ حالانکم ۱۹۷۱ء تیں پہلاں ”گوردلیں ماں“ کدے کدے گوجری افسانو چھپتو رہے تھو پر ویہ افسانہ اج کا افسانہ کی پرکھ پر پورا نہیں آتا۔ اُنگا اس زمانہ ماں لوک اپنی ماں بولی ماں لکھن تیں جھکیں تھا، اس واسطے وی افسانوی ادب ماں کوئے قابل ذکر کم نہیں ہو۔ پر ۱۹۴۹ء ماں ریڈ یو کشمیر سرینگر تے پھر ۱۹۷۵ء ماں جموں تیں جد گوجری پروگرام شروع ہو۔ تاں گوجری کا گھجھ سپوت اس پاسے مڑیا تے انھاں نے گوجری کہانیں تے افسانہ لکھنا شروع کیا پر حالیں بھی سارو گھجھ ہوا ماں ہی تھو۔ صحیح معناں ماں جموں کشمیر کلچرل اکیڈمی ماں

گوجری شعبوکھلمن کے نال ہی گوجری افسانہ کی ترقی بادھا کو دور شروع ہوئے۔ گوجری زبان کی ترقی بارے ٹھوں طریقہ نال کم شروع ہویا۔ اک پاسے گرایاں تے شہراں ماں گوجری مجلس تے کافر نص ہون لگیں تے دوچے پاسے ”شیرازہ“ کی باقاعدہ اشاعت شروع ہو گئی۔ اس طرح لوکاں نا اپنی ماں بولی ماں لکھن کی شوق پئی۔ کیونجے مادری زبان اظہار کو بہترین وسیلہ ہے اسواستے مج سارا گوجری کہانی کی ڈلفاں نا سوارن لگ پیا۔ سارو جھک مک گیوتے گراں گراں ماں شاعر تے افسانہ نگار جم پیا۔ اس طرح ۱۹۷۵ء تے ۱۹۸۰ء کے درمیان گوجری ماں لکھن آلاں کو اک قافلو تیار ہو گیو۔ اج تک ٹرتاں ٹرتاں اخھاں بچوں کجھ تھک بھی گیا ہیں، کجھ رستو بھل بیٹھا ہیں، کجھ لا پرواہی نال اس پاسا نا چھوڑ گیا ہیں پر مج سارا افسانہ نگار جنوں ڈاہ کے گوجری افسانہ نا اگے بدھاں ماں لگا ہوا ہیں۔ تے ہن غبار ہن تین بعد تھر کے کجھ اجیہا افسانہ نگار مہارے سامنے آ گیا ہیں جھاں کی لکھتاں پر مان کیو جاسکے تے اخھاں کی لکھتاں نا دو جی کے بھی زبان کا لکھن آلاں کا مقابلہ ماں رکھیو جاسکے۔ ان افسانہ نگاراں ماں قابل ذکر نا ہیں، غلام رسول آزاد، شریف شا ہیں، اقبال عظیم، امین قمر، قیصر الدین قیصر، نسیم پوچھی، فضل مشتاق، محمد حسین سلیم، کے ڈی مینی، ڈاکٹر رفیق احمد تے مرزا خان وقار۔ ان لوکاں نے گوجری افسانہ ناں دھندتے غبار بچوں کلڈھ کے اج کا دور ماں آئیو تے گوجری ان سپوتاں پر جتنو بھی ناز کرے گھٹ ہے۔

کیونجے اردو رسم الخط گوجری کو بھی رسم الخط منیو گیو ہے تے گوجری کا افسانہ

نگاربھی و بھی تھا جہڑا اردو جانیں تھاتے اردو ادب پڑھیں تھا اس طرح اردو افسانہ کی روایت کو سیدھا واثر تے چھاملو بھاویں بے بھلاوے ہی گوجری افسانہ پر بھی پیو پر اسکی دکھ گوجری افسانہ پر باندے با چھڑ دیکھی جاسکے۔ گوجری افسانو پڑھن مگروں اک ہور گل جہڑی سامنے آوے۔ واہ یاہ ہے کہ یوہ اجیں پریم چند کا بنایا واچکرو یومان پھنسیو دو ہے پر یاہی گل دو جا طریقہ نال بھی کہی جاسکے۔ کیونجے پریم چند نافوت ہو یاں اجھاں پچھتر سال ہی ہو یاہیں تے ویہ ساریں بدعت تے مسائل جہڑا پریم چند کا دور ماں تھا اج بھی محارا سماج ماں موجود ہیں،۔ بھاویں شکل بدل گئی ہے، پر اج بھی عوام کی لٹ گھست، وہی غریباں کو استھصال، وہی زور زبردستی، وہی کھڑپی، مذہبی تے اقتصادی تقاضت تے عوام کی ماڑی حالت اج بھی موجود ہیں۔ اس واسطے جدادیب اپنا سماج تے ماحول نا موضوع بنائے کھھے تاں پتو چلے کہ لکھت پر پریم چند کو اثر ہے۔ حالانکہ یوہ اس ماحول کو اثر ہوئے جہڑا کہ ادیب کی چار چو مکھی کھنڈ یو وو ہے۔

اج تین گھج سال پہلاں توڑی محارا گوجری ادیب افسانا لکھن کے بجائے اپنا معاشرہ کا بارہ ماں معلومات فراہم کرتا سئی ہوئیں تھا۔ جد کہ یوہ کم مابر سماجیات کو ہوئے، ادیب کو نہیں پر یاہ گل ضروری ہے جے ادیب نا اپنا معاشرہ مانند پیش آن آلی وارداتاں کو احساس ہونو چاہیے تا مجے وہ انھاں نا موضوع بنائے افسانا لکھ سکے۔

اک ہور گل جہڑی گوجری افسانہ پر چھائی دی تھی کہ کجھ گوجری ادیب

ادب برائے مقصود کا دریا مان غوطہ کھاتا رہیں تھا تے انہاں کا موضوع پُواری، کھڑپیخ، شاہبرکار، پیرتے علم کا فائدہ کی کچھی گھانی کھاتا رہیں تھا۔ پرچھلا گھاں سالاں تیس گوجری ادیب اس باڑنا کپ کیکھلا ماحول مان آیا ہیں تے انہاں نے زندگی کا بکھ بکھ پہلوانی کہانیاں کا عنوان بنایا ہیں۔ اس طرح گوجری کہانی اک لمی چھال مار کے اج کا دور مان لکھی جان آلی کہانیاں کا مقابلہ مان آگئی ہے۔ یاہ گل منی پوئے گی کہ گوجری کا گھا افسانہ نگاراں نے ڈنگھا مطالعہ، ڈاڈھی محنت تے چنگی سوچ کو سہارو لیکے اجیہا افسانہ لکھیا ہیں جہذا کہ کسے بھی دوجا ادب کافن پاراں کا مقابلہ مانھ رکھیا جاسکیں۔ اج کا گوجری افسانہ نگار کیدے روئی کا چھلڑاں کی ترجمن، لیر لیر کپڑاں کی شروعی، ہوٹھاں پر جھی وی پوری کو جھف، پیراں کی بیتیاں کی ٹرک، کئی کئی غرض واسطے میڈا تا تے ٹھڈ لکھا جھونستا چھراں کی بے بی، پڑھن آلی عمر مان گیدریاں کا ڈنگر چارن کوڈ کھتے بے آسری عورتاں پر فارخطی کی لکھتی وی تلوارنا موضوع بنا رہیو ہے۔ تاں وہ اپنا قبیلہ تیں مجھٹ جان کو جھف، شہری زندگی کی کوفت، بھیڑ ماں گم جان کوڈر، انسانی ذات کا ٹشن کو درد، تے شعور، لاشعور تے تخت الشعور پر پیش آن آلا واقعات ناوی پیش کر رہیو ہے۔ پچی حقیقت نگاری تے ساریاں علامتاں نا برت کے سونی، سوچی تے سُتھری کہانی وی لکھی جا رہی ہے۔ ہُن اجتماعی گوجری افسانہ تیں بعد مناسب ہے گھقابل ذکر افسانہ نگاراں بارے وی گل ہو جائے۔

میری نظر مان سمجھی گوجری لکھن آلاں مان سب توں پہلو ناں آوے غلام

رسول آزاد کو۔ ویہ بڑی پُر معنی، رسیلی نے اج کا دور کی واردا تاں نا بیان کرتا وا سامنے آؤیں۔ اخہاں نے اپنی کہانی ”جان نہیں مختیٰ“ ماں اجنبی عورت کو کردار بیان کیو ہے جسکی مرضی کے خلاف بیاہ کرا دتو جائے کیونچے نا پسند معراج سنگ باندے باندے نفرت نہیں کر سکتی، اس واسطے واہ ٹھہباب تے ڈھینپر کو سہارو لے کے جھوٹھ موٹھ کو ہال پائے تے فر اپنی نفرت کواٹھہار کرتے ویلے خاوند ناٹھیری ہاروں نچاوے تے جان پر صبر کرے۔ اس کہانی تیں یاہ گل باندے آجائے جے سماج تیں رہیا والوک بھی اپنی ذات کواٹھہار کسے نہ کسے طور پر کرتا دیں، بھاویں اپنے اندر کو ہُسرد تے ہول کڈھن واسطے اس ناہال کوہی سہارو لینو پوئے۔

”خواباں کی ڈھیری“ غلام رسول آزاد کی اک ہور چنگی کہانی ہے۔ اس کہانی ماں پڑھن آلا گوجر گدران نا ملن آلی سرکاری امداد کو ذکر کر کے یاہ گل دی گئی ہے جے کدے بر وقت یاہ حوصلہ افزائی نہ ہوتی تاں شاید غریب گوجر گیدر اج بھی ڈنگر بچا چارتاتے مقدمائی کو گوہ سٹ کے عمر ٹپاتا۔ ہوں سمجھوں کہ اس مالی امداد نے گجرائی کی مالی حالت مانھ سدھار آنن کے نال اخہاں کو جھک بھی کھولیو ہے۔ ویہ ڈھا کاں تے کاڑاں بچوں نکل کے قومی دھارا مال شریک ہو گیا ہیں۔ کیونچے اس اقتصادی ٹھاپنا نے اخہاں نا عزت مان بھی دتو ہے اس تیں اخہاں ماں چنگی حیاتی جین کو جوش تے گمیو دو شخص بھی اخہاں نا لمحو ہے۔ آزاد صاحب کدے اس بکھی وی کوئے رمز مار چھڑتا تاں کہانی ہور وی نکھر سکے تھی۔ اس کہانی ماں اخہاں نے بڑی رسیلی تے سمجھی سنوری زبان بر تی ہے۔ پیش ہیں اس کہانی بچوں اقتباس:

” تے ایک ہی وقت اس نے دو چرخا ڈاہیا، ایک لکڑی کوتے دوجو زندگی کو۔ دل کا تکوپر غماں کی تند جھکی تے لوہا کا تکوپر ان کی پونی لائی۔ ”

ایمن قمر افسانہ کا پلاٹ کوتا نو بانو اس طرح بنیں کہ پڑھن آلو اخیر جا کے ترس کھا جائے۔ انکی کہانیں سوچن تے غور کرن پر مجبور کریں۔ انکو مزاحیہ انداز تے ہاسا ہاسا ماں رزم مارن کو طریقو برو منفرد ہے۔ اک کہانی ”لگیاں کو سینہہ“ ماں انھاں نے گو جرا سماج ماں کھبیا و اکھڑ پیچ کو کردار جس راہ پیش کیو ہے وہ اپنی مثال آپ ہے۔ انھاں کی کہانی ’دو جو پھر وہ بھی قابل ذکر ہے۔ اس کہانی ماں جنگ بندی لائن کا باہیا واپھٹاں پر لو بآہی گئی ہے۔ کس راہ یاہ لکیر بندہ، بھرا بھرا، ماں باپ، عاشق تے معشوق نا نکھیر چھوڑے، کس راہ ندیم اک پاسے تے ممتاز دوچے پاسے تے فر اڈ کتی اڈ کتی ممتاز عین جوانی ماں فوت ہو جائے۔ کیوں نجے ندیم آن کو وعدو کر کے وی ویلے سر نہیں اپر سکتو۔ پیش ہے اک اقتباس:

”فر انھیر واگ تے خون، نفسی تے دوڑ بھج انگا کا لوک انگا تے انگا کا انگا، ہوں مشکل نال نس بھج کے گھر پوچھیو۔۔۔۔۔۔ ممتاز تے میرے درمیان اک لکیر تھی، اک اچی دیوار جہڑی آدمیاں نے بنائی تھی! اُس کو ملک ہورتے میرے ہور۔۔۔۔۔۔“

شریف شاہین بھی گو جری کا اک منیا و اکہانی کار ہیں۔ ویہ گو جری ماں افسانہ لکھن کا نواں نواں تجربا کر رہیا ہیں جہڑو گو جری واسطے اک نیک شگون ہے۔ ”بھاند کی ڈالی“ انھاں کی اک قابل ذکر کہانی ہے جس ماں انھاں نے بڑی

خوبصورتی نال پھاڑاں ماں بسن آلا لوکاں کی اس حالت پر لو بائی ہے جد سارو سال
محنت کرن مگروں تیار ہوئی فصل ناہناس گٹ مار کے دھرچھوڑے تے زمیندار بچارو
ہتھ ملتورہ جائے۔

محمد حسین سلیم ہوراں کی کہانیں گوجرا ماہول کی بھرپور عکاسی کریں۔ ویہ
بھاویں گھٹ لکھیں پر ہر کہانی ماں حیاتی کا کسے نہ کسے نا سورنا ہڑک لاتا والنگ
جائیں۔ یہ کہانیں نچھ گوجرا ماہول کی کہانیں ہوئیں۔ ویہ اس ماہول نا بڑی سچائی
محنت تے دیانتداری نال پیش کریں۔ انکی ہر گل، ہر محاورو تے ہر کردار گوجرسی کو
ہوئے۔ انکا ہتھ ماں طزو مزار کو ہتھوڑو تے نہیں پر اجیہہ تو نہیں ضرور ہے جس سنگ
ویہ مدعا نا گھڑ کے پیش کرتا رہیں۔ انکی کہانی ”پیر کرامت شاہ“ سادہ گوجر کی جیتی
جاگتی تصویر ہے۔ اس کہانی ماں انخاں نے دیکھی ہے جے کرمیو جہڑا و بڑواں لسی، عیاش
تے عکقو جیہو بندو ہوئے تے جس نا گراں ماں کوئے نوکروی نہیں رکھتو، جد
مھکھو مرین لگے تاں لاڑی کی صلاح پر مسجد ماں جائیے، اُت اک چودھری اس نا پیر
سمجھ کے گئی وی مہیں پر نیاز منے تے فرمھیں لجھ جان پروہ اس اگے یارمی کا پیسا گڈ
تے آٹو آن دھرے تے اس نا اپنو پرمن لئے اس طرح کرمیواک بہلو نکمو تے
مھکھو جنون کرمیا تیں پیر کرامت شاہ بن کے سامنے آوے! اسے راہ سلیم
صاحب نے ”لاڑی“ ماں نور جہان کی ڈکھاروں، چاچا کی اس پر جھوڑک تے ابا کی
قبر پر کرتا اسکا کوسا کوسا اتھروں کہانی نا بڑو سوہنہ بنا ھوڑیں۔

گوجری کہانیاں کی چیند ماں کدے کدے علامتی کہانی وی نظر آؤں تے

گھر اجنبی علامتی کہانی وی لکھی گئی ہیں جہاں ماں تسلیم کوئے مسلمانوں سکون پورو
تسلسل، چگوسوادتے ڈیگی رمزی نظر آؤیں۔ اس سلسلہ ماں عبدالحمید سانہ کی کہانی
”اپنا کی مار“ پیش کی جاسکے۔ اس کہانی ماں پھانڈاتے رکھنا علامت بنایو گیو ہے
تے دسیو ہے کہ جد تک رکھ سارا لکھاڑا ہیں پھانڈواخاں ناکوئے نقصان نہیں دے
سکتو۔ پر جد اک رکھ دوجاں پر رعب جہاں لگے تاں دوجا رکھ اسکی جڑاں ناہلا
چھوڑیں تے پھانڈواس ناپرت چھوڑے۔ یاہ کہانی دے بے بندہ ناغرور چھوڑ کے
مل جل کے رہنوجا پیئے۔

شمیم پوچھی نیوں تے شاعر ہیں پر کہانی وی بڑی معركہ کی لکھیں تے حیاتی
کی کسے سچائی ناہر ک لائے اجنبی حقیقت باندے آئیں جہڑی پڑھن آلا پر لوندو
چاڑھ چھوڑے۔ ”گھمن گھمن حیاتی“، اخاں کی اک چنگلی کہانی ہے اس ماں
اک اجیہا بندہ کی کہانی بیان ہوئی ہے جس ناکوئے نکا ہوتاں چاء لے جائے تے
سہنسی نانچ چھوڑے تے اس راہ وہ بھی سہنسی بن جائے۔ پر اک بیلے وہ اپناملک
ماں واپس آجائے تے کس راہ اپنا گھر آلاں ناپچھان لئے پر ویرا اس نا اپنے نال نہیں
رلاتا۔ اس کہانی کا اخیر کی سطر قابل غور ہیں جس تین ساری کہانی باندے آجائے۔
”ہوں ن گھر نہیں منکتو، صرف اتنو چاہوں کہ یاہ دھرتی میتاں گل نال لا لئے،
کوئے منا بھائی کہے، کوئے منتاں اپنو۔۔۔۔۔۔“

ڈاکٹر رفیق الحم نا گو جری کہانی کوڈاکٹر کہیو جائے تاں جھوٹھنہیں ہو سیں۔
اس راہ سئی ہوئے بے گو جری کہانی کی نبغ پر انکو ہتھ ہے۔ حالانکہ اخاں نے اپنا ہتھ

شاعری تے تحقیق مان دیا ہیں پر گوجری کہانی نا ویہ اپنا متحاں پر نچاتا، کھڑا تا،
ہساتا تے رواتا الگیں۔ ویہ کہانی کی اٹھکل مزاج تے وطیرہ تین چنگی طرح واقف
ہیں تے جدید ادب کی وی پوری واقفیت رکھیں۔ یاہ گل انھاں کی کہانی کارکی حیثیت
نا اچودر جودے چھوڑے۔ بھاویں گوجری کہانی کاراں کی ہوں درجہ بندی تے نہیں
کرسکسوں پر سچ گل کھووی تے اک درجو ہی ہوئے نا۔ ویہ ۱۹۹۶ء مال ”کورا
کاغذ“ شائع کر کے گوجری کا پہلا صاحب کتاب کہانی کا بنیا تے انکی اس کتاب کا
مطالعہ تین یوہ سچ باندے آوے جے رفیق اجم کی کہانی گورا سماج کا سچ نابیان
کریں۔ تاں ہی انکی کہانیاں مان انسان کو سچ باندے با چھڑ نظر آوے۔ ان کی
جدید کہانی پر ڈنگی نظر ہون کی وجہ تین ویہ رمزآل تے اشاراں سنگ کے کردارنا
علامت کی صورت مان پورا سماج پر کھلیار چھوڑیں۔ مثال کا طور پر انکی علامتی کہانی ”
کباری“ نالیو۔ کباری گوجری کی سچ پیاری کہانی ہے جہڑی جدید کہانی کا سمندر مان
تاری مارتی سئی ہوئے تے پڑھن آلاں نامغزمارن پر مجبور کر دئے۔ کہانی مان اک
بندوفوت ہو گیو ہے تے قبر مان اس نا کجھ چٹ کا پڑ آ کے کہیں جے تین کباری کر
چھوڑی ہے۔ یاہ گل خبرے کتنی رمزکھول چھوڑے۔ ذری یوہ منظر ملاحظہ کرو:
”--- قبر کدے کی تیار، کفن چو پھڑ کر کے دھر یو وو، جنازہ کی صفائحی
وی، سامنے ہو لی جئی مجھی دھری وی۔ جنازو آن مان کائے دری نہیں تھی، صرف یوہ
فیصلو نہیں تھو ہو سکیو جے آخر بستی مان فساد کیوں ہے، ہر پاسے نخوست، بے برکتی تے
نفسی کس کے پیروں ہے، بستی کا پیچ دیر یوڑی اسے سوچ مان رُجھیا و اتحا۔۔۔“ تے

فر کہانی کا جھیکڑ مار قبر ماں سفید پوش مخلوق مرن آلا نایا کہ کے فیصلو کر چھوڑیں
جے ” توں واپس چلیو جاتے اُن پنچاں ناراں بیچج ”۔

میری نظر ماں یاہ کہانی کسے وی زبان کا جدید ادب کی کہانیاں کے بھکار
رکھن جوگی ہے۔ جت یاہ کہانی لکھ کے رفیق انجمن حیاتی مگروں وی جین جوگا ہو گیا
ہیں اُت گوجری کہانی دو جی زباناں نا گھجدین جوگی وی ہو گئی ہے۔

شریف شاہین نے گوجری کہانی نا اپنا ہمعصر کہانی کاراں سکون بکھلbas
لوان کی کوشک کی ہے تے انخاں نے کہانی نا گوجر اسماج بچوں باہر لکھ کے انساناں
کا بازار ماں آن کھلو کیو ہے۔ انخاں کی کہانی ”نیلم“، اس گل کی مثال ہے جس ماں
اک گوجرنو جوان انگریز گدری کی تاہمگ کرے، اسکی شفقت رکھے تے اسکی بکھی اپنا
کالجہ ماں پالے۔ گوجری کہانی ماں یاہ اپنا آپ ماں اک بڑی گل ہے۔ پیش ہے
کہانی کو آخری جملو:

” نیوں لگو کہ کنیاں جذبائ کو کر لیش ہو گیو ہے۔ وہ جدوں نیلم کی بک بھر
کے ہتھاں ماں لئے، ویہ روزی کا اتھروں سئی ہوئیں ۔۔۔“

اج کا دور ماں جس طرح ہر چیز بناؤ بی بن گئی ہے تے انسانی قدر اس کو گاٹو
گھٹھیو جار ہیو ہے بندہ کی بڑائی لیاقت تین نہیں بلکہ کوٹھیاں کاراں تین لگے۔ تے
پیسا کی یاہ دوڑ تے بھکھ بندہ تین اس کو گراں، ماں باپ، بھائی بند سب گھجھڑا
چھبھوڑے پرسب گھجھ ہتھ آن مگروں وی انسان کی ذات تے ضمیر بھکھو تسا یو ہی
رہے۔ لوکاں کامنہ مٹھاتے دل کالا ہیں اس خیال نامحود رانے نے اپنی کہانی ”زندگی

آواز، ماں پیش کرن کی کوشش کی ہے، حالانکہ ویہ اس موضوع نال انصاف نہیں کر سکیا فروی اُنکی یاہ کوشش گوجری کہانی ماں اک نووں اضافو ہے۔ اپر بیان کی گئی ساری گلاں کے باوجود گوجری افسانو حالیں اپنا عبوری دور تیں ہی گذر رہیو ہے تے حالیں اس سمت ماں چاپ ڈھال تے اُنکل کے بارے گجھ کہن کی گنجائش نہیں۔

اج کو افسانو انسانی ذات کی چومگھیا پہنچانو پاؤ بُنے لگو وو تے جدید افسانو کے خاص کردار کی جھلک ہون کے بجائے اسویلے بچ سارا کردار اس کی نمائندگی کرے لگو وو۔ کہانی اک وسیع انسانی پس منظر مان داخل ہو گئی ہے۔ جت نہ صرف خارجی حالات ہی کہانی کھواویں سگوں باطنی منظر کشی وی ہورہی ہے۔ کے شدید لمحہ کو اثر، انسانی دماغ کو انتشار تے بکھرا دوی کہانی کے ذریعے پیش کیو جارہیو ہے۔ ادیب نہ تے کے رجحان ناقبول کر رہیو ہے تے نہ ہی کے نارد۔ سگوں اپنا تجربہ تے فہم نابر ت کے نویں کہانیں لکھی جارہی ہیں۔ اج کا موضوع ہیں ان جانی چیزوں کو خوف، موت تے موت تین بعد کو ڈر، دنیاوی چیزوں نا حاصل کرن کی دوڑ ماں پچھے رہن کو جھف، انسانی بھیڑ ماں گم ہو جان کو خطر و تے فرد اخلي جہنم کی اگ جیسا موضوع وی از مایا جارہیا ہیں۔ میر و کہن کو ہر گز یوہ مطلب نہیں کھکل توڑی لکھیو جان آلو افسانو چنگو نہیں تھویا فراس نا کھبر اپر کھچھوڑنو چاہیے۔ سگوں روائی افسانہ تے قصہ نا بنیاد بنا کے نووں ادب وی چنگی طرح تخلیق ہو سکے۔ محارے سامنے سریندر پر کاش، کنور سین تے انتظار حسین کی مثال ہیں۔ جہاں نے روائی قصا کہانیاں تے حکایتاں کی نیں پر اجیہی کہانی بنائی ہیں جہڑی لامثال تے لا جواب ہیں تے اج کا ماحول ماں وی فٹ پیسیں۔ اس سلسلہ ماں انتظار حسین کی کہانی ”کشتی“،

سریندر پرکاش کی ”گولی“ تے کنور سین کی ”آج کا دھرت راشٹر“ قابل ذکر ہیں۔ مثال دین کو مطلب صرف اتنو ہے کہ مهارا گوجری کا کہانی کاروی اجیہا تحریکر کریں تاں جے گوجری افسانہ نویں را لبھ سکے۔

یاہ گل صحیح ہے جے پچھلا گھاں سالاں ماں گوجری کہانی کو نظر یو ونووں، سخرو تے نچھ روپ کڈھن کی زوردار کوشش کی گئی ہیں تے مهارا گوجری ادیباں نے افسانہ کی بھی ساری کھلی زمیناں پر ہل بھائی کر کے گوجری افسانہ ماں نویں باڑی لائی ہیں تے نویں چلواری تیار کی ہیں۔ تھوڑا عرصہ ماں ہی اجیہہ نزو یو، سو ہنوتے سوچو ادب لکھیو ہے جس پر گمان وی کیو جاسکے تے مثال وی دتی جاسکے پر حالیں مھارو سفر ختم نہیں ہو یو!، سگوں شروع ہو یو ہے۔ حالیں ہم نے افسانہ ماں نواں رنگ روپ بھرنا ہیں تے کھلن کھار پس منظر ناپوری جرت سنگ سامنے آنون ہے۔ حالیں گوجری افسانہ کی نہار تے مہار بناں واسطے ڈھنگی سوچ کا سمندر ماں پچھی مار کے ادب کاں سچاں موتیاں ناکڈھنوباتی ہے۔ تاہی فر حالات کی کالیاں راتاں تے اوکھیاں دنیاں بچوں نگھ کے ہم افسانہ کی معراج تیکر پہجاں گا۔ پر جس جذبہ جوش تے نیک نیتی سنگ مھارا گوجری افسانہ نگار لگا وایں اس نادیکھ کے یاہ گل کہی جاسکے جے وہ ولیو دور نہیں جد گوجری افسانہ کی چیند ماں وی اجیہا مھمل مھملیا ہوئیں گا جھاں کی خشبودوجیاں زباناں کا افسانہ نگارتے پڑھن آلا وی لین ماں خوش محسوس کریں گا۔ (انشا اللہ!)

خوش دیو مینی

"Heritage" Fort Road Poonch (JK)

پارکہ نظریں

ڈاکٹر انجم بحیثیت افسانہ نگار

چودھری نسیم پونچھی
 آج توں پنجی چھبی سال پہلاں گوجری کہانی نے عکیں نکیں قد میں سفر
 شروع کیو تھواں کی بڑی وقاری ٹور تھی یوہ پچ میو پے کہ اس کہانی نے بڑا سیانا، سمجھیدہ
 تے ادب پر چنگلی نظر رکھن آلا لوکاں کی انگلی پکڑ لی تھی، اس نا پھیر میں راہیں ٹرنو پیو
 بلیں بلیں ٹرتی رہی۔ یاہ جہڑے پاسوں وی گذری اس کی ٹور ماں وقار بانپن آ تو
 گیو۔ یاہ گوجری کہانی کی خوش قسمتی تھی کہ گھروں نکلتاں ہی اقبال عظیم، امین قمر، قیصر
 الدین، غلام رسول آزادتے مختار الدین تبسم جسار اہبر ملیا۔ کہانی تے افسانہ نا ایکین
 ہو را اقبال عظیم نا صدیاں توڑی اڈیکیو پے گو۔ بلیں بلیں اُس اچا منجھیا واتے
 خوبصورت کہانی کارناں اک اک رتو گیوتے تکتاں ہی اک رونقی قافلو بتو گیواس
 قافلہ ماں ڈاکٹر رفیق اجم صاحب وی چینیں آن کے رلن گیا۔

میرا جسا گھٹ لو آلا بندانالا گماں کاغذ پر عینکوں بغیر وی کجھ نہ کجھ نظر
 آجائے پر ”کورا کاغذ“ پر کجھ نظر آنکوئے سخنوم نہیں ”کورا کاغذ“، اجم صاحب کی
 کہانیاں کو جمیعو ہے۔ پیشہ کے طور ڈاکٹر ہیں۔ آج خبرے کم فرستی کو ناں ڈاکٹر
 ہے۔ پھر وی آج کی اس چھوٹ لائی دوڑتی دنیا ماں ویہ اپنی سوہن سوچاں کی
 ہواری نا اپنی ذاتی زندگی توں زیادہ سنگار کے ترتیب دین ماں کراماتی چھٹ
 مار لیں۔ شعرتے ادب کی سری ماں ویہ نگے پیریں ٹرن واسطے مریضان کامچلیاں
 بچوں چپ ہو کے کھسک جائیں تے سماجی زندگی کا بخش پر انگلی رکھ لیں آوان کی
 کہانیاں پر اک نظر ماراں:

”خبرے اس گلوں بے میں وی دنیا ماں بان بانیاں کالوک دیکھیا تھا۔
کچھ جہڑا سکا ہو کے وی اوپر الگتار ہیاتے کچھ سست پرایا وی پل پل دل ماں بتا
رہیا... گباری“۔

نورا نے ایک نظر اپنی لپر اس پر ماری کسے ناکدے گٹھاری وی تے کائے
لبنگری کدے لڑ کے..... بدھیماں نال اُس کی بیٹگی ورگ اس طرح چڑھی وی تھیں
جس طرح بٹ ریں ورہنر بمل ہوئے (دوا جائیگی)۔

انھاں نے سدھی سادی زبان برتنی ہے۔ آکھاں تے محاورا جس طرح
چھاپ ماں تھیو و ہوئے۔ مختصرًا کہانیاں ماں سدھا سادا لوکاں کا درد لعلائی تے
جو اہراں ہاروں جھل ماریں۔ ساروں کچھ ساہ لیتھو محسوس ہوئے انھاں نے کہانی کا ہر
کردار ناجھ ہی نیڑا توں دیکھیو ہے اُس کوانڈرو نوتے پیر و نو پورے طور تر نگڑی ہاروں
بیٹیو ہے اک تندنا ہتھ لاؤتے سارا جسانا چھیکو گے۔ ”تا راں کی سلو“، گوجرا ماحول کی
جیتی جاتی تے ٹریقی تصویر ہے۔ تے نورا نال ہوئی وی ”دوا جائیگی“ پیراں بیٹھوں
زمیں ناچھک لئے۔

کہانی کافن تے اس کی گئنیاں گئنیاں جا چاں ناکنی چھوڑ کے ”کورا کاغذ“
کی اصلاحی، نفسیاتی تے رومانی کہائیں گو جری ادب ماں چنگو اضا فو ہیں۔ آخر ماں
دعا کروں کہ ڈاکٹر صاحب کی قلم لکھتی رہتے اس ماں پل پل اشک آتی رہ!

چودھری نسیم پونچھی
نوون گاندربل، سرینگر

ڈاکٹر رفیق انجم:

بھیثت افسانہ نگار

ڈاکٹر میرزا خان وقار

دُنیا کی ہر مقبول زبان کا ادب ماں اک گل سماجی تے عام رہی ہے جے
چنگو شاعرا کثر چنگو نشر نگار نہیں ہو تو لیکن کتے کتے یا ہر بیت چھ سر پھریاں نے تروڑ
کے وی دسی ہے۔ مثلاً انگریزی ماں پوتے ایمرسن تے اردو ماں غالب تے حائی
نے۔ گوجری کو یوہ ڈاکٹر بھی انھاں ہی لوکاں کی محفل کو ایک 'انجم' سئی گے۔

ڈاکٹر رفیق انجم ہورا پنی کئی کہانیاں ماں جس ماحول تے منظر ناپیش
کریں وہ محارودیکھیو پر کھیو وو ہے پر اس ماں رس مس کے وی وہ انکی کہانیاں بچ
نوں سووں سئی ہوئے تے بار بار پڑھن کو دل کرے۔ میرے نزدیک انکی کہانی
تاراں کی سلو، زندہ لاش، بہیاں کی مٹھی، تے خواب خزانائ، گوجری کہانی کی
تاریخ ماں اک چنگو اضافو ہیں۔ انھاں نے انسانی نفیات ناں خاصو کو لے تین
پر کھیو تے فن کارانہ طریقہ نال پیش کیو ہے۔

ڈاکٹر انجم ہور ذاتی طور پر رومانی نہ ہوتاں بھی
رومانتے حقیقت کو امتزاج بڑا عمدہ طریقہ نال پیش کریں۔

ڈاکٹر میرزا خان وقار

ڈگری کالج راجوری

چٹی مٹی

چر تک دوئے گلین لگی رہیں.....

اخیر....،

اک لمون جیھو ساس مار کے.....،

چٹی مٹی نے کالی ناکھیو:

اڑئیے--!

میرے تین توں ہی چنگی---!!

@-----@